


浙江通志 百六十九

忠臣四  
循吏一三三



漢書門			
二三五二	九〇	一四	一〇
號	函	架	冊
類			

內閣文庫			
二三五二	九〇	一四	一〇
號	冊	架	函
漢書			

內閣文庫	
番號	漢 2352
冊數	120 ( 66)
函號	232 48



Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19



勅修浙江通志卷一百六十六

淺草文庫

人物二

忠臣四

衢州府



徐

弘萬曆龍游縣志字聖通習韓詩春秋舉孝廉為汝陰令縣大姓多兼并弘至官誅鉏奸桀豪右斂手商旅露宿道不拾遺童歌曰徐聖通政明公平刑罰奸宄空遷扶風守與賊戰死

唐

祝奢

正德江山縣志字伯宗隋末喪亂率子弟以保鄉里唐武德四年為賊李子通執於杭死之潮將李

宋

大亮疏其忠馳令昇歸九年詔封妻陳氏為懷德縣君

忠臣四

宋

徐晉卿

天啓衢州府志 字國梁開化人仁宗朝召對為

於廣南金城驛子瞻神宗朝給事中知延州元豐五年帥師伐寇戰亡於新城事聞帝臨朝慟哭贈柱國

少保節度使

毛棗

兩浙名賢錄 字叔纘江山人少有節操晚以特恩為歙士曹睦寇攻城官吏皆遁棗曰吾職司寇獄

有繫囚詎不可去乃攝州事時二子貢辟雍即遣人持印絕城以出令上之朝城陷棗衣冠坐堂上賊脅

使降不屈罵不絕口嬰刃而死妻錢氏弗忍去婦掖其姑又弗忍去俱遇害事聞贈朝請郎

江汝度

弘治衢州府志 字致一開化人為桐廬尉會方臘竊發死事特贈通直郎官其子蹊蹕

徐揆

宋史本傳 衢州人遊京師入太學靖康元年試開封府進士為舉首未及大比而遭國難欽宗詰金

警不歸揆率諸生扣南薰門以書請車駕還闕金人見書使以馬載揆至軍詰難揆厲聲抗論為所殺建

炎二年追錄死節 贈宣教郎官其後

三奎

天啓衢州府志 舊名侗字世高紹聖間進士 曹建卒張員作亂奎力疾論之遂死於兵血流如

乳白

方允武

宋史朱蹕傳 允武衢州人武學上舍補官為常州宜興巡檢建炎三年金人入縣全泉鄉允武

率土兵鄉夫迎戰殺獲數級奪弓箭與旗後遇金兵梅嶺村力戰而歿詔贈兩官官其子二人

徐徽言

宋史本傳 字彥猷西安人大觀二年詔求材武士以徽言應詔賜武舉絕倫及第歷保德軍監

押以邊功累遷秉議郎靖康初遷武翼郎閣門宣贊舍人金人圍太原分兵絕饗道自隰石以北命令不

通者累月徽言以三十人破之遷武經郎知晉寧軍兼嵐石路遷安撫使金人再犯京師陝西制置使范

致虛徽言守河西欽宗割兩河以紓禍聞知樞密院事聶昌出河東為全人所劫以便宜割河西三州

隸西夏晉寧軍民大恐徽言遂率兵復取三州時河東郡縣淪沒遺民日俟王師徽言陰結汾晉土豪十

忠臣四

萬約復故地則奏官為守長聽世襲條其事以聞俟報可即身率精甲擣太原徑取雁門留兵戍守全人忌徽言欲速拔晉寧以除患建炎二年自蒲津涉河圍之先是徽言移府州約折可求夾攻金人可求降金將婁宿挾至城下以招徽言徽言故與可求為姻乃登陴以大義噍數之可求仰曰君於我何大無情徽言攝弓厲言曰爾於國家不有情我尚於爾何情寧惟我無情此矢尤無情一發中之是時河東皆已陷獨晉寧屹然孤墉橫當強敵徽言與金人數十戰所俘殺過當金進攻數敗圍之益急晉寧俗不井飲寄汲於河全人載芟石湮塞支流城中水乏絕人人喘憂徽言能得衆心奮枵餓傷夷之餘哀折梁斷刃以死固守既自度不支置妻子室中積薪自焚仗劍坐堂上拔佩刀自擬左右號救持之急金兵和至拔徽言以去婁宿得徽言所親說徽言徽言怒曰吾恨不屍汝輩歸見天子將以死報太祖太宗地不事宿又出金制曰能小屈當使汝世帥延安舉陝地并有之徽言益怒罵曰吾荷國厚恩死正吾所願詎為汝輩屈耶婁宿舉戟向之覲其懼伏徽言披衽迎刃意氣自若飲以酒持杯擲婁宿宿罵不已金人知不可屈

遂射殺之事聞賜晉州觀察使諡忠壯

子嗣死事從孫適亦以守安豐死

周隨亨

正德江山縣志崇寧二年進士紹興間以直

趙汝標

弘治衢州府志字津叔開化人少儻嘉定手

李誠之死之朝

祝夢熊

正德江山縣志嘉泰進士尉黃巖寇

朱友恭

宋史朱昭傳友恭西安人金人犯陝西渭帥以

何新之

嘉靖浙江通志西安人仕至樞密院編修善

徐應鑣

宋史高應松傳應鑣字巨翁江山人為太學生

崧女元娘誓共焚子女皆唯命太學故岳飛第有飛祠應鑣祀飛曰天不祐宋社稷為墟應鑣死以報國琦亦賦詩自誓祭畢以酒肉餉諸僕諸僕醉臥應鑣率子女入梯雲樓縱火自焚一僕未寐聞火聲穴牖

視之父子儼然坐立如廟塑像走報諸僕諸僕壞壁入撲滅火應鏢不能死與其子女快快出戶去莫知

所之翌日得其屍祠前井中贈朝請郎

毛附鳳

正德江山縣志宋宰北遷益廣二王入闕取道

而附鳳身

魏亨中

弘治衢州府志開化人德祐丙子起義兵浮海以死

元

汪文燦

弘治衢州府志字良辰常山人十八鄉舉第二

居里日慶善郡守自亮更名尊賢里後仕至中議大夫嶺南廣西道肅政廉訪副使以國難憂憤不食卒

有歸朝藁明農藁行世

蘇幼安

正德江山縣志字心德舉明經為衢州路教授歸老時鄉寇犯境欲執幼安去大罵不屈而王

或遂解去鄉人立祠祀焉

明

周廣中

正德江山縣志字子容官至河南僉事洪武庚申雷震謹身歿三上章不報遂致仕後以直道

死於權奸

周能

正德江山縣志字德成其先江北人占籍江山幼習武藝明初從征番陽授百戶累立戰功陞

後征雲南陣亡

柴德猷

正德江山縣志為工部主事洪武初以剛直忤權相胡惟庸而死

王均

衢州府志字贊平開化人洪武間充

韓永

名山藏西安人為兵科給事中論事慷慨靖難後杜門不出名之仕不應曰吾王蠲也遂坐死

金玉鉉

衢州府志名鼎以字行常山人洪武十五年鄉試中式授戶科給事中歷國子助教五經博士

永樂四年以直諫賜死兄輝同年鄉舉歷任泗州學正成祖謁孝陵輝以燕王禮見極刑死

余春壽

衢州府志字永齡開化人以薦舉知諸城縣能擊貪暴抗權右永樂時以劾宦者罹重禍

黃埒

衢州府志江山人嘉靖四十二年處州賊作亂埒率壯丁數十人禦於破塘塢口自辰至午與黃鉅

周梧俱死之鄉人為立祠

徐可求

善浙江通志字世範西安人萬曆壬辰進士知上海民告人命多虛俟准詞後方於野外尋屍以誑可求命告者隨車相驗事証坐之民乃服擢選部轉太常巡撫四川因臺省二使召上兵激變盡節軍中詔贈右都御史蔭

一子世襲指揮會事

柴薦禮

河南通志江山人崇禎末以舉人知洧川縣流寇破城不屈大罵賊怒殺之

葉應武

衢州府志龍游人萬曆己未武進士授京營游擊歷官協守薊州副總兵崇禎二年以孤軍沙

於陣贈都督同知

徐應泰

西安縣志西安人崇禎初東撫募士勤王應泰杖策往從署都司綸大加委任會萍島兵變披發萊郡命以偏師戍海口扼其歸路諸島師合兵攻之兵敗自鑿沉其舟死海中贈懷遠將軍蔭一子

祝錫範

龍游縣志字克舉以明經授襄陽別駕時流賊蹂躪中原荆襄鄖陽尤甚鄖撫盧象昇晉督七省凡我糧芻芟悉仰給焉會朝議遣使招撫象昇特舉錫範往賊初見時頗加禮後聞象昇收授宣大賊

曰天下事可知矣我將入蜀君能從我富貴乎錫範遂自往於錫我山賊嘆息曰忠臣也懸標於屍上拔

營去襄王送其柩歸葬焉

李正光

衢州府志字際熙龍游人崇禎時為北京虎賁左衛參軍甲申李白成入京師正光合門死節

徐日舜

衢州府志字五臣西安人由卒伍為雲南叅將城破猶披甲乘馬登陴力戰被擄不屈矢貫舌

陳其禮

衢州府志字以讓西安人崇禎己卯副榜授臨建閩清縣有能聲城破為兵士所執不屈死子

龍王妃吳氏塔徐應宜皆被害男女死者十五人

國朝

徐光旭

鄉賢留祀冊常山人崇禎壬午舉人任昌化教諭再補黃巖甲寅閩變逼以偽職抗節不受逃

匿永嘉山谷中不食而卒

徐光皓

鄉賢留祀冊常山人任山東新城令滅火耗清徭役解組歸值耿逆之變被擄逼受偽劄不屈

罵賊而死

江之崑

衢州府志字玉鄰常山人康熙甲寅閩逆亂賊將吳安邦破常山欲降之之崑罵賊不屈與次

子世晟俱被害妻張氏媳曹氏孫女如娟俱殉

鄭大來

衢州府志開化人府學生勇力絕倫習騎射擊劍康熙甲寅三月閩賊破開化知縣崔崇寡

兵大來為之倡未幾賊引去六月賊復引萬餘人謀夜襲城官軍遇於仙霞嶺是日黑霧四塞大來從霧

中擊之連斃數十人賊少却大來亦戰死是役也

戰歿者鄭卓麟鄭振祥鄭有忻鄭毛鄭大卿鄭重馨

甲毛徐義禮徐白古徐六十徐旦等共十有七人

嚴州府

宋

詹長臣

宋史本傳字元公分水人以恩得官調縉雲縣尉方臘起其黨再犯處州守貳俱棄城遁又有

他盜屠成富者用臘年號剽掠縉雲長臣曰捕盜尉職也縱不勝致愛死乎率數十人出禦之為所執成

富誘使降長臣曰汝等不知求生顧欲降我耶昔年李順反於蜀上倫反於淮南王則反於貝州身首橫

分妻子皆誅以暮守兵在汝肉飼狗鼠矣賊怒齎其

密使自笑之巨臣吐舌罵至死不絕聲贈通直郎錄其子孫二人

翁開

兩浙名賢錄壽昌人政和五年進士宣和二年攝青溪尉方臘寇起領所部與賊戰不勝被執罵賊

而

葉鑛 嚴陵志字勉明壽昌人宣和二年方臘竊發與龍溪洪某護鄉井有功授忠訓郎瑞州軍馬都監靖

康二年金人犯闕與王時雍守東壁粘罕攻城急鑛守禦甚力歿於王事

劉晏 宋史本傳字平甫嚴州人宣和四年授通直郎金人犯京師以晏總遼東兵號赤心隊建炎初從劉

正彥擊淮西賊丁進進黨頗衆晏提赤心騎才八百乃為五色旗使旗兵持之循山而出一色盡則以一

色易之賊見官軍累日不絕顏色各異不戰而降遷朝散郎正彥反晏以衆歸韓世忠世忠追正彥及苗

傅於浦城以晏騎六百為疑兵賊大駭正彥就擒金人犯建康杜充兵潰晏領赤心百五十騎屯青龍羣

寇犯常州晏以精銳七千人出奇破之進直龍圖閣保馬跡山以捍寇寇再至選舟師迎戰降其衆千五

百人賊方圍宣城晏往援至城下未立營壘出不意直擣方帳下方卻走晏欲生擒方單騎追之方率其

衆迎戰晏不能敵為賊所害贈龍圖閣待制官其子四人於死所立廟曰義烈

徐梅龜 舊浙江通志字曜叟壽昌人登進士第授霍邱縣尉端平三年元兵犯境梅龜率土人王鏐等

劉寨安陽諸山保障生民鄰境亦賴以安嘉熙元年元兵又至梅龜身先士卒俘獲甚衆次年春元大舉

入梅龜與戰不利顧謂其子尚古曰彼衆我寡我知之矣委質為臣有死無二汝其行乎尚古曰天人既

能死忠尚古豈不能死孝乃轉戰益力皆遇害贈宣教郎官其子汲古進武校尉尚古贈承信郎官其子

肅進義校尉梅龜嘗著春秋指掌圖行於世

詹樞 萬曆遂安縣志至弟也舉進士官

鄭采翁 嚴陵志字季華壽昌人性剛果好讀書學兵法元人圍臨安遂倡義勸王收集鄉兵與宋潰卒

設部伍習騎射義聲感激人皆效死俄而京師失守兩宮北遷元將唆都陷建德府安撫方回降遂犯白

沙渡采翁率所部拒之力戰數合兵敗被執仗義不屈死之

吳洪德 吳雄飛 嚴陵志字長翁淳安人淳祐九年進士累官至金部度支員外郎遇事激



烈多與時忤宋亡死難弟雄飛字次翁景定二年進士累官至太常寺簿宋亡募兵赴難死

元

陳日卿 分水縣志 任元為千夫長守禦本邑明驃騎鄧同王元取蘭溪婺源等路率兵至此日卿力抵

死之房  
產俱燼

魯淵

嘉靖浙江通志 字道源淳安人至正辛卯進士出承華亭徽寇構逆延及水干省檄淵與監部脫脫引兵而西焚賊壘六十餘遂會大軍於新安中與富山巡檢鄧仲華共守寧嶺賊再犯衆驚懼有退志淵以忠義相激皆固守賊不敢犯已而為賊所執守節不屈必欲求死而拘監其固明年寇平得脫起為浙江儒學提舉尋以疾告歸居岐山下洪武初屢徵弗就學者稱為岐山先生所著有春秋節傳策府瀝要行於世 列朝詩集 小傳明初應召禮局辭還山王逢贈詩云相期文苑傳獨立義熙年

男

張瑛

閩書 字彥華建德人以刑部郎為建寧知府著按察司事鄧茂七賊黨二千餘逼郡城結寨時出剽掠瑛及典史鄭烈帥民夫吳保等會都指揮徐信分三路暗襲之斬百五十餘拔其寨陞右叅政仍攝府事復與其季父敬提兵與茂七黨林拾得陳保戰不利死之贈按察使錄一子主簿弘治四年建守劉瑛奏請立祠祀之

張海海

兩浙名賢錄 一名文淵建德人洪武初編伍營州調開平永樂十七年從典安伯徐亨脩邊俘於沙漠北主奇之欲妻以女懇辭與之官不受因入貢人至京附奏密情十四事朝廷嘉之頒旨開豁原籍仍免差徭次年得古壘欲南通適追騎甚迫乃募篆於裙幅間投壘於木至則真跡爛然馳獻召對便殿賜五品服錦衣衛千戶懇乞歸田海海在外十五年時比之蘇武

俞鑑

湯斌 俞鑑傳字元器桐廬人正統壬戌進士授兵部職方主事車駕北征郎中胡寧當從行以病求代鑑慷慨許行或曰公家遠子幼奈何輕身耶鑑厲聲曰此豈臣子言身家時乎因撫二子摩其頂曰若

忠臣四

等自成人我不能顧矣時尚書鄭整知其賢軍事多與之謀鑑曰惟有力勸上班師耳至土木遇難而死

徐資節 舊浙江通志建德人父戌貴州正統間邊事告急分闈者置資節幕下一日問軍行進退對曰

是有伏不可遽犯督師忽其言弗用卒犯之不利而資節以死殉

汪喬年 余國禎汪喬年行畧字歲星遂安人天啓壬戌進士授主事歷陞河東兵備晉大參長泉臺僅

大殺積穀平糶全活以億計特簡陝撫咨勅未至聞闖賊將窺關即日赴商維與士卒露處設險堵擊寇

知有備不進未旬日而獻賊又逼鄖西亟移駐山陽截遏之總督傅宗龍全軍覆沒廷推喬年代之檄調

固原臨洮及團練總帥賀人龍三鎮兵圍進取令發逆闖祖登得一蛇斬以殉壬午賊圍左師於鄖老砦

屯襄城喬年計搗其巢賊舍至師統數十萬衆逆戰賀歸未陣先逸諸軍遂潰喬年曰此吾死所也帥標

兵千餘保襄城城無守具賊砲矢如雨圍七晝夜城被創自刎不死賊縛詣韓家莊大罵不屈剖其耳鼻

乃死民感其忠潛瘞莊後撫按具題遣官護櫬還里

張連 舊浙江通志字景明建德人薦賢民方正授巴州同知崇禎十四年張獻忠圍巴城踰月連

督兵民晝夜死守知城將陷自製一寢衣謂其下曰我死爾以此覓我屍耳城陷被執大罵不屈賊磔殺

之賊退果以衣得屍事聞贈奉訓大夫

邵子灼 舊浙江通志字季可建德人崇禎四年歲貢授永嘉訓導擢河南郊縣知縣張獻忠等環攻邾

縣子灼督兵死守度勢不能支整衣冠懷印綬曰此人臣致命之日也賊至不屈蹈刃死士民立祠以祀

張日新 舊浙江通志字心自建德人崇禎五年歲貢授宿松訓導陞齊東教諭日與諸生講藝習騎射

時梁寇安守夏者倡亂日新招之降遂與同守東邑崇禎十三年齊東被圍日新守北門率其二子光尹

光齋百計防禦城陷被執同子光齋死焉妻方氏聞訃奔死所有欲犯之者氏曰吾一門忠烈豈容異輩

汚我耶持匕首自刎時稱三烈

濮有宏 舊浙江通志分水人崇禎癸酉舉人授安陸知縣治為楚最流寇薄城竭力拒守闖獻二賊合

東作法通志 卷一百六十一  
兵圍城力屈而陷夫婦幼女  
舉家一十九人同時殉難

王元封

舊浙江通志建德人崇禎甲戌武進士授湖廣  
大圍山守備流寇犯境元封單騎入賊寨擒殺  
數十人賊方造飯見元封後無援兵  
以湯糜潑之馬仆猶步殺數人而死

國朝

翁旦

舊浙江通志字振周壽昌人通經史諳武畧順治  
乙未武進士累授廣西參將會猺獍蠢動旦挺身  
勦之慷慨先登深入重地  
被圍度不免引佩刀自剄

溫州府

唐

葉一源

葉適忠烈武義侯祠記字九江其先枯之松陽  
大父格心徙永嘉因家焉一源幼有志操能  
詩書習騎射時唐公李淵已克長安遂募兵十餘  
太原唐公悅之使與機密事及即帝位授以福建道

節度使貞觀二十二年太宗征高麗檄令副總管  
高麗門往所向先登單騎陷陣斬首二十餘級身  
流矢馳歸卒帝憫之為輟食詔所居  
之里建祠諡武義天后朝加封忠烈

宋

薛良顯

宋史本傳字貴勤瑞安人崇寧二年進士累官  
為大宗正丞出為江東轉運使江寧軍校周德  
作江東間變率眾與戰  
斬十餘級力不能勝死之

丁仲修

宋史字敏之溫州人方臘黨俞  
安簡樂清將渡江仲修帥鄉兵禦諸樂灣鄉  
兵去而散仲修以  
兵去而散仲修以

包汝諧

周行已包汝諧傳溫州人業儒事親孝宣和庚  
子方臘起睦州連陷杭歙婺諸郡至遂昌郡守  
汝諧皆倉皇莫知計所出州學教授劉士英與館下生  
石礪謀禦賊糾集義士王三錫等二十八人汝諧與  
焉自諸父老曰某等雖無官守然所食皆君食也可  
值時變而甘不義乎乃身先士卒先後禦賊不下數

十戰竟死於難事平立專祠賜忠孝扁

張理

萬曆溫州府志瑞安人宣和間寇至郡縱火延壩接橋理統兵為先鋒出城迎敵賊眾披靡俄而橋

陷溺死郡為立忠義廟祀之德祐間封忠惠侯

周承已

婁淵

潘守真

溫州府志承已字恭先行已弟淵字淵明守真字適道皆

永嘉人清溪寇渡樂灣若攻城終制郭仲荀遣裨將張理帥師迎敵承已等慨然請於郡以行渡壩接橋

賊鋒銳甚摩兵據橋為陣橋斷皆溺死德祐中理封節惠侯配享忠烈廟承已等三人皆從祀於旁

徐震

萬曆溫州府志瑞安人宣和間賊寇至吹臺小嶺震率義兵捍衛賊眾勢盛力戰死之民為立祠祀

焉洪武初詔加忠烈耶

吳叔沅

萬曆溫州府志字雅宗瑞安人登嘉定第紹定三年知江山縣常山寇汪徐來二等犯邑叔沅

部兵戰沒贈朝奉大夫官其子立廟賜額忠義

黃友

宋史本傳字龍友平陽人登進士第調永嘉尉友往諭之次浦江賊望風解去復發寇復發

貼然發人圖像祀之通判澶州會金人敗盟郭藥師以軍叛烹士響應友獨領數千人與戰躬冒矢石破

裂唇齒欽宗即位召對問友唇齒狀為之稱嘆進直徽猷閣制置司參謀官同种師中解太原圍友遣兵

三千奪榆次得糧萬餘斛明日大軍進榆次一里而止友急白師中地非利將三面受敵論不合友仰天

嘆曰事去矣迨曉兵果四合矢石如雨敵益以鐵騎士卒奔潰敵執友勒降友厲聲曰男兒死耳遂

遇害帝書忠節傳家四字旌其閭官其後八人陳壽孫

陳壽孫

閩書瑞安人登寶祐第授台州教授會新郡守初視篆守丞相丁大全黨也謁廟日壽孫揚言

日冉求聚斂孔聖鼓攻守黨丞相可升夫子之堂哉守聞解印去後直龍圖閣歷福建提刑入覲與賈似

道爭鹽法被劾歸里元兵至率市人禦之被執不屈死

侯昂

宋史本傳樂清人以武舉授合浦尉寶祐五年通判海州兼河南府計議官李崧壽據山東突出漣

泗岳廉戰城下死之闔室遇害太學生言於朝卽海州賜廟旌忠諡節毅仍立廟其鄉所著有霜厓集

潘方 宋史鍾季王傳方平陽人寶祐四年進士調監慶元府市舶慶元降附方不屈赴水死

陳元帥 萬曆溫州府志逸其名宜中從子少負勇畧拜議郎理宗時屢立戰功擢大元帥德祐中伯顏

入臨安將士解體宜中張世傑奉端宗及廣王昺由越州航海而南元帥扈從舟次金井灣得暴疾謂左右曰吾世受宋恩生不能報死當為厲鬼殺賊遂向帝舟叩頭長慟而逝遂葬於姥嶺之麓後屢著靈異其地立廟祀焉

陳虞之 兩浙名賢錄字雲翁永嘉人登咸淳己丑第授揚州教授歷官廣王府記室參軍積階承議郎

元兵至溫虞之率子姪鄉人千餘登芙蓉巖誓以死守不降元兵攻巖累為所敗越二歲始下乃盡以家貲投巖隙中遂自刎死子姪妻孥及鄉人死者八百餘人

林逢龍 宋史本傳逢龍字慶雲平陽人弟廷龍字雷發俱為太學生當理宗末元

兵人侵於龍上書陳戰守計不報咸淳中同廷龍等言事以負似道歸鄉里後逢龍又上封事乞正似道罪國之非宜急調兵解襄樊圍似道怒削其籍押還本貫乃屏跡居山德祐丙子元兵至溫州素聞逢龍名令軍校至山中索之遂被執驅迫登舟入城元兵欲用之逢龍攘臂怒罵曰我宋書生也豈為汝用哉以腹觸其刃而死廷龍亦被執不屈同日遇害

鮑叔廉 黃帝義烈記世家粵清宋末元兵下台州叔廉率宗族倡義兵結寨七十二據險揭旗溫台之

界曰台州雖降溫州不願為之氓元將怒用茅禽牟氏導殺叔廉死之族無噍類遺子約已方五歲有家如嚴敬翁李宗善抱匿陰溝至夜躋舍後山藏叢棘中拾山果食之兵去方下長有室生五子鮑氏遂蕃

王小觀 兩浙名賢錄瑞安人善樂每以忠義自許元兵至溫竟抵瑞安陶山小觀乃悉傾家財召募勇

敢者千餘人出陶山迎敵彼眾我寡退入小溪元兵追之力莫能當遂被執不降臨刑罵不絕口而死

劉黻 兩浙名賢錄字聲伯樂清人試入太學時丁大全為臺屬劾奏丞相董槐迺逐去國將奪其位黻率



同舍生伏闕上書言朝廷進退大臣須當以禮書上忤執政意送南安軍安置及大全貶黻還太學歷官吏部尚書兼中書舍人以憂去江上師潰起黻為端明殿學士不赴及賈似道死陳宜中謀擁二王由溫州入海以兵逆黻共政揮涕就道及羅浮憂憤卒其妻林氏舉家蹈海死

葉佃祖

兩浙名賢錄字德平樂清人尚氣節辟史館編校晚年退居教授聞元兵渡江謂子弟曰吾生為宋臣死為宋鬼即具衣冠望闕辭躍入所居楊樓水中

元

孔昞

萬曆溫州府志平陽人孔子五十六代孫至元三年任廣州增城縣烏石寨巡檢朱光卿反昞捕之被殺贈從仕郎充州判官卹其家

桂完澤

元史本傳永嘉人為平江路管軍鎮撫會賊攻下皆勝尋又與賊鬪為所執其妻弟金德亦被擒皆反縛於樹蹄以白刃脅之降完澤呼曰金舅男子即

死不可從賊德曰此言是

因大罵賊怒剖二人之腹

謹按元史及嘉靖通志俱以完澤作桂姓而

彭庭堅

元史本傳瑞安人至正四年進士授承事郎同知沂州以平反獄囚忤上官意遂棄去十年以建寧路崇安縣尹起陞同知建寧路總管府事江西寇庭堅率兵復建陽平浦城十二年攝僉都元帥府勅使司副都元帥鎮邵武寇悉平陞同知福建道憲慰使司副都元帥鎮邵武寇陷建寧庭堅統兵復建寧縣浙江行省檄庭堅節制建寧邵武二郡諸軍十四年盜侵政和松溪江南行臺中丞吳鐸督軍建寧檄庭堅至時鎮撫萬戶岳煥隸麾下素悍從卒為暴庭堅欲繩以法煥懼使部卒乘其不備詐為賊兵突入交鋒眾皆潰庭堅獨留不去遂遇害民泣如喪父母立祠像御史余觀上其事贈中奉大夫福建道宣慰使都元帥封忠愍侯

張庸

元史朴賽因不花傳庸字存中溫州人精太乙數會世亂以策干經畧使李國鳳承制授庸福建行

省員外郎治兵杉關頃之計事赴京師因進太乙數  
圖順帝喜之擢秘書少監命庸團結房山除刑部尚  
書仍領團結會諸寨既降庸守駱谷遣從專段禎  
請援於擴廓帖木兒不報庸獨堅守拒戰衆將潰庸  
無去志已而寨民李世傑執庸  
出降以見主將庸不屈被殺

周誠德

萬曆溫州府志平陽人方明善據溫州城屢侵  
洋累官浙東道副都元帥明善深畏之乃賂遣摩下

使伺於內遂被執大罵不屈明善趣左右剗其皮誠  
德曰雖羸粉我猶愈從爾苟活況剗皮乎尋遇害既  
死猶屹立兒嗣德由浙東帥府同知屢以平寇功陞  
中奉大夫浙江行省叅知政  
事亦為明善所執囚於鄞

張文貞

嘉靖浙江通志字元之瑞安人至正間禦方國  
珍獲功為三尖巡檢陞瑞安州判拒寇吳成

寇陶山文貞率鄉兵守天門關賊從間道至關  
陷文貞與弟德及姪力戰皆死里人立祠祀之

卓敬

劉球思貞字惟恭瑞安人性至孝讀書嘗  
時年十五晨昏之禮雖遠不廢會夜歸值大風雨

昏真不知所之得一半兒憇之而歸發門乃一黑虎  
也將以為孝感所致登洪武戊辰進士除給事中時  
國初制度初立典章未備諸王服飾僭踰敬乘間白  
上益見器重陞戶部侍郎建文登極時太宗已封燕  
敬密奏乘其不意請徙封之疏入召見曰卿何得出  
此言燕王骨肉至親卿雖慮事深長其謀當不及此  
敬叩首曰陛下以燕王為至親楊廣之於隋文不尤  
親乎帝默然事竟寢太宗南下敬被執首責以不迫  
乘輿之罪敬厲聲曰先帝若依敬言殿下豈得至此  
帝怒欲殺之而憐其才命中臣諷之降敬曰吾恨不  
得請上方斬馬劍死得見先帝於地下耳帝憐其誠  
猶欲生之姚廣孝不可帝意遂決命斬之夷三族臨  
刑從容嘆曰國家養兵三十年一旦變生畧無措置  
敬死有餘罪但恨不為兵官得少行其志耳神色凜  
然經日如生敬博學多能雖天文律曆地理兵刑靡  
不各造其奧尤邃性理有遺書十卷發明周子通書  
邵子經世之學詩文五十卷  
沒入之日惟書畫數軸爾

鄭士達

萬曆溫州府志字達世瑞安人洪武二十六年以貢任肥鄉訓導靖難師南下狗廣平有議迎

附者達毅然曰我儒官也若隨風效順謂綱常何激守臣相與堅壁以守不克棄官歸永樂三年詔逮諸逆命者達竟坐戍右屯衛間命慷慨而行歿於戍所

黃養正

萬曆溫州府志名蒙以字行瑞安人國子學正潮光子永樂中授中書舍人累官太常少卿性

瑞謹博學工詩文宣宗甚愛之南還時執手賦詩以別正統已巳之變先事陳言弗從及扈駕土木也先衝通行營驚怖養正獨毅然衛護無所畏避至駕北狩死之天順初追贈太常卿錄其子一人世襲錦衣

鮑輝

湯斌鮑輝傳字淑大平陽人宣德癸丑進士授工科給事中改刑科上言有司抑配鹽商斂怨於上

州縣官考滿資緣保留宜禁止之畿輔山陝飢請命大臣賑賑之寬其徭役正統間海內久安武事漸弛上言奸詐之伏恒於承平時天下都司衛所官溺於晏安器具不修軍士靡恤冒支糧餉規避徵發比者

延平寇起朝命兩都司調軍征進遷延旬月及歸輒復畏縮乞勅兵部議下巡按及清軍御史會同三

司官大加簡閱推擇公忠智勇者為之將領庶武備可飭朝廷是其言下所司行之車駕北征輝督右掖

軍紀戰功師潰土木死焉

江德歸

舊浙江通志字君壽泰順人正統時山寇剽掠首倡義兵率鄉民禦之遇害子佛保年十八天

志復讐尚書孫原貞領大軍至收置幕府命統所部殲之寇平授贊書

王沛

溫州府志字子大澈季弟少業儒棄去精醫術授益府良醫倜儻尚氣節嘉靖壬子倭亂沛謀諸鄉

族集兵為守寇被創逸去戊午復至勢張甚沛率鄉兵禦之遇害贈太僕寺丞立祠祀之賜額愍忠錄其

子叔本國學生

王德

兩浙名賢錄字汝修嘉人弱冠成進士授東昌府推官擢給事中即勸上簡內閣輔臣失執政意

上方畧十餘事稱旨出募兵山東為諸道最會新太宰上事德投刺少殺其禮太宰以為強項而惡之遂



承執政旨出德為廣東按察司僉事數選練驍銳以軍法約束之身入諸徭寨所殺捕過當後歸適倭亂從其宗人豪散資財募兵為廬井捍嘗一再敗之最後失其豪奮厲益前而郡援不至遂敗猶手殺數人罵賊以死贈太僕少卿賜祠祭額曰愍忠官其子錦衣百戶

趙連

侯一元烈士傳樂清人嘉靖壬子倭寇海上連聞賊出於厠縱連以矛傷腋悶絕與歸猶呼其左右曰賊可擊也盍掖我以起行數百步距踴高岸因頓乃還且死家人環而哭之連張目曰勿哭人百年曾有一死吾有以死矣語畢乃絕

林田

溫州府志字舜耕泰順庠生嘉靖己未倭寇至雅洋將抵縣田率鄉兵禦於排嶺賊掩至整兵力戰而死贈州同知建祠立祀

李大韶

溫州府志字舜廷樂清人設教平陽從學者眾因家焉天啓己丑歲貢考授通判積魏瑞之績與蔡廣叩關上書瑞怒逮蔡詭斬大韶繫獄而卒子應察奔計扶纜歸至濟河舟覆以索自縛與樞相聯

飄萍數十里得援若有掖之者既而大韶事楊應察到股以進弟應官燕營嶺天刺指血和藥尋愈應官妻張氏死於節一門以忠孝節烈稱

章一焯

溫州府志字涉瞻樂清人天啓選貢授湖廣耒陽知縣性公直不容於時解綬歸居鄉恂謹稱長者會寇亂焚其廬且脅之去一焯以死自誓奔赤城題詩太平門外沉河而死

林宗椿

舊浙江通志字君靈泰順庠生崇禎十二年山寇竊發劫縣之仙居屯三日不去宗椿率鄉兵直前連斬數級賊氣奪將遁宗椿欲盡殲之引賊至澗逼橋而陣橋壞失足橋下賊蜂刺之怒罵不絕口遂死賊亦引去邑人立祠致祭

鄒欽堯

溫州府志字維則瑞安庠生徙居永康田申闢變作書別其父自沉永寧江而死

葉上高

溫州府志字而栗永嘉人郡庠生負氣節聞闖賊陷京師失志佯狂以言語抵觸有司繫獄會端陽賦詩有未吞蒲酒心先醉弗浴蘭湯骨已香之句遂仰藥而卒

王瑞梅

舊浙江通志字廷秘永嘉人天啓進士兩任河

簡授郎襄兵備張獻忠受創於左良王奔穀城乞撫  
當事皆為所愚瑞梅獨條賊宜勤與可勦狀及勢不  
可阻乃條解散歸農隨征三款乘城治兵防禦益力  
賊畏忌不敢動會丁內艱歸悉如所料明末避亂山  
中已而沐浴辭廟賦  
絕命詞投繯而卒

國朝

曾三鳳

溫州府志泰順人順治丙戌山寇焚劫鄉都各

殺敵死之弟三重繼死弟三益又  
繼之一門忠義鄉人立祠祀焉

侯贈祖

旌忠剛樂清人康熙十五年閩亂偽帥某謀襲

郡為賊邏者所獲  
賊意甚殺於市

處州府

宋

祝汝秩

括蒼彙紀字君禮麗水人宣和中方臘起睦州

郎即領兵解郭太尉圍破仇道人  
洞至台州復捕臘餘黨為賊所害

趙育才

括蒼彙紀遂昌人政和中為武學生膂力絕倫

恃以不亂時松陽羣盜侵掠及邑乃率所部格  
於孟山前賊勢張甚手射殺數輩死於

祝公明

宋史王士言傳公明麗水人為太原府孟縣主

率保甲入接圍守踰年城陷不屈死子唐為陶州司

姜綬

宋史本傳麗水人金人再犯京師朝廷募勇士齎

乃刲股藏書縋下南壁為邏騎所獲厲聲  
叱罵遂被害建炎中官其子特立承信郎

劉倚友

兩浙名賢錄字夢澤青田人政和進士宰開封

城按視為金人所獲脅使降罵不絕口死之

吳樞 兩浙名賢錄慶元人政和進士靖康初詔募人使金者樞毅然請行既至惟長揖不拜金人欲烹之

鼎油方沸樞攝衣從之顏色無少變金主壯其節遣還

何紱 括蒼彙紀字叔章麗水人靖康初金人犯汴詔募義勇紱率土豪百人應募補進義副尉至潁上縣

三合戰馬奔為柘木所支遂陷陣

祝永之 括蒼彙紀字榜年麗水人以世賞授和州尉靖康初金人入和州守令俱遁永之獨部鄉民城

守盡室被害州人乃推承之為守後知滁州

鴛友 括蒼彙紀縉雲人以父適蔭知雍州靖康中金人犯汴友從北狩金授以官不就死之

吳安國 宋史崔縱傳安國字鎮卿處州人太學進士累遷考功郎官以太常少卿使金值金人渝盟向

留脅服之安國毅然正色曰我首可得我節不可也

知袁

周格 萬曆杭州府志處州人直秘閣浙西提刑建炎元年討叛卒陳通與子肇丕俱遇害高宗嘉其節贈

官勅

龔楫 宋史本傳字濟道遂昌人兵部侍郎原之孫建炎初聞金人陷郡縣輒憤志不食兀术據和州以編

師萬人築堡新塘絕濡須之路楫率家僮護之鄉里從者三千餘人獲千戶二繫累者數百人輜重

是金兵大至乃取道圩上金騎兵據其衝不得前

多赴水死楫麾其眾曰今日圖死亦足稱義士自棄溝瀆無益也戰敗為金人所獲猶挺劍刺其一人罵不絕口金人齧之

章雲就 嘉靖浙江通志麗水人建炎四年潰兵宮儀政婺州將逼郡境州將梁頤吉募能說賊者雲就

應命往遇賊於荆坑喻以禍福賊許諾與俱至城下會官軍掩襲賊以為賣已殺之

張漳 括蒼彙紀龍泉人紹興初以秉義郎充金國通問副使金人脅以拜跪正使唯唯漳獨不屈遂遇害

上嘉其忠節官其子越為保義郎

朱光

兩浙名賢錄字不塵麗水人紹定三年進士尉襄陽攝均州錄事端平丙申均倖王用吉以城叛光

諭之不從責之又死於難贈通直郎官一子

鮑廉

括蒼彙紀侍郎鮑度元知臨江軍守城而死

梅寬夫

括蒼彙紀字伯大縉雲人調慈谿尉德祐初攝知縣事率義勇應文天祥至常州戰死嘗師膝

隣得考亭之學所著裕堂講義刻於鄉校

柳味道

兩浙名賢錄雲和人好讀書每以節義自持時有寇柳機察作逆逼味道為主堅誓不從寇

縊於松以脅之味道從容口占一詩曰國破家亦年窮命亦窮浮雲諸逆賊送我上青松竟縊死於

林融

兩浙名賢錄青田人仕宋為提刑痛宋社淪亡

釋力屈死之

元

徐伯龍

崇禎處州府志青田人至正甲午賊起總管官

身先官軍殺賊總管官授以松陽縣尉牒明日大戰自且達暮數十合兵勢少却伯龍直前斬數十首為

賊眾所殺其妻夏氏以貞節聞

洪度

崇禎處州府志字克明青田人至正間由儒士授

溫州竹木場提舉時方國珍寇溫州度欲往行省請計未行匿於蘿峯下國珍獲之罵不絕口引刀自刎

張進九

兩浙名賢錄青田人世業農敦樸有至行至正

乙未八都盜起進九被縛使前誘眾降進九怒呼曰諸人速來殺此八都賊賊加刃於頸令如已言卒不屈竟被殺

王毅

宋濂王毅傳字剛叔自號木訥其先自琅琊徙居

處之龍泉毅六歲知書以躬行實踐為教發明本心之學至正中荆襄兵起直犯縣南鄙毅畫八策贊將軍石抹宜孫破之未幾盜發青田揚言來攻縣長

吏竇忽丁遁盜遂深入焚官舍剽掠至雞犬毅召門人章溢部勒鄉民為兵逐殺之俄部使者下令正丁罪丁恚集惡少據險阻以力命首害毅於家枯蒼藁紀毅讀朱子書慨然以師道自任一時遊其門者章溢胡深徐操李汶等為國元勳有木訥集行世

明

葉琛

嘉靖浙江通志字景淵麗水人博學多才與劉基章溢齊名明太祖遣使以幣聘之與基溢宋濂四人同至金陵上顧左司郎中陶安問曰四人何如安對曰臣謀畧不及劉基學問不及宋濂治民之才不及章溢葉琛權琛為營田僉事壬寅正月上帥師至龍興守臣祝宗康泰以城降改龍興為洪都府以琛知府事既而宗泰據洪都叛琛迎戰死之追封南陽郡侯命有司立廟城中歲時祭之

胡深

王禕胡深行述字仲淵龍泉人少好學於書無所不讀上遣胡大海取處州軍入城深挺身見大海而四縣得不受兵上素聞其名召至南京擢中書省左司員外郎命總制處州已而浙西將李伯貞大舉

入寇城堅不可攻乃引去溫州方明善取平陽深出偏師勝之并復瑞安所侵地而親統大軍攻溫州明善勢蹙與其叔國珍議歲貢有旨俾班師乃入覲除王府參軍仍總制處州乙巳福建陳友定寇邊深往征之破其二柵友定怒盡率精銳來圍深突陣與戰馬蹶被執友定甚相禮待深因具道主上神聖援竇融故事以感動之會元使至督迫遂遇害上遣官即其家祭之追封縉雲郡伯子楨為宣武將軍僉處衛指揮司事

厲子溫

兩浙名賢錄青田人明初以明經擢監察御史糾劾不避權要洪武癸丑命踏湖州水荒以實復命上曰前使者曰無爾獨口有何也對曰溫知地知臣知君獨不知上忿其言不遜斬之後果如其言因罪前使者而御書於午門曰豪傑御史厲子溫

章存道

名山藏龍泉人溢之子溢退處匡山屬存道保璋州里胡大海克處州太祖久聞溢名與劉基宋濂並使聘之存道亦以數擊却陳友定有戰功授處州翼元帥副使以功授處州指揮副使從征秦隴

取興元留守之擊敗蜀將吳友仁再守平陽轉左衛指揮同知從湯和北征哈墩不刺營戰失利死

季珍

粘蒼彙紀青田人性驍勇元末寇掠郡邑珍率眾禦敵於邑西自旦至暮斬獲無算援兵不及遂遇

害詔贈臘源寨巡檢

劉璟

吾學編字仲璟基子喜談兵究韜畧賦賦葉丁香

畧上喜曰璟真伯溫子矣金書除奸敵佞四字於鐵簡賜之命曰百官不法持此糾正會谷王封宣德府

授谷府長史并勅提調肅遼慶寧燕趙六王府事璟常至燕文皇與奕璟勝文皇曰卿獨不少讓我耶璟

正色曰可讓處璟不敢不讓不可讓處璟不敢讓靖難兵起璟馳還京獻十六策不聽令參李景隆軍事

景隆又不聽景隆戰敗璟夜半渡蘆溝河水陷馬斃璟跳岸冒雪走良鄉裂趾跛行三十里璟子猶自大

同赴難越良鄉至涿州遇璟翼璟上馬奔還家養疾建文二年璟輿疾赴闕進見錄千萬言又不聽令

璟還家待用明年六月建文遜位璟稱疾不起法官論璟逃叛逮至京見上猶稱殿下下詔獄自經死法

官希旨緣坐其家上不許得歸葬嘉靖

葉希賢

嘉靖浙江通志一名雲松陽人洪武中舉賢且任御史壬午之變家人驚潰相失疑其已死乃

發喪以衣冠歸葬希賢實從亡在外隱姓名削髮為僧好事者為建刹於蜀之重慶松柏難以居之朝夕

誦經呪其徒諦聽之則易之乾卦也或時放舟中流朗誦楚詞投之水而哭焉號雪庵和尚時有補鑿匠

者不知何許人亦毀形韜迹往來隆安里問竟何狂以死蓋葉之僚友同出亡者

劉原熊

粘蒼彙紀松陽人父維賢相資倡築獨山百仞堰建永安橋置澄川渡立祭田正統間陶得義

等倡亂男女多避難於橫山寨寨近澄川守寨者素聞原熊剛毅各捐簪珥求為禦護原熊却之曰賊因

財而致亂予復因亂而受財相去幾何即推牛注酒構集鄉人會盟於社原熊執父前戰賊懼退居城北

次日忽乘機劫寨原熊又力戰於野斬賊魁四級陣亡鄉人哀之祀於社

項民彝

粘蒼彙紀字善恒松陽人狀貌修偉以明經授監察御史上以皇太孫英明欲特授曆服民彝

抗疏諫上怒罷朝時天大雪民彝俯伏不敢起上入宮復取其疏讀之感悟命宦官搜於雪消陷處得之四肢已僵勅光祿寺調護尋以疾終上一日問侍臣曰何久不見長御史對曰已死矣嘆息久之

時誌

括蒼彙紀遂昌人正統間礦賊攻縣治誌見哲散金募兵率誌邀擊於麻車嶺誌死之誓力戰却賊

郡司上其功授馬步司巡檢

葉德良

崇禎處州府志字克復遂昌人由吏員任莆田縣丞嘉靖中倭寇福建時知縣簿尉棄城走獨

德良堅守旬日力竭城陷死之贈太僕寺丞蔭一子入監

吳南明

慶元縣志字君治崇禎間任湖廣黃岡丞時寇賊數十萬所過郡縣盡破適縣缺令人勸之士

南明日吾職雖卑忠義則一遂率兵民固守月餘盡城陷被執不屈賊怒割其鼻并兩耳愈不屈賊其左手血悶死賊退半日復甦歸家二年卒

詹嘉言

松陽縣志字心聲少以忠義自許訓導象山縣令分隸共守屢出奇計法令平寇

著墨守書及海外篇轉蒼溪教諭時賊寇對忽集城圯難守嘉言遣子瑗懷印出間道賊至誘進之不為動正辭誓賊死贈國子助教建祠於學之舊基

程必進

松陽縣志號景雲以拔貢除贛州訓導城失守遂冠帶南向拜赴水死子矩泣曰父死忠子烏可不死考次日亦死

國朝

吳詒功

舊浙江通志慶元人康熙十四年秋逆陷慶元從吳陳仁起義兵死難丞

旨優卹詔功子顯宗壽男子嬰捷俱千總

周茂覺

山西名宦冊浙江人順治初任垣曲縣典史姜逆之亂死於城守

王之佐

山西名宦冊浙江人順治二年任臨縣典史城陷知縣張耀祖死之佐領民兵急趨上趙

誓擒渠魁以圖恢復力不支為賊所獲罵賊死

徐士鶚

山西名宦冊浙江人順治六年任大寧縣典史姜逆之亂城破死之妻子亦偕死

戴真學

福建名宦冊浙江人順治三年隨征入閩授漳平令邑在萬山中寇四起且撫且禦寇不能犯

五年賊王錡等擁衆萬餘逼城下六月城潰方夜半真學出巡見勢不支急歸手刃其妻出戰為賊所殺

錢嘉倫

福建名宦冊浙江人舉人順治三年知順昌縣土寇竄起悉力禦之城陷投繯死

鮑之奇

廣東名宦冊浙江人順治七年以明經授恩平縣縣先為賊據遂即在於凹頭村之奇屢謀入

城五團民遮道泣留不聽一日單騎詣之宣布恩德賑恤窮黎民皆感悅賊憚其得民令黨何國佐殺之死之日血漂於地限食之皆自斃國佐怒發狂死

謹按周茂覺以下六人皆各省移咨新志所載冊內止開浙江人未詳何府縣屬而皆為國捐軀者自不容泯沒故統載於十一屬之後

勅修浙江通志卷一百六十七

勅修浙江通志卷一百六十七

人物

循吏

自遷史傳循吏而後世史家多因之顧其言要於奉法循理初非有驚奇難能之事以震世而駭俗也東南美逾竹箭不乏政事之材然必如孟堅所云淑人君子民有餘思者乃足稱焉詩不云乎不競不綈不剛不柔布政優優雖奕世而下猶旦暮遇之志循吏

杭州府

南北朝



范述曾

梁書本傳字于元錢唐人齊明帝時出為永嘉太守為政清平不尚威猛民俗便之所部橫陽

縣山谷險峻為述曾所聚前後二千石討捕莫能息述曾下車開示恩信凡諸凶黨強負而出編戶屬籍者二百餘家自是嘉之徵為游擊將軍部送故舊白不受饋遺帝聞其嘉之徵為游擊將軍部送故舊錢二十餘萬述曾一無所受始之郡不將家屬及還吏無荷擔者民無老少皆出拜辭號哭聞於數十里東昏時還鄉里高祖踐作詔曰中散大夫范述曾昔在齊世忠直奉主往而永嘉治身廉約宜加禮秩以厲清操可大中大夫賜絹二十匹

宋

謝濤

范仲淹謝濤墓碑字濟之富陽人淳化三年進士除梓州推鹽院判官會盜據成都發其徒攻縣濤守備既堅十旬弗破事平就遷觀察推官權知益之華陽縣時寇亂之餘民多散亡上言者請募人占田可倍其租朝廷從之於是有力者得并其田濤曰查民世產以資富人豈朝廷意耶乃盡取其田以歸於

民真宗即位召試學士院會京東有強寇而曹南尉守遂命濤往至郡稱治豈不敢犯有趙諫者出入都

下務乘入之獎以告許濤奏之斬都市乃下詔曰凡民非干已事無得告言遂著為令自是天下訟息而

刑清歷遷兵部員外郎出為兩浙轉運使心尚文法雖任在按察而誠意坦然吏樂其職民安其俗還臺

進禮部郎中兼侍御史知雜事清靜端介百辟望其風采乾輿初進吏部郎中直昭文館遷太子賓客

郎簡

宋史本傳字叔廉臨安人舉進士第知寧國縣徙福清縣有石塘陂久湮塞簡募民復築溉廢田百餘頃邑人為立生祠一寶州有縣吏死子幼資壻偽為券冒有其資子長及訴不得直訟於朝下簡切治簡示以舊牘曰此爾書耶曰然又取偽券示之弗類也始伏罪徙藤州與學養士一變其俗藤自是始有舉進士者知廣州擢斬賊

馮佐臣歷右諫議大夫致仕

元奉宗

范仲淹元奉宗墓誌字知禮餘杭人景德中甲科初命歙州知績溪縣事再命常州武進令皆以廉愛稱遷知通州海門縣入拜尚書屯田員外郎告歸卒在海門日品有大瀆亘數十里堙而不治奉

宗抗議藉力導至  
於海人咸利焉

謝景初

於越新編自大理丞出知餘姚民所利病相緩

為田具奏禁止民又爭水泉乃創立規繩簿記其高

下廣狹啓開唇刻令各鄉遵守名曰湖經有盜湖爭

刊者證經乃息漸海多盜煮海乃頒示約束令民無

失利法亦罔忤而鹽課倍昔又飭厲學官化誨子弟

時景初知餘姚甘弟師立知會稽王介甫知鄞韓玉

汝知錢塘皆有鼓其越稱四賢云兩浙名賢錄富陽

人終之子慶曆一年甲科及第以大理評事知餘姚

縣遷益州路提刑獄以屯田郎致仕博學能文尤

長於詩壻黃廷自謂從謝公得句法

唐肅

宋史本傳字元錢塘人舉進士調郿縣主簿徙

韋讓

武林紀事字子駿錢塘人皇祐五年進士以薦擢

沈邁

東都事畧字文通錢塘人舉進士通判江寧府遷

黃黼

宋史本傳字元章餘杭人累遷太常博士除兩浙

廉侖

黃氏日鈔字仲昭富陽人開慶中知建昌軍民詞

族有誣民為盜者獄已具

弁直之武斷之民遂戢

甚眾

食郡縣不以聞黼取民食以進乞捐僧牒緡錢賑濟

所全活

甚眾

數千立剖決皆洞見其情綱未催苗三千餘石豪

功參

循吏

元

楊瑀

楊維楨楊瑀墓碑字元誠杭人天曆間擢中璫司

日楊瑀有謀事必咨之超授奉議大夫太史院判官  
至正乙未江東浙西盜群嘯乃改建慈路總管建德  
在萬山中屬邑淳安又連歙境賊由歙窺兵而邏者  
疑長樂鄉民為盜執以歸諸獄連數百家民益洶洶  
主帥者謀往捕瑀不可日倚因疑枉鼓衆亂賊得乘  
機突來海焉及我請撫之果不測當任其咎遂肩輿  
從數隸直抵淳安邑人嘗厄官軍抄掠散匿山谷間  
馮載米二百石聲言賑濟使縣令馳諭民皆歡呼持  
牛酒來拜瑀喜曰吾困知民不吾負即日還瑀蒞郡  
視之如家民亦視如父母其像而祠者凡十有四所  
行省最其功進  
階中奉大夫

林堅

蘇天爵林堅墓碑字仲實錢塘人大德初授常湖  
茶園副提舉茶戶歲貢有常有司又復役之皆以  
為苦堅聞於朝即蠲其役陞承直郎中政院斷事官

階承德郎致仕堅為人慈祥愷悌嘗奉旨監製茶器  
於園前為使者指以尚食需索多端民不勝擾堅  
廉自律復為戢其撓政者  
民甚安之頌其美於石

孫德潤

兩浙名賢錄字以誠錢塘人由江浙行省掾  
為處州松陽令先是縣籍失實力役無稽民困  
於徭役德潤力行計畝均役之法以方田履其頃畝  
以土會等其硯沃以出賦定役籍既具適南北多事  
徵斂旁午縣惟按  
籍征之民大悅

明

周斌

萬曆杭州府志錢塘人洪武初知登州九年陞州  
為府遂遷知府登地並海民瘠斌撫綏有方民日  
熙阜勸學崇教使海陬僻壤  
典於禮義吏民咸化服之

王思祖

兩浙名賢錄仁和人洪武初為安州同知尋進  
知州在州十年餘為政廉平公慎簡易近民國  
初甫離兵燹萬事草創凡學校社稷壇壝多所創建  
思祖撫循綏靖民不告勞嘗手植柏數千章至今民

循吏一

蔭其樹而思之不啻甘棠也卒於官子孫貧不能歸因家於安遂為安州人

梁大舉 萬曆杭州府志字仲仁錢塘人洪武間以人材授陝州判官卓有異政清白聞遠邇以母老歸

趙文 廣西通志字夢得錢塘人洪武七年知藤州廉以自持誠以待物政尚仁恕秩滿去民有言及者輒

涕流

李貞 萬曆杭州府志海寧人洪武間補弟子員宣宗朝為揚州知府三載章累百上民被其澤考績入覲

以疾乞歸謝還初所賜勅諭上曰知府無與勅者與爾以旌賢也其傳示子孫以見朕優禮之意既歸家

徒四壁立

湛禮 萬曆杭州府志字用和錢塘人永樂甲申進士授內江縣知縣陞大理評事再遷知韶州府韶歲貢

藤而產於渤海禮疏於朝得免貢又曲江豪民二十餘戶皆投充軍戶以免糧差禮乃列其狀以聞事得

勘正嘗遣吏卒往樂昌督稅法外需求無已令械繫以來禮下教日暴橫殃民法所必禁令能不以府役

故屈法貸之其賢可知由是府後至邑皆斂戢不苛律甲乙訟田禮斷歸乙甲復訴藩司知其偽命禮

按致其罪禮慰遣令去約五日乃來辨析竟亦不加罪也其寬厚如此清白自持始終無替及引年歸貧

乏不能自存

周文 嘉靖仁和縣志字宗武永樂二年進士選庶吉士改擢湖廣布政司叅議聽訟明決人稱無冤分守

武昌道時黃州荒旱餓殍載道文多方籌畫一方賴以全活無何卒於任民哭弔為服以送歸櫬

何灝 萬曆杭州府志字彥容仁和人永樂甲申進士官刑曹郎持法嚴不撓貴勢京師為之語曰母縱誕

避何鐵面受知成祖每大獄親呼灝名使決之出知辰州裁抑豪強凡鎮守總戎殘擾市肆者悉舉正其

罪民立生祠以祀

俞益 兩浙名賢錄字友謙臨安人永樂甲申進士選庶吉士預修永樂大典授靖安知縣有惠政改潛山

大興學校造士多為聞人秩滿當去邑民千數詣闕乞留再任卒於官室如懸罄至無以為斂吏民哀慕

而助給之始  
克襄事歸

傅潤 萬曆杭州府志字克溫仁和人永樂丁酉舉人授

薦擢保安知州正統初中貴王振用事振奸顯順怙  
勢侵奪民產莫敢誰何潤廉得其實竟置之法及入  
計復不為餽遺振銜之以廉無可指再  
逾期振嗾總兵者委潤備糧瘁疾而卒

周安 萬曆杭州府志字元靜仁和人永樂中以國子生

授刑部主事陞郎中精聽讞慎刑法務得獄情以  
是狴無冤繫擢江西按察司副使矢志  
清白歷官二十餘年家無尺寸之儲

陳敏政 兩浙名賢錄字志行其先長興人後卜居仁和

四民樂業賢聲蔚起再轉至南康知府宅心公正輔  
善神強復社倉修石堤建白鹿書院百廢具興郡人  
德之子良器官  
至應天府尹

勅修浙江通志 卷一百一十一 五

姦人妻為親夫所殺吉祥必欲致其夫死和執不從  
竟俱下詔獄門達苦煨之終不引伏降通判以去後

擢撫州知府致仕

朱鏞 兩浙名賢錄字廷用仁和人景泰辛未進士授南

等城民婦以姦殺其夫六安民殺從弟皆誣坐他人  
鏞至閱成案逮治廉得實俱改坐御史驚以為神秩  
滿陞廣西叅政適鬱林賊起督撫統兵  
住征命鏞紀功師還感疾遂致仕歸

孫暉 兩浙名賢錄字景章海寧人景泰壬申以賢良方

托不及行人稱為霹靂手指其牒為鐵板榜文言其  
公平允當不可更易也擢博白縣知縣韓雍征大藤  
峽暉從行多著勞績超授溇州知府歲饑米價翔湧  
出公廩粟減值以惠饑民屬邑有為民蠶者悉置諸  
法邊郡大治擢山

東右叅政致仕

邵琮 萬曆杭州府志字叔璋仁和人天順庚辰進士授

諸縣初燬於兵琮至竭力撫綏築城建縣士民倚之  
 又運奇設策擒孝感巨寇李善境內帖然陟四川按  
 察司副使俗善告訐而琮聽斷精核庭無留獄至於  
 抑陳謙之橫雪李明之冤尤其著者未幾致政歸  
 嘉靖浙江通志字景衡新城人天順壬午舉人任  
 方銓安陸州學正治易以專門授諸生其有習他經者  
 訪鄰郡明經之士為其幣往卒業焉一言一行必  
 趨先民凡教人悉以身先之多所成就從子源弘治  
 間鄉貢授候官訓導陞建寧教諭訓士一如詮法溥  
 以舉人歷任婺源龍溪知縣所至皆有聲一時稱善  
 政善教者必曰方氏云

陸偉錢塘縣志補字仲奇成化乙酉舉人授澤州知州  
 時州罹存饑人相食偉奏發內帑沿門賑救區書  
 織悉全活者數萬州右寧山衛軍民雜處恒患不靖  
 偉懾之以威彼此帖然葺州治新儒學至漏澤園常  
 平諸倉路塗橋梁靡不備舉致仕歸  
 州民攀留數十里不絕車至不得行

錢鉞河南通志字大則仁和人成化中知汝寧府事至  
 皆自剖決吏胥無所容其奸暇則行縣教民開波

振勤種植歲獲其利於是通亡歸者戶八千  
 奇郡內然稱治在任九年陞陝西參政

沈禎兩湖塵談字天祿仁和人以貢生授香河訓導正  
 德初流寇起禎上疏請城香河奏下巡撫卽以委  
 禎禎且募躬蒞版築  
 乃成寇至賴以安

祝萃萬曆杭州府志字維真海寧人成化甲辰進士授  
 刑部主事改工部從徐侍郎貫治水吳中發卒

十萬綜理有方士卒樂為之用進虞衡司員外郎嘗  
 上疏請上親禮儒臣以資啓沃詞甚剴切不報乃疏  
 乞歸養正德壬申起為陝西提學  
 副使進廣東左叅政遂解官歸

沈儀萬曆杭州府志字懋德仁和人正德己卯舉人授  
 清江縣知縣安靜不擾吏民歡樂之督學使者徐  
 階行部至清江見其衣冠樸野心頗易之居數日則  
 察其六事修舉所守卓然乃歎曰設吾以皮相天下  
 士幾失賢令矣陞惠  
 州府通判授劾歸

許仁萬曆杭州府志字元夫仁和人正德庚辰以舉人  
 授巢縣教諭擢河南鄆城令雪冤獄減重徭弭盜

捍忠勤於撫綏以性狷執不能事上官調德化德化  
瘴鄉民獷悍難治仁一以簡重鎮之毀淫祠改社學  
建公署導堤渠勞績顯著調同  
安豪右以舊憾騰謗遂罷去

許應元

獻徵錄字子春錢塘人嘉靖壬辰進士當選庶  
吉士執政者欲一見應元不往曰吾始仕也而

溫儂鼎貴之門冒謁干進茂坐是竟不得館職出知  
泰安州有豪右觸死法賂權貴人以請應元不為撓  
竟斃之廉白自持苞苴斷絕擢工部員外郎遷夔州  
府知府夔當楚蜀孔道號難治應元馴以廉靖時序  
其桀黠者法之郡以蘇息治為一道最擢四州按察  
副使調廣西已又攝兵府江巨僮莫氏兄弟三人以  
雄勇名兩粵間往歲嘗大嘯聚破城殺吏討之漏刃  
去前兵備以擒獲報而罷兵及是復出益猖獗應元  
設方畧購土人決旬而三兇授首  
江道底寧轉雲南布政使廣西

高應冕

馬三才高應冕傳字文中仁和人嘉靖甲午與  
人選湖廣綏寧令務寬郵懲豪右設預備倉庫

虞容書院麻陽兵變應冕謁監司請單騎往諭皆可  
首事兵改判光州延見父老察民疾苦除籍戶雜派

捐輸稅之無藝者盜魁其大族也計擒而歸  
其黨烏獸散始視事時老掾吏抱疑贖嘗之立為  
決於是訟堂覽  
然以養母乞歸

姚良弼

南潯名賢錄字夢賢錢塘人嘉靖乙未進士授  
南刑部主事出知惠州先是嶺海間多盜良弼

請募民兵團保伍每隘列柵建樓懸鼓其上令曰遇  
盜發某處輒登樓擊鼓餘隘聞各鳴鼓應之然後陳  
兵守隘盜至即擒者賞縱者與盜同罪於是  
盜悉解散民得安枕旋擢雲南按察副使歸

許貫之

萬曆杭州府志字道卿錢塘人嘉靖乙未進士  
授吉水令時按浙使者吉水人也意有所屬即

欲酬以浙事以微言諷之貫之曰如此則類貿易有  
市心矣拒不可愛民若子權貴干請一切謝絕治行  
為江右冠徵入為兵科給事中將去官出已資葺廨  
宇繕完器具以待後尹日吾不忍重勞民也其瘠已  
厚民  
若此

翁相

獻徵錄字輔卿錢塘人舉進士授虞衡司主事改  
刑部郎中出守廣平郡故多盜白晝劫獄殺畧吏

民相擒一二盜魁餘悉下教原之盜遂平時歲被河  
北諸郡饑甚相不及檄聞輒開倉放賑全活者數萬  
人治行冠河  
北以病免歸

徐炳

萬曆杭州府志

字仲孚海寧人嘉靖癸丑進士授  
南刑部主事進郎中歷陞河南副使備兵大名減

供餉汰冗費裁省民兵濫額以休養魏人魏人或德  
之屬邊戍缺伍部使者出清查勾諸郡邑令甚峻炳  
曰勾軍補尺籍無益戎備祇破民家又發問左護之  
行兼亦破里乃入言部使者不使狀一道賴以全活  
轉山西布政  
司參政卒

謝教

於潛縣志

字文載嘉靖戊午舉人授懷遠知縣遷  
忠州知州時宣慰土司馬得和擅據疆土教以大

義責之遂還土地三十里歷撫州同知補任吉安同  
知興利除弊所在有備吏名遷淮府長史受遺輔幼  
歷著勞勩進階中順  
大夫以年老致仕

查志隆

石星查志隆傳

號紹庭海寧人嘉靖己未進士  
授寧國司理刑清訟簡聲望蔚然丁艱服闋補

高汝梅 仁和县志 字子和嘉靖辛酉舉人令繁昌地濱  
備山田蓄洩民永賴焉會丈田役興乃酌頒弓式令  
民履畝自報而單騎覆覈之臺監檄遠近為式課最  
遷福寧州守時悍卒以剋餉將變  
汝梅躬慰諭皆帖服以親老告歸

林梓

杭州府志

字汝林仁和人嘉靖壬戌進士授中書  
舍人改刑部員外職決多平反海忠介得罪械繫

梓持論得緩議歷郎中擢延平知府常俸外絲粟不  
染承安山漲衝沒民田八十里糧無出當事議加派  
取盈梓力陳不可凡七移牒往返撫按不能奪賦額  
得減訟訊不留行嘗曰四民皆有恒業一日稽留則  
一日從吾別墅足跡不入城市年八十七而終延平人  
追思不置崇禎  
十年祀名宦

高汝梅 仁和县志 字子和嘉靖辛酉舉人令繁昌地濱  
備山田蓄洩民永賴焉會丈田役興乃酌頒弓式令  
民履畝自報而單騎覆覈之臺監檄遠近為式課最  
遷福寧州守時悍卒以剋餉將變  
汝梅躬慰諭皆帖服以親老告歸



錢立

兩浙名賢錄字守禮仁和人嘉靖乙丑進士授刑部主事調兵部復改工部汰冗剔蝨以廉幹聞歷員外郎中出知太平府時蕪湖盜剽關稅守令執賈人誣伏立閱牘歎曰是非盜有司乃真盜矣悉解縱之授捕者方畧不浹旬盜盡獲擢廣西副使備兵永寧適土夷爭田治兵相攻諸武吏請勦立不聽檄諭以禍福皆羅拜受命因法其二首難者餘置不問所全活無算尋致仕歸

查志文

兩浙名賢錄字鳴周海寧人隆慶丁卯舉人選廬州府通判絕苞苴却稅羨嘗割俸代輸贖鍰時河工告急當事檄治懷仁睢寧等處志文輒負畚鍤以身先之會雪甚役者墮指志文請便宜當其事者利亟成不許乃私自散遣約以解凍而集工咸如期至感恩奮勵不督而成遷無為州守敘河功加廬州府同知仍管州事州治濱江患水志文不及上請卽發粟以賑全活數萬又值大禮郡守督稅急牒三四下復遣吏督促志文乃解印綬更阜帽請以身坐吏還報郡守乃止尊為忠者所中遂解歸

金倅

福建通志杭州人萬曆初以鄉薦任汀州府司理

俸定為四則上下均勻填還原額民甚賴之

高江

在晉高江傳字祿之應冕子萬曆乙酉舉人選諸暨論擢尹江西新城新俗澆漓巨猾善持短長江以法繩其魁采風謠察疾苦條上十四事臺司著為令杜一切請謁賂遺及贖鍰奇羨嘗覽訊牒有文某掘殺王女事一夕夢女踞訴詞惟駟斐二字江乃悟殺人者馬四非文也庭質果歛服有婦誣人殺其夫坐辟久江閱爰書曰實婦殺之也脇骨已折安能行五里許而歸婦具服有理刑欲中傷之卽日移疾歸改教東光攝吳橋令篆大瑞虛受延之賞雪出貂裘衣之拂袖起會疾卒縣令宋某入視舍殮見一裘一葛竹牀縑帷篋中止俸數金歎曰真清白吏也

查允元

江西通志字虞臯海寧人萬曆癸未進士歷禮部郎中出為江西提學僉事再任江西參政持守廉介蒞事六載始終不移遜國忠臣練于寧八世孫練綺自福建長樂回原籍允元訪得之給衣巾復給學租百石令奉祀金川書院年未五十以疾乞休

錢養廉

杭州府志字國維仁和人萬曆己丑進士授工部都水司主事管河夏鎮時汶泗諸水以夏鎮

為壑而昭陽諸湖在其下流養廉乃先從堤旁開二支河以殺水勢又議於昭陽湖側鑿石通道至徐邳以下出口則內水無壅闕而漕渠可百年無事會以父喪去官後人卒用其議服闋召補吏部考功署郎中事日本犯界尚書石星主和議總督孫鑛不從星乃誣鑛通書幣下廷議養廉屬草劄析極明和議止鑛亦無罪尚書孫丕揚以清望用養廉非閣臣意丕揚去養廉亦奪官歸

楊廷槐

獻徵錄字祖植錢塘人萬曆乙未進士任浮梁令邑景德鎮歲辦貢磁外供應諸司廷槐一無

所賦曰吾去日必不攜一磁以傷吾民也擢刑部會楚獄妖書相繼起廷槐於中調護甚力晉憲副備兵閩海忌者假大計中之左遷判移南北部歷禮部出備兵徐淮議開駱馬湖以通漕運徙徐州城以避河患改州為府以便控制併淮徐道以一統體清沛縣妖黨以安反側尋調天津津故魏瑞鄉里先是監司有匍伏庭下者槐曰吾自用吾法與平交一刺瑞大不憚令瑞私人李明道出監漕勢張甚槐擒

治其下隸遂以凍糧不前罪槐削籍後瑞敗復召其備兵徐淮築歸仁堤停課稅行捐賑葺浮橋立軍營

復河道善政不一而足者復中之竟拂衣歸尋調江西參政再除湖廣按察使俱不起

翁汝遇

杭州府志汝遇字子先仁和人萬曆戊戌進士授東莞令權蕪湖關最後

守朝歌俱有惠政所在尸祝弟汝進字獻甫萬曆乙未進士授興化令疏河四百餘丈東入海建四門石

關以為水防歷官至山東參議以忤逆瑞罷歸

鄭圭

廣西通志仁和人天啓三年知平樂縣蒞任七載撫字催科有力捐鹽羨以助糧餉積公餘以造浮

橋庭無訐訟野無追呼陞去士民作逢年亭以寄思焉

郭正中

朱一是郭正中傳號黎眉海寧人天啓舉人選授山西代州知州未赴留京修曆在曆局指斥

時政皆人所不敢言出蒞代兼司理事治獄多平反期年決罰者僅二十六事尋與監司不合自劾歸後以薦起邊才為兗東兵備副使單騎就道嚴清軍之法倣義倉之制撫流民練鄉勇勞來安集盜不敢犯

史可法保舉監淮東諸路軍忤四鎮拂衣歸

陸運昌 陳子龍陸運昌傳字夢鶴錢塘人崇禎甲戌進士授永豐令豐地境墾又新被兵逋賦以十萬

計運昌將之任上書言永豐積逋十萬今臣之官當疾徵之耶抑縱之耶縱之則無以佐軍與按籍而誅慢令臣罪無赦疾徵之則民不堪命挺而走險非誅臣無以謝黔首罪亦無赦臣旦夕死等耳何忍困此一方民惟陛下幸哀憐之書奏帝下大農議遂蠲復焉視豐未二載以治行最遷吉水令吉田賦多乖察邑民周正淑請於朝願履畝丈之事下所司運昌召正淑糾畫形便審度利害并集文學弟子畜夫司里雜議其所由廢興之狀往覆辨難以十數民辭窮又爭言不丈便運昌曰凡前言當丈與今言不當丈者皆非知治體者也於是核民實無田有賦其賦浮於田者皆上其數取河壩棄地非民業者代其賦不及田者寧失輕以加惠之具方畧十奏制曰可民咸業楚饒度廣寇大起攻宜春去吉僅百里運昌捐築城樓櫓畢具器械亦不至以母憂去官

張懋謙 江西通志字顧存錢塘人崇禎間知九江高時張獻忠陷蕪黃跋躡梅廣分掠九江界懋謙多方防禦民得安堵無何饑饉游臻疫癘交作懋謙發粟賑救施藥療病築堤修閘事皆可紀

錢朝彥 杭州府志字殷求錢塘人崇禎丁丑進士知句容縣蒞任數月有飾金珠偽為藥餌以獻者立置之法歲饑民晝掠於市朝彥廉得其首惡箠杖下民乃戢被誣調簡旌德遂投劾歸

國朝

何元瑞 鄉賢留祀冊富陽人順治二年由貢生正安慶府通判職司漕務時民運軍運之議未定百姓

苦於輸輓元瑞以民運一定貽累非淺於撫軍前痛切言之遂著申運為定制民得安業委署桐城縣重士愛民輕徭減賦後以親老告歸

駱鍾麟 鄉賢留祀冊臨安人順治丙戌舉人丁亥會副任盤屋令時值淫雨渭河大決鍾麟禱於神水

不落願以身殉翌日河身他徙邑人立碑志異歸修邑乘建輿梁歲饑鬻產捐賑

吳道煌

鄉賢留祀冊錢塘人順天籍順治己丑進士初任武康令補閩中皆有惠政以循卓擢禮部郎

出為蘇州知府錢塘縣志道煌守蘇州時新立駐防

旋奉撤回以舟楫資裝不能具咸觀望不即去道煌

具扉屢集饌糧且曰太守為諸軍祖道勿逗留獲愆

千艘一夕發巨家被誣以家釀進發之皆金珠也道

煌力却之仍為雪其誣有以通洋構大獄意在多株

連道煌驗其所駕舶日誣也海舶必用巨木長數尋

貫首尾名龍骨非此不能行遠此獨無直民

間小舟耳竟從未減去任後吳人祠祀虎邱

顧鼎銓

鄉賢留祀冊仁和人順治甲午舉人知山西蒲城縣值兵燹之後百計招徠民皆復業歲旱鑿

石為渠以資灌溉又廉得巨猾素為閭里之害置之

法民曰較疏山引水之利更什伯也子祖榮官內閣

學士

邵嘉

鄉賢留祀冊富陽人父啓元稟異姿過目成誦行

文雄博自成一家言嘉中順治乙未進士歷督捕

主事典試滇南督江南學政時每學入泮頌止四名

嘉每得佳卷不忍棄置即捐俸代為援例所歷學宮

頌廢輒為修葺總憲魏象樞疏

柴望

錢塘縣志字秩于仁和人順治丁亥進士由縣令

歷廣東布政使萊州府志望守萊州遇水潦捐俸

賑粥隣郡百姓融負就食全活甚眾膠州牧與總鎮

不協鎮兵諱望親往安撫始定創築城東濠隄士民

德之名其隄為柴公隄

周甸

公舉事實字相孚新城人順治丁酉舉人兩任學

諭陞湖廣宜都知縣勤勸課葦徭役慎聽斷絕差

擾民咸便之會亢旱虔誠步禱甘霖隨沛後病卒官署合邑感泣

俞宣琅

公舉事實字雍來海寧人順治己亥進士由學

諭轉大竹令邑經獻賊殘破居民鮮少宣琅下

車即稽戶口墾田畝招徠州循靡不至先是邑令公

膳籍編戶按月供億宣琅一切罷之疲民稍蘇歸籍

者亦漸眾會以病卒貧不能返

王典

河南名宦冊字備五仁和人康熙二十年由恩貢

任湖南永興知縣經吳逆兵燹後招流亡開荒蕪

民以安集有虎為暴禱城隍神虎自斃於市以滇黔  
餽餉功調杞縣政尚寬仁不事鈞距孺子彭某誤傷  
人典察其情出之建社倉與義學公暇  
與諸生課藝多所成就卒於官祀名宦

何喬雲

錢塘縣志字令名號會園錢塘人康熙丙辰進  
士授中書改桂東令初至計民口止六百有奇

城傾戶毀乃募流散給牛種具田器緩絲賦流亡漸  
復邑無書籍因發篋出所攜經史諸書召諸生曉文  
義者授之闢學舍聚徒講習請留時學廩佐膏火邑  
中戶聞弦誦聲楚南多雜派桂東代鄰郡監司買米  
五百石轉運千里道險而費多民甚苦之喬雲毅然  
不應其文白督撫上聞湖南州縣六十有三司喬雲  
請得豁免者四十有二治桂東

十二年行取以主事用請假歸

蔣德昌

公舉事實字華修海寧人康熙壬戌進士授中  
書改屯田主事兼督南審值新建太師殿綜理

精密歷營繕都水員外郎擢刑部山西與中書  
克介出為湖廣提學僉事矢公矢慎試牘不劣優  
吏分下家平七十卒同官贖賻以  
歸諸生姓杏泣泣者數百里不絕

陳履升

鄉賢留祀冊錢塘人任淳梁巡檢景德  
至棄擲履升通詳勒石禁止審戶集金走略求勿  
履升曰六書聖賢之寶可使狼籍糞壤中墮厲色知

之錢塘縣志履升在淳梁時有為盜囊橐者令畏勢  
不敢問履升用計擒之置於法時聞寇方平悍弁虐  
民履升列欵上之其人陰謀中履升既  
而悔曰陳君正人也敢不服且謝過焉

張會裕

公舉事實字昆詒號容軒海寧人康熙戊辰進  
士授臨朐令濬木刀溝以通水利分四鄉限以

勸徵輸邑西南山僻常有盜為立保甲法時單騎巡  
緝至寒月尤厲年餘盜絕丁艱服闋補新樂縣縣故  
有社書取辦公事每歲一更例以鄉之富而愚者當  
之常破析家產會裕知其弊乃擇每里知書算者而  
詢以充不願者聽退民踴躍稱便聽訟時無論巨細  
必溫辭絮語欵曲推究務得其情故雖加筆責不怨  
有劉某惑於後妻訟子不孝子懼而逃曾裕召其父  
諭以天性果悔泣子出服罪父為哀懇乞免又俗相  
沿畜異姓為子有孀婦曲庇其義子反控應繼之姪  
庭訊時以大義明白開曉婦亦泣謝而去擢吏部支

選主事未數月改御史卒於官曾裕性坦易無壓畧讀書勵行至老不衰尤好汲引後進遇一材一藝常稱之不容口卒之日聞者多為泣下

陳嵩

公舉事實字巨高海寧人康熙癸未進士授刑曹郎執法不阿有奸人枯豪家勢謀奪人婚力為判

完原配盜誣良民廉得其情釋之邏卒斃人蘆溝橋或陰左右焉嵩不聽卒抵於罪遷儀部郎值高麗入貢使例有私覲峻拒之一無所受歸田後杜門守正當事不通一刺混迹村社見者莫知為貴官也

楊宮建

公舉事實字千門海寧人由貢生任山東城武知縣邑為單邑上流堤河久塞不治兩邑具病

宮建力請於大吏期與單邑同時修築培土遂成沃壤丁艱服闋補河南寶豐復疏鑿長渠備水澆豐人戴之日楊公渠子存理於未進士性孝友官刑部郎有能聲歷兵科給事中

楊中楠

公舉事實字公三海寧人康熙甲子舉人選授河南鹿邑知縣下車廉明子諒遭年饑民有鬻

妻子者惻然曰為令不能謀保聚奚撫字為乃捐俸代之贖邑地勢窪下民居常患水中楠開渠濬河躬

督畚鍤由是閭閻無塗勞之患尋以病卒於任

江泰來

公舉事實字陞交錢塘諸生好學工詩文康熙乙酉

聖駕南巡泰來迎鑿於升山橋進詩冊

召入內廷與纂修中辛卯順天鄉試壬辰特賜進士出身授廣東潮州府同知潮瀕海多盜且奸販

往往運米出洋泰來嚴行禁緝民始安堵管東西兩界鹽場發帑不假手胥吏赴場督收餘鹽不令刊歸私販場課溢額革魚船規例禁踏勘供應以美補前官之缺捐俸助屬吏之喪戊戌夏山水陡發決北門外堤田廬漂溺泰來創議捐築躬先畚鍤不數月隄成潮民建祠立碑名曰汪公隄丁內艱歸服闋逾補卒於京邸有後山文

邵錫光

公舉事實字克大仁和人遠平于康熙丙戌進士任江西新建知縣下車即革陋規減耗羨又

善決疑獄上官輒以旁邑事屬代謝清江縣何氏夫死族人誣為氏毒其夫獄已具錫光奉檄覆檢傷在

賢光曰此陰症也寃遂白貴溪楊胥妻為無賴子所私賄捕誣以盜錫光發其奸送服丁內艱服闋補江南潁上縣調繁溧陽武生宋武潛謀不軌錫光以計擒之餘黨解散陞雲南祿勸州知州卒於官

嘉興府

宋

趙汝能

弘治嘉興府志字公舉崇德人系出濮邸登紹興進士知秦之海陵歲歉民飢嘯聚為亂人情

洶洶汝能曰是非巡尉可辨即部勒弓手土兵設方畧直前當之擒捕百餘人其黨潰散罪渠魁餘悉未減連俸舒斷諸司多以滯訟委之剖折簡明號稱平允知鬱林州首興學校士風丕變調守全州歷浙西沿海議幕官至朝議大夫

謹按徐一夔崇德趙氏世譜序汝能贊居崇德古籍故崇德志之而常濟孫海鹽縣進士題名記汝能存三十九人之數海鹽圖經據之作海鹽人

徐綱

嘉興府志字綱穎人萬道八年

臺郡發廩分場便糶盡革吏奸全活甚衆入除提轄文思院著史論百篇及邊防兵政十六事以上之不報力丐祠歸里

陳之綱

正德崇德縣志字仲宏登淳熙進士第令泰之

堰綿亘數十里天聖間范文正公任西溪鹽監日所築至是堤址頽闕潮汐衝突浸害農畝之綱請於郡修治勿憚寒暑躬董其役視昔堅壯改知仁和縣卒

蔡開

正德崇德縣志字子明登淳熙辛丑第歷除益六

部門添倅平江旋知邵武郡山多田少歲入不足支歲出例輸官租一石則帶羅四斗官復求益民益困開至俾民自用柴糶價視時低昂自於朝為定式盡杜增收之害未幾除武昌漕司尋改漕江西屬郡早歉捐漕計以濟所活不可勝計卒於官

莫若冲

嘉興府圖記字子謙石門人知安吉吳江有聲除司農簿出知岳州時兵荒盜起若冲督捕賑

發境內帖然知全州漕司檄解軍糧州處湘源壤高  
易洞客舟聞裝糧絕不至若冲發官帑造舟搬運率  
先諸郡明年靖江暴水民  
賴以濟除大理丞丐祠歸

莫若晦

正德崇德縣志字子明舉進士除守宜春始至  
承積蠹每事樽節盡蠲四邑宿逋數萬緡以寬

民力期年鄣計稍舒乃新營舍築城堞修浮橋百廢  
具舉役不告勞歷除工部郎中請外知徽州改知嚴  
州致仕

沈木

萬曆嘉興府志石門人第進士宰石城汀寇猖獗  
邑豪熊子開等為寇鄉導巡尉司妄指同姓者捕

之木察其非是破械使捕子開等邑境遂安守真定  
民有以田多賦少告許其仇者木謂東西無經界冒  
估者眾不可勝詰亟懲遣之有建議籍民所據官田  
為屯可以富國經制司委州浪據株連六七百家木  
曰此事行則變生矣亟  
以前贖上之事遂寢

陳

嘉興府圖記字宜之石門人令上虞有西溪湖  
水利及三湖中廢為田參政張綱嘗後之刻石

詭歲久豪右復據夏大旱民持綱所刻石請復湖豪  
右撓汨之柄奮曰令寧以罪請去必不忍畏避強禦  
委棄三鄉民命也卒浚復之百姓歌口而復湖張參  
政後復湖陳縣令與我衣食全我命後陞提轄文思  
卒院

元

沈兼善

昌化縣志字達卿崇德人至正八年任昌化縣  
主簿蒞事明敏參政董搏霄敗斬黃寇於吳嶺

關兼善多協贊焉及寇  
平撫綏有道民深德之

明

丁豫

海鹽文獻志字叔寬洪武初以儒術聞幣聘入京  
召見問天下治否對曰盜賊已息但恐復生願以

安民為本稱旨授江西按察司僉事  
詳刑慎法澤被於民民頌之不衰

沈貴

河南通志字廷臣崇德人宣德中知汝州編民戶  
等級以均差役循行田里教民樹藝作陂堰溉田



民享其利以疾卒於  
官士民立祠祀之

呂聲

正德崇德縣志字廷和景泰甲戌進士知進賢縣  
至卽咨民隱規利弊興學校成禮俗任滿民相率  
請於朝得復仕歷十有三載冰蘗之操終始一致以  
治行陞太僕寺丞上馬政五事見採納成化丁酉引

歸疾

姜諒

萬曆嘉興府志字用貞秀水人天順甲申進士歷  
遷南刑部郎中知漳州府龍溪漳浦田皆傍海多  
瀉鹵乃築長堤凡一百八十六所又濬塘渠置社倉  
作義塚立鄉約患郡中田賦爲里胥乾沒飛射詭寄  
者多乃悉爲斷理復其舊籍按戶計丁分爲三等遇  
徭役酌量輕重授之民役視舊額減半以親老乞終

歸養

梅江

兩浙名賢錄宣城梅聖俞之裔宋南渡後始居嘉  
興江登成化己丑進士授廬江令興利剔蠹政  
藉甚士民畏愛之擢南御史時儲位未定大臣莫敢  
言江首疏力請上嘉納賜織金身服奉命清戎兩廣

寬恤部伍招撫流移遷四川會事  
決疑獄數十事蜀人以梅鏡稱之

陸遠

萬曆嘉興府志字德毅秀水人成化乙未進士知  
海州清修鯁介聽斷明允一日行部有旋風三匝  
馬首遠疑有冤令吏卒邏察之見一人死樹下折擔  
尺許貫其喉乃土人殺買牛者移尸於此密擿之一  
訊而服於是訟衰盜息  
擢廣東按察司僉事

陸愈

兩浙名賢錄字抑之平湖人成化乙未進士知江  
都縣窮鄉下里靡不巡歷殆徧月召有年德者鄉  
一人詢民利弊而興除之歲囚民多鬻子女於江南  
愈捐俸出罰鍰贖以完聚者幾百人每新穀未登輒  
發舊廩散之約秋成償而不取其息又築邵伯堤教  
民鑿溝洫時瀦洩以溉田旱澇不復爲患召拜監察  
御史出按西蜀下車鋤豪強斥貪墨發奸弊風稜甚  
峻出成案之不能生者亡慮百十數滿一載將代以  
盛暑行炎  
鄉得疾卒

劉暉

海鹽縣圖經字公奇成化甲辰進士選御史督兩  
淮鹽政兼治河道時兩浙山東水旱疏請賑以鹽

筭餘銀全活者甚衆高郵湖風濤不測時時壞漕艘  
暉乃築堤四十里別爲襄河通漕名康濟河舟免覆  
溺擢廣東按察副  
使正德初請老

項經

橋李往哲初編字誠之嘉善人成化丁未進士授  
南福建道御史出爲太平知府經一意撫循流亡  
來歸者萬計移治臨江與袁筠諸郡接壤土寇剽逸  
出沒其間前有司率玩愒慮他變弗敢動經至立捕  
諸豪賊百八十人置之法一郡大治逾年臨江飢有  
司方請賑經曰民飢甚矣必請而賑是懸日以待斃  
也賑而弗請罪在太守於是發庫金建和糶之法  
民賴以濟時監司督賦方急經不奉命監司怒甚繼  
而歲大稔民入賦恐後爲諸  
郡最後以江西右叅政致仕

吳昂

海鹽縣圖經字德翼起家進士令宜城廉介自持  
改新建新建人困寧濠索租匿丁家山以拒濠言  
民反宜速兵昂勿爲動入山諭民民立散歲大飢官  
無儲粟昂立抽補法賑贍全活萬人歷官福建叅政  
古田礦盜起發兵躡捕渠魁  
散其黨運石布政未幾致仕

陸銀

兩浙名賢錄字克潛平湖人成化間由貢士授程  
鄉知縣程鄉在山海間多劇盜銀初至議者皆以  
珍盜爲急銀謂與民未有恩信何遽勞民乃新學舍  
以禮義勵諸生同民疾苦晝夜不息期年之後始團  
練義勇間出勦寇斬捕常至千百盜賊畏威慕化相  
約無犯程人謂訟多以賂取勝銀門無私謁健訟者  
不得行訟遂息以母喪歸民號泣攀轅者數千人出  
境而後返行至常山以哀毀致疾卒平湖鄉賢實畧  
錄性至孝父珪患癰吮之而愈母畏雷輒趨侍  
達旦不寐任程鄉爲政廉肅程鄉人立祠祀焉

卞謀

正德嘉善縣志字信卿以進士授廣信府推官決  
獄精當雖老吏不逮嘗經鉛山嶺道有臥屍忽夜  
夢一人謂傭者爲主所殺密訪  
其人得之遂伏辜郡稱神明

孫璽

嘉靖浙江通志字朝信平湖人正德戊辰進士知  
興化有惠政轉揚州府同知歲飢悉力賑救全活  
以萬計終山西按察司僉事獻徵錄璽在揚州時值  
宸濠反攻安慶璽奉檄守儀真扼江之衝捕儀賓之  
爲謀者與其黨十餘人武宗南巡璽署淮安守調發  
百出而人不知疲薊州銀冶盜嘯聚千餘乘利據險

為患璽攝兵備選吏馳山寨榜示禍福各自縛詣璽  
罪其首餘遣復業及徒雲南分巡洱海道麗江土官  
川蜀爭金沙江相讐殺璽會勘其事土官以金路同  
勘者久伺璽卒莫敢賂由此解讐奉約束如故大同  
經兩亂後卒伍驕悍璽以僉事巡大同盡心撫  
馭人賴安堵會山西巡按以考察中之遂罷

錢琦

嘉靖浙江通志字公良海鹽人正德戊辰進士授  
嘉靖浙江通志字公良海鹽人正德戊辰進士授  
嘉靖浙江通志字公良海鹽人正德戊辰進士授  
嘉靖浙江通志字公良海鹽人正德戊辰進士授

鍾梁

海鹽縣圖經字彥材正德中登第為刑曹郎嘗諫  
止南巡杖闕下幾死世宗嗣位錄其忠加俸一級  
奉勅慮囚江南平反死者百三十餘人擢知濟南郡  
平萊蕪寇邵志多擒斬功改知南昌裁正湖地賦役  
權貴斂戢丁艱歸年  
僅四十即疏請致仕

張徽

萬曆嘉興府志字德卿秀水人正德辛巳進士嘉  
靖初授大理評事會議人禮忤旨廷杖尋復官進

錢木

海鹽縣圖經字汝沖嘉靖癸未進士授威縣令威  
賦厚薄不等級籍絲芥木仿朱文公漳州圖帳為  
則壞畫界雖勢有力者請寄不聽威有門丁產三徭  
吏上下其手與奸市術復就中哀益令適平時河北  
三郡賦役咸苦不均父老聞威法良便爭請往均木  
受臺檄遍歷旁邑盡均之惟內黃南和樊尤甚獨留  
經理五月至今二邑民建祠祀之如威民也

馮汝弼

獻徵錄字惟良平湖入嘉靖壬辰進士為工科  
給事中奉命視光祿及監甲厥劾巨瑞數人置  
於法中貴人憚之左遷常熟令築堤建閘丈田均賦  
事有便於民率先諸邑嚴辦擢知太倉州至則減供  
億除民所疾苦有劇盜聚江海間前守不能詰汝弼  
設方畧擒之復襲擊其黨轉揚州府同知遂歸值倭  
寇發海上往言於督府請城平湖躬  
畚鍤以先作者及寇至賴城守得全

沈鑿

萬曆秀水縣志字大新嘉靖乙未進士授興化府  
推官廉平不苟攝莆田邑篆海堤決時為田患鑿

令堅築石堤以絕風濤之險陞南虞部主事權稅蕪湖令商自籍其稅而上計時即以其籍往不更他籍胥吏不能為奸後陞江西按察副使備兵饒州討擒劇盜數十人卒於官

**周崑**

豫章書字孟登崇德人嘉靖進士授玉山知縣調進賢威惠並行邑有盜魁蹤跡詭秘崑偽為出遊

抵鄉捕得數其罪杖殺之人稱神明

**沈垣**

獻徵錄字子完平湖人嘉靖乙未進士除大理評事歷寺正出知惠州府事至立斷務得民情有李

鑑者和平劇盜也糾群偷負險出剽劫垣設方畧調兵餉遣人入巢諭禍福鑑自縛伏罪支附皆解散值

歲稔發廩賑贖為平糶法通有無全活數萬人會郡有利病條上請督府議途遇瘴卒於番禺館舍

**卜大同**

獻徵錄字吉夫秀水人嘉靖戊戌進士授刑部主事歷湖廣按察司僉事督下江防按行蠻俗

去民所疾苦飭封守立里保令行期年群盜屏息會海寇挾倭作難而閩為禍首時論捍大同才擢福建

巡海副使諸所興革咸與民宜賊知有備終其任三年弗敢犯所著有征苗圖記備倭圖記

**吳淞**

萬曆秀水縣志字秀東嘉靖丙午舉人遷知環州戡苗獠使同編戶輸稅會山水驟漲民溺死無算

未渡者貳守九江時湖口關值水衝商船多壞淞曰寧算錐刀而傷民命乎請於觀風使者議革

之商大稱便已遷福建鹽運司同知引年歸

**屠仲律**

萬曆秀水縣志字宗豫嘉靖庚戌進士令弋陽遷廬州守時軍興浩費更以景府之國郡邑騷

然仲律一意節省費減他郡十之五歲大稔民多道稅為出贖緩代償又出積穀數十萬平糶所全活甚

眾以勞瘁歿於官

**劉炯**

兩浙名賢錄字元白海鹽人木之子木贅於錢從其姓炯始復為劉嘉靖庚戌進士除知金谿縣考

最稱治行第一擢南工部主事歷陞撫州府知府值鄰寇初退炯撫循瘡痍簡兵保穀又築崇仁樂安宜

黃三城修千金堤民享其利進按察副使備兵福州山寇緣間鈔暴炯以計芟薙畧盡擢廣東右叅政大

盜曾一本出沒雷連間炯與俞大猷戚繼光等贊畫進止暨軍實炯功為多陞貴州按察使嘉禾徵獻錄

貴初寄治土司無屬縣於議省會之地不可孤置府治宜革程番府所轄貴陽移治會城為貴陽府而其地設附郭新貴縣從之後降湖廣右叅政徙廣西羅施道叅議粵地介在溪谷蠻漢雜處省城兵力孱弱不足彈壓乃大閱簡士馬嚴整部伍妖人金雲峯挾米賊術作符書招納亡命黃鼓楚蜀黔諸大酋於立誅之值張居正歸葬於獨不往御史奏罷卒於家

范之箴

獻徵錄字從敬秀水人嘉靖乙未進士任行人

濱之箴以計悉擒之兵備潘某欲張大其事以為已功遂多株連無辜者上其名且就戮之箴謂潘給之日土寇陸梁罪固無貸但人心方洶洶不開釋一二恐為頑梗者藉口曷付之箴核實始置法潘許之事既下遂盡釋之潘大怒以為賣已疏劾之箴上察知其狀罷潘調之箴漢陽府遷雲南副使湖廣叅政著勞績進雲南按察使致仕

陸相儒

兩浙名賢錄字大行嘉興人嘉靖乙未進士授工部主事出知延平府首行條鞭法為八閩倡

閩人稱便又翔義倉行鄉約與學石文郡大治獨州副使土寇拒命數載時議撫議勦無定蓋相儒獨許其自新卒歸順以憂去服闋復補閩中會息夷入犯遺材官逆於海斬獲有功以疾卒於官

張應治

萬曆秀水縣志字體徵嘉靖壬戌進士擢南戶

璫邢保疏革南司禮監神帛皆人所難言者出為九江守首復軍餉議條鞭緝盜賊會江口大稔流民相攜入境應治以便宜發廩賑之全活甚眾萬曆初舉卓異陞臨清副使

馮敏功

獻徵錄字元卿汝弼子嘉靖壬戌進士授禮部

鼓噪敏功召其長林以利害皆叩頭謝趣授餉以次屬於舟使一倅導之勒兵隨其後眾咸感轉副使備兵徐邳是歲河溢睢寧新安間大小十餘決敏功晝夜并作凡所獨治南自曲頭集抵青田八十里北日陸灣至呂梁四十里所與監司曹郎雜治直河南岸堤九千丈茶城而上接曹單隄百六十里一切指畫皆可經久遷山東左叅政抗議泃口膠河俱不可開忤柄臣意自引歸言者交薦起督漕於淮按視淮南



邵伯等三河疏內河以通漕艘力任艱鉅致疾篤趣  
召同官囑曰內河誠便利然太逼湖隄易墮宜別為  
護隄不即數百里魚鼈矣

王朴

萬曆秀水縣志字德純以貢授徐聞令邑故有珠  
池課中官恣溪壑為民患朴請罷之又有檳榔稅

佐縣官廚傳往往入為橐中裝朴首革之著為令釋  
冤獄賑飢民立社學教民鑿渠溉田民肖像祠焉

葉朝陽

兩浙名賢錄字文榮秀水人嘉靖乙丑進士恂  
恂若書生及當事執法雖豪貴不能奪初知信

陽州首均田賦豪民不得相冒為奸晉工部虞衡司  
郎中司鑄錢中貴人索例弗與出治鐵冶歲有美金

數千絲毫無染尋陞常德府知府有劇盜張金者嘯  
聚洞庭殺掠官府乃以計殲其渠魁餘黨悉散尋陞

郎襄兵備轉廣

東參政致仕

倪壯猷

嘉禾徵獻錄字華芳平湖人隆慶庚午舉人知  
江浦縣江至邑可六十里往往飄沒為患壯猷

議開新河五十里涉者便之尋陞南刑部主事出為  
貴州僉事紅苗反上勦撫機宜尋檢苗首石阿四等

遷雲南兵備副使黔國莊田私徵為民害壯猷  
郡縣代徵著為令沐藩亦不敢撓後歸年八十四子

洪秀

兩浙名賢錄字維進平湖人隆慶辛未進士授  
知州停解京儀馬三百餘匹以折色代又議處

河北歲派驛費省民數千金報最擢駕部副郎  
肅治部言無案尋晉吏部選郎卒於官

許應達

嘉興人字伯漸嘉興人隆慶進士知東平州  
廉聲大善調工部司權清江廠建議於老堤外

開越河總河之應達言越河成則水性順得報可  
身行河上每算月密四閱月而河成延袤四十里費

僅十二萬金而河堤鞏固又於瓜州創屯船塢使艘  
自江入者盡計免風濤范家口築三百餘丈眾錯愕

莫為法遂曰塞之便功亦成未幾收蘇松水利發留  
都帑金一萬治水首開吳淞凡七十里次諸州縣支

河又次出閘小河及諸圍岸津梁一歲而  
成費所發之半以病歸起補昌平卒

朱大雅

嘉禾徵獻錄字元渚桐鄉人萬曆己酉舉人知  
祁門縣監生某為人誣訟前令以其家篋出

之恐汚已石法久未決大雅至立釋之數日生來訊  
日某有佳墨主欲以奉公大雅受之諸子取墨磨

赤金也。以白大雅大雅召生責之曰：我所以出  
以我素廉謹不畏人議故也。今反以此相汚耶？  
之生謝罪持去。入為大理評事。以清直稱。子  
字潔。湘崇禎舉人。孫彞字聲始。成辛丑進士。  
西江志：嘉善人。萬曆進士。任安福縣。撫民如子。  
待士大夫。以禮莫敢干。以私時稱為夏鐵耳。

譚昌言 嘉興府志：字聖俞。嘉興人。萬曆辛丑進士。令常  
熟。改知婺源縣。故有金竺坦徑久廢行者。達經  
芙蓉嶺險。同蜀棧。昌言開新嶺。號譚公嶺。歷陞南車  
駕郎中。時急令福藩之國。詔需馬快船五百艘。期以  
閱日。即發昌言如期立辦。離縣令與遼將李性忠有  
隙。兵民阻鬪。致昌言身入逆營。論以禍福。即傳箭  
而定。卒贈太僕寺卿。賜祭。

包鴻達 嘉禾徵獻錄：號儀甫。嘉興人。萬曆庚戌進士。任  
倉積穀以備患。湘潭夙困於馬政。及解運之費。鴻達  
極力振刷。洞悉幽隱。役遂寢行。取兵料給事中。未  
卒於

胡士相 西江志：字端甫。平湖人。萬曆進士。知陽縣。縣  
故多盜。士相嚴保甲法。盜風頓息。歷官江西。分  
政。分守湖西道。奸民請開礦。部檄至。士相覆寢其車  
。衆建魏忠賢祠。獨持不可。請蠲袁州積逋。建議倉  
城堞。興學校。奉  
旨賜金增秩。

沈萃禎 平湖縣志：字哀中。萬曆癸丑進士。授工部主事。  
權荆州關稅。盡革諸小稅。名目以美金築堤。沙  
市以避水衝。荆民稱沈公堤。歷知蘇州府。舉卓異。陞  
福建副使。備兵興泉。紅夷犯銅山。侵中左。萃禎即日  
移駐同安。身冒矢石。出奇兵。撓之。五閱月而就。欵轉  
本省。參政以親老乞歸。當守蘇時。吳江令曹欽程。雖  
私狼籍。因列貪跡。注下考。及魏忠賢亂。政欽程。貢緣  
報復。鐫萃禎三級崇禎。元年起補湖廣叅政。歷陞福  
建按察使。備兵福州。時海盜巨測。巡撫鄒維璉。新任  
未習閩事。投誠者意頗觀。望聞萃禎至。皆曰：沈公來  
吾屬無虞矣。遂委心歸順。

劉泓 嘉禾徵獻錄：字止澄。海鹽人。萬曆己未進士。除營  
繕司主事。奄豎崔文昇督兩淮鹽漕。驕橫特甚。莫



敢抵牾疏暴其害得旨撤回淮人德之陞兵部郎中出為淮徐兵備副使徐當河決之餘盜賊蜂起蕭碭間各聚眾數萬泓擒其渠帥散其脅服總河侍郎朱光祚深器之令開濬馬陵山路馬河口等處皆有成績後致仕歸

吳麟瑞

續獻徵錄字在賢海鹽人萬曆己未進士授常州府推官轉南儀曹主事進郎中擢常鎮兵糧

道時武備積弛麟瑞力為振刷兵甲一新丹陽練湖淤四十餘年麟瑞以漕輓所關且滋灌溉遂躬自督履畝計工民不告勞官不費帑績用以成移江西參政分守湖西道時流寇蹂躪三楚而湖西之袁州隣楚新燹於寇麟瑞至即移駐袁州嚴戰守之備以故終任無患遷按察使尤以澄清為已任貪吏雖才必黜民有獄訟必親鞫不輕委之守令轉右布政請告歸及甲申之難感憤成疾卒

陸懷玉

平湖縣志字石舍萬曆己未進士授工部主事知鎮江府廉靜嚴明郡大治陞湖廣武昌道轉鹽法參政商民戴德建祠祀之觀察山左出殊死數十人

袁黃

嘉興府志字了凡嘉善人萬曆進士授寶坻令縣政頗重具疏乞減上從其請陞主事卒

鄭心材

海鹽縣志字敬中以王父曉騰為督府都事歷應天治中南都劉天緒之獄本以白蓮教聚

眾無兵仗左驗說言謀反訊者欲借為功心材止案坐渠首取天緒所募籍悉焚之全活甚眾署上元篆定浦口渡值掣驗江鹽卻諸商例餽及歸修家規立宗法置義田後人奉為家誠焉

曹履泰

嘉禾縣志字大來海鹽人天啓乙丑進士知同安縣時海寇紅夷交訌群盜盤踞同安無兵

履泰編漁民為伍團結村落互相應援賊不敢犯督撫熊文燦受李魁奇鄭芝龍降芝龍部下卒橫行輒以法繩之未幾魁奇挾鍾斌叛去履泰乃陰構斌使叛魁奇而復說芝龍招斌遂與芝龍合圍魁奇斬之行取授吏科給事中疏糾吏部李希接贖等典銓帝揆喉大瑞王永祚使誣履泰下獄論戍嶺南應天巡撫祁彪佳疏訟其冤補行人司副不赴子元方崇禎進士



馬家植 嘉禾徵獻錄字培元平湖人崇禎甲戌進士知武進縣申布條教積弊肅清以治行第一行取

吏科給事中屢有建白甲申奉勅督餉江西福建以與馬士英不合謝事歸

高承埏 舊嘉興府志字寓公嘉興人崇禎庚辰進士授遷安令鋤豪強招流散設法濟急餉省費萬計

改江南涇縣數月政成民有清高之謠遷工部主事上書白父道素之冤即乞養母歸涇人奉祀水西王

文成書院承埏藏書數萬卷博學強記雖簿書鞅掌不廢涉覽所著有稽古堂集

國朝

陸濬睿 平湖縣志字以愚號未菴順治丙戌舉人授宣化府推官宣南古上谷地軍民雜處頗稱難治

前官皆用法繩之睿獨以寬察重囚鞫加世良大康性全等之冤出之獄所拔士皆一時雋去塞外士習

為之振起

陸世楷 公舉事實字英一又字孝山平湖人順治五年以選舉貢生除平陽府通判甫至姜瓖構亂平陽

被圍世楷登陴固守百日旋誘降其魁釋其黨師後大凱人相食世楷為粥給飢者全活甚眾遷同知登

州府海寇揚旣碎至立設守具率舟師禦之寇逸去時叛帥海時行剽掠州縣獨戒勿犯境登有娶婦夜

為人所殺隣里計其媳世楷時攝縣事察其冤禱於城隍神卒得殺人者遷知南雄府時平南靖南兩藩

並駐廣州有入始與山自稱平藩侍衛發民鑿礦世楷日三雖尊不得擅役吾民今不使太守知詐也縛

送廣州平藩不敢問又點僧驅於藩倚勢為虐世楷計縛之斃諸杖築天峯書院課諸生講學以外難去

郡老稚遮道不得行立祠府治東士民春秋社祭服闋補思州未幾以病引歸

魏學渠 鄉賢字號青城嘉善人順治戊子舉人授成都府推官時蜀中初定戶口尚少民疲於差

役學渠招撫緩輯事事得宜舉博學宏辭陞刑部主事歷官江西分守湖西道加意撫綏務從寬簡其俗

生女多溺死者嚴為之禁生全者甚眾嘉興府志學渠在蜀定嘉眉印雅四州賦額公私稱便

鄭龍光 廣東名宦冊字韜生平湖人順治己丑進士任南雄府知府時藩帥初克城龍光以廉介見憚

剔奸除蠹扶弱存孤民倚賴之嘗履畝省荒過五斗  
嶺前有虎負嵎眾莫敢進龍光曰昔劉昆為治虎北  
渡河今太守以勸農入山虎曷為而來哉叱馭驅之  
虎隨遁去以一童二僕自隨客投謁無所拒至其家  
見其清素無敢以私請者  
歷任六年擢西寧副使

郁之章 福建名宦冊字衷恒嘉善人順治己丑進士十  
年以分巡道駐上杭時海寇入漳聲言來攻人  
情驚恐之章靜持之密約城守張國棟整飭營伍趣  
通邑士民集演武廳手自草檄以忠義激發士民咸  
願効死賊知有備而退人  
謂章寸管賢於萬鏃也

查培繼 鄉賢留祀冊字望海鹽人順治壬辰進士除  
廣東東莞知縣有政聲歷兵戶刑三科給事中  
疏章數上如清關繁行官兌禁鷹戶等疏皆關國計  
出為江西按察副使分巡饒九南道時寇亂初靖培  
繼力事拊循尤以興學校敦教化為首務建義塾禁  
淫祀慎蘆課扞水患拯飢民捐俸修白鹿洞書院時  
特與諸生講學興  
賢育才造就實多

沈葵 知縣切下草節歲大歉民多流亡蔡設法招  
牛種諭以歲豐取賞免其息其貧民完稅無金錢者  
許以布粟代又歲募河夫多通逃菜按貧戶之遺稅  
者充役民喜得食且以工價完通爭先赴工工易竣  
甲辰飛蝗遍野獨不入西平境三年邑大治以勞瘁  
卒官士民  
建祠祀之

曾王孫 鄉賢留祀冊字道扶嘉興人順治戊戌進士為  
刑部郎中官至四川提學道歷中外所至有聲其  
在秦則均賦役興水利平棧道理冤獄在豫章則安  
集流亡興崇學校及官提學道  
杜絕苞苴釐正文體蜀人稱之

鍾朗 鄉賢留祀冊字玉行石門人父景音慷慨好施力  
行善事朗中順治己亥進士選翰林改工部主事  
出視江南蘆政蘆故奸猾弊藪強弱輪賦不等積逋  
至二十萬時方遣使者督令清丈朗偕使者按籍履  
畝確查得豪富侵佔胥吏飛灑等弊陳請豁免貧戶  
積欠數萬兩歷刑部郎中陝西提學道嚴絕苞苴振

循吏一

興文教陞布政司叅議致仕

沈鱣福建名宦册字木門嘉善人順治辛丑進士康熙八年知建安縣事兵燹後土田荒蕪蠹胥巧為影射民苦之鱣廉得實窮治不少貸先是藩廩以錢貸窮民勒息數私禁榜掠有鬻妻孥以償者官莫能制鱣曰愛一官而脅於輿隸使民無告吾恥焉捕置之法民大悅

沈廷勳鄉賢留册字克齋秀水人由貢生授新寧縣令時兵燹之後戶不滿百廷勳輕刑薄賦招徠撫字民相率來歸再令變城值三逆之變出師南征延勳轉輸供給無有匱乏尋改商州知州以疾歸

俞雲來嘉興府志字漢乘海鹽人康熙庚戌進士授安仁令時嘗兵燹遺人兵招降賊朱天錫等數十人全活閩廣諸郡飢民甚衆

朱振鄉賢留册字千仞嘉興人康熙己未進士知崇德縣均賦役嚴保甲解有七門堰者築塞已久丁流苦旱振力排衆議卒興其利民咸德之

虞兆清鄉賢留册字登斯嘉興人康熙己未進士任壘戶口日增建學宮設義學延師以教士官至湖廣道御史弟兆滄有詩名

孫衍鄉賢留册字宰工嘉善人康熙甲子舉人選長山知縣在任五年減羨耗賑貧乏以病乞休邑人攀轅臥轍者相望於道

陳霆萬鄉賢留册字子敦嘉善人康熙甲戌進士授臨朐縣息盜安民四境肅然邑正供四萬餘兩向有胥蠹私收包納之弊甚至池遠累民重完霆萬至一變其法散歸業戶使各自輸其弊遂革

張王典鄉賢留册字堯若嘉善人康熙丁丑進士授山西平順縣下車之始減耗費絕苞苴直省差緝善良安堵奸邪屏迹值歲當編審秉公釐剔從簡漏之弊重役之苦一時頓清報最陞吏部主事旋授吏科給事中宦京七載賃屋數間僅可容膝公餘則焚香玩易以圖補過及卒行李蕭然惟圖書數卷

徐升貞湖南名宦册字君階海鹽人由拔貢補岳州通判蔬食布衣官居如貧室盡革陋規歲旱步禱

方參新江通志卷一百六十七循吏一

淚痕被而兩釋冤獄人號活命菩提

許涓 嘉興府志字臨洲康熙庚辰進士知湖廣石門縣

趙申喬保奏內召卒於途居官十五

陸張烈 公舉事實字昂千海鹽人康熙庚辰進士山

民無失所者力振文教童子試漸增至數百人詳請

部文選司主事

王顯一 公舉事實字立峯海鹽人康熙丙戌進士選

興文學在任五月調赴西寧委解羊餉銀至亦不額

爾格軍前如期交納及歸復委至鎮海堡地大牧放

其才遂留軍前効力委解鹽菜銀至古木額為格

方兼程而進先期至軍主兵者深嘉之即令其沿途

故糧回西寧行至第十八臺積勞成疾而卒雍正

特薦 一子入監

蔣鶴鳴 公舉事實秀水人為舒城知縣舒自明以來水

勸輸士民樂助是歲適遭荒歉即令貧民受值執役

不三月開久湮之河七十餘里民不告勞工亦速竣



邱仲孚

梁書本傳字公信烏程人選國子生補主簿歷揚州從事太學博士于湖令有能名遷山陰令長於撥煩善適權變吏民敬服號稱神明治為天下第一徵為尚書右丞遷左丞仍擢為衛尉卿恩任甚厚俄遷豫章內史在郡更勵清節卒贈給事黃門侍郎

沈瑀

梁書本傳字伯瑜武康人起家州從事奉朝請竟陵王子良引為府參軍領揚州部轉從事甚相知賞于夏薨復事刺史始安王遙光嘗被使上民丁速而無怨乃令專知州獄事湖熟縣方山埭高峻冬月公私行侶以為艱難瑀乃開四洪斷行客就作三日立辨明帝復使瑀築赤山塘費減材官所量數十萬永泰元年為建德令教民種桑柿梨栗頃之成林高祖即位陳伯之表瑀催督運轉軍國獲濟遷駕部郎母憂去起為餘姚令縣大姓虞氏千餘家請謁如市前後令長莫能絕自瑀到有至者悉立之埭下以法繩之自是權右屏跡徵為少府卿出為壽陽太守為盜所殺

宋

陳舜俞

宋史本傳字令舉興化人舉進士又舉科第一熙寧三年以屯田員外郎知山陰縣侯代還賜館職舜俞辭曰爵祿名器砥礪多士宜不以至神鳥可要期如付劑契繳中書帖上之青前法行舜俞不奉令上疏自劾曰官制放錢取息雖分為夏秋二科而秋放之月與夏斂之期等夏放之月與秋斂之期等不過展轉計息以給為納使民終身以及世世每歲兩輸息錢無有窮已足別為一賦以儆海內非王道之舉也奏上謫監南康軍鹽酒稅五年而卒舜俞始嘗棄官歸居秀之白牛村自號白牛居士已而復出遂貶死蘇軾稱學術才能兼古人之器

盧革

宋史本傳字仲辛德清人慶曆中知龔州蠻入寇杞請治諸郡城及易長吏之不才者又言嶺外小郡合四五不當中州一大縣無城池甲兵之備將為賊困宜度遠近儻省之後儂智高來九郡相繼不守皆如革慮知委泉二州復為宣州以光祿卿致仕

朱服

宋史本傳字行中烏程人熙寧進士甲科元豐中擢監察御史裏行叅知政事章惇遣袁默周之道

見服道薦引意以市恩服舉劾之惇補郡免默之道  
官紹聖初拜禮部侍郎後知廬州廬人饑服便宜賑  
護全活十餘萬口明年大疫課醫持善藥分拯之坐  
與蘇軾遊貶海州屬練副使蘄州安置改興國軍卒

陶旒

汪藻陶旒阡表字季成吳興人元符三年進士調  
陝州司理叅軍童貫用兵請旒從固辭貫亦不能

強也知鄭之管城發之東陽杭之富陽低徊數邑幾  
二十年在東陽時俗喜鬪家藏鎧仗更數令不能禁  
旒痛懲之  
風俗為變

朱南強

嘉靖安吉州志字柔立主晉陵簿有倚當塗勢  
奪民田者南強按歸之移宰上虞地瀕海民業

煮鹽多致訟乃為析利害上  
提舉請置場交易民甚便之

沈瑄

嘉靖湖州府志字次律德清人宣和間任兩浙漕  
運王師收方臘瑄規畫應辦民以不擾後奉使至

燕雲金人入寇郭藥師敗降瑄為藥師所執遣同李  
鄴赴關議和瑄首陳虛實乞召兵會河北邀擊不聽  
乃苦南歸錄以憶忠憤  
自號南歸錄以憶忠憤

莫漳

弘治湖州府志歸安人登進士第淳熙初知仁  
縣時有出入德壽宮者恃勢虐民漳於宮門外

其出擒而撻之高后怒孝宗降漳一秋居數月平江  
缺守宰執進擬孝宗曰朕有其人遂除漳院轄以承  
議郎知

平江

沈介

西江志湖州人乾道四年守信州與趙師嚴為代  
師嚴在任時州兵嘗欲援往例有所求不獲遂謀

亂雖散府庫以撫之猶反側未安介至誅首領二人  
餘皆安堵歲饑賑貸有方民得不死去官之日老稚  
扶攜隨行數十  
里涕泣不忍舍

章謙亨

西江志湖州人紹定間知鉛山為政寬平人號  
生佛家置像而祀其興學養士禦盜安民禮賢

表俗蠲賦救荒事績邑  
人勒之章巖以志不忘

施宿

兩浙名賢錄字武子長興人慶元初知餘姚縣為  
政務大體興廢舉墜不事細謹姚北瀕海歲役民

修堤民甚苦之宿更築石堤建莊田二千  
畝以備修堤之役功與前令謝景初同稱

李元吉 福建通志湖州人淳祐間知福清縣始視事訟日三百餘牒未期月幾無訟云

元

程郇 黃潛程郇墓誌字晉輔曾祖公許自蜀居湖州郇於書無不讀用薦署嘉興路儒學錄歷江山縣尹

再遷武岡路綏能縣尹縣鄰谿峒民夷雜處竊發不時郇拊循愷悌境內以安會廣寇猖獗長貳而下以供億軍需出境郇獨任縣事師旅經從枝梧遣發戒令嚴明士卒帖帖不敢肆行縣有義倉糧二萬餘石積為豪強所侵悉徵理之歲適大侵賴全活者甚衆轉慈谿縣令慈谿密邇帥閩事尤叢劇郇設施注措若不經意咸盡其宜縣東花嶼蓀湖受諸水漑田可六十頃豪民或請墾湖為田而輸糧於官吏以成案請署郇毅然不可事遂寢湖旁農家均獲其利年七十以奉訓大夫婺源州知州致仕

倪淵 黃潛倪淵墓誌字仲深烏程人精敏絕人用薦署本郡儒學錄授太平路當塗縣主簿時長官皆以故免去淵獨理縣事延祐初經理田土考覈多失其實賦斂不均公私咸以為患淵分畫編次以為圖

民以狀言災傷郡戒縣勿受淵爭之不得即去郡遣吏謝且以檢視之事悉諉之淵躬履阡陌不避其勤民賴以甦以年老致仕

唐棣 兩浙名賢錄字子華先世錢唐徙吳興以薦除寧縣尹先是豪民好為併兼貧民至空券賦棣通亡棣釐其弊具為科條擇任廉吏宿弊一清流連歸復山民老人擁馬拊謝其為政惟用儒法剛柔適調歸於太和居五年政平化行獄訟止息課為江東最以老去官民涕泣塑像祀之

明

王瑄 嘉靖湖州府志字廷璧長興人永樂甲申進士任兵部主事陞刑部郎中會囚越獄有數十重囚不

去訊之則曰王郎中必不在我故諸司官咸坐罪而瑄獨免又刑直隸值歲侵賑郵流亡修復崑山常熟水利民甚德之

方琛 弘治湖州府志字廷獻歸安人永樂乙酉舉人知崇仁縣邑無恒產惟以折色貿易准辦稅賦率多





適負琛奏請從民便賦之邑民賴焉歲旱禱於華山  
即得雨後陞山東布政司經歷卒之日家無餘貲

陸嵩 嘉靖湖州府志字如嵩歸安人弘治丙辰進士授  
羅源知縣以才賢收知南平政績大著歲大旱與

郡守孫衍詣龍潭齋宿祈雨未幾雨大湖官  
行數里遂感寒疾卒民為立哀慕祠於城中

王濟 湖州府志字汝舟烏程人成化辛丑進士授南兵  
部主事所轄馬快船二千餘艘中官怙勢侵沒無

算濟力為裁省大司馬王恕深器重之以忤銓司出  
知雲南臨安府地多奇貨又夷民雜居多盜濟過其

亂源盜用以息陞貴  
州副使引疾致仕

張巽 江南通志字元器歸安人成化進士知上高縣興  
學校均賦役節浮費弭盜賊時新昌降賊譚尚武

首假巡捕之名擾害鄉民巽密疏  
除之地方以寧累陞福建副使

章商臣 徽徵錄字希尹長興人嘉靖癸未進士授大理  
右評事會言事諸臣多繫詔獄下大理獄人曰

三言一訛言忤旨謫靖江丞量移德安府推官  
有言一訛言忤旨謫靖江丞量移德安府推官

與張有夙憾駭令覆訊商臣據法論報又有  
者亦被誣久繫商臣一訊得其情竟從末減都攝為  
神明陞河南按察僉事永寧巨寇董氏嘯聚為亂率  
兵討平之其他搜剔吏弊搏擊豪強平反冤獄撫處  
流民諸政皆鑿鑿可紀撫按交章論薦而臨穎有杜  
黃門者仇殺三人杜之兄時為通政叅議數致書弗  
聽立捕治之復有豪民播教窟羣盜驗實論死詞連  
鄉宦黃彬以故諸權貴銜之騰蜚語於朝竟以考察  
罷論

陸時雍 西江志字幼淳歸安人嘉靖進士授上高縣精  
勤吏事嘗建便民倉又纂水利志以便一方農

事累遷江西  
提學副使

臧繼芳 長興縣志號堯山嘉靖癸丑進士歷官水部郎  
中督理高郵河道值景王之國欲毀濱河民居

伐堤柳以便舟行繼芳曰政在利民病民以便上非  
義也國之大計在漕植柳以護漕堤伐之非策也乃  
屬徒役為木道挽舟而前擢守松江歲大水奏蠲  
其賦煮粥給粟躬賑貸之歷晉河南按察副使

胡友信

獻徵錄字成之德清人隆慶戊辰進士授順德知縣縣歲賦率奸胥攬輸稍以所入陷長吏謂

之月錢友信與民約歲為三限多寡皆自輸不取贏於是閭里無妄費而公賦以充海寇竊發部內烏洲

大洲賊所巢穴友信悉勾得之以勁卒搗其巢誅渠魁餘黨解散又鄉立四應社一鄉有警三鄉鼓而援

之不援者罪同賊賊不敢發初友信慮民輕法泣以嚴既令行禁止更為寬大或旬日不咎一人其治縣

如家弊修墜舉學校城池咸為更新督課邑子弟教化興起卒官士民立祠祀之德清縣志友信讀書天

一山中蒐覽古集研究理宗為文必嘔心洞膽成進士銜命封魯藩謝饋遺弗受除順德令自言曰誓不

帶牙簪出梅嶺題其署曰順動而天地如斷行而鬼神避邑無城建議與築公私不擾濬隍得石碣有胡

成城三字泣任三載有甘露岐麥之瑞卒於官舍殮不具所著有天一山房稿世傳誦之

韓紹

湖州府志字光祖烏程人隆慶辛未進士令寧德

拜給事中以忤江陵外轉歛歷藩臬備兵府江地多箐棘徭徭備代烟瘴鬱蒸路絕行旅紹移檄募商伐

山開徑五十餘里遂感

沈如霖

廣東通志歸安人萬曆間為普寧令縣設幾四十年草萊猶未盡闢霖至清賦役保善良日進

諸生而教之稅使擾民調劑得宜民受其惠

沈子來

歸安縣志字汝修萬曆庚辰進士令句容值文最

有司競以加額增賦為考最子來獨辨其高下增減之調廣平捕土豪致之死合邑稱快陞刑部

主事歷員外郎中出知梧州府改寶慶時征播之軍所過剽掠子來預以糗糧陳境上牒總戎令約束將

士民乃晏然陞湖廣副使調貴州都勻苗帥展打倡亂諸郡驛騷子來廉知土同知蒙詔雄勇可用推誠

待之授以方略三出破賊巢前後斬首四百級擒展打誅之積寇得平卒於官不能治

臧懋中

長興縣志字用甫萬曆戊戌進士授鹽城令會

簡闕右有幹力者十許人攜帑金詣徐募土著又先散金易精輦而至工所役者得食麕至終役無逃者

時兩淮夫役繁興鹽居其間不知有徵調之苦歷廣西按察副使署八桂兵事以屯堡代驛遞軍不濫役而民力以蘇北入覲卒於京

士承寧

江西通志烏程人萬曆進士授臨川令行履欽法墾田定賦吏不得夤緣為奸修城興學皆有

政實

賈宗梯

河南通志武康人萬曆中知永寧縣明習吏事開興福渠以溉民田至今賴之

唐世涵

福建通志烏程人崇禎八年守汀州以城垣卑薄設法增築創寶珠門甕城移慈濟閣為成樓

又捐俸造萬安濟川二橋以利涉民立祠祀之

沈戢穀

德清縣志號器車崇禎丁丑進士知襄強縣時歲稔斗穀溢千錢戢穀捐俸設糜所全活以萬

計善察冤獄多所平反後陞守廬州以病歸

國朝

談九乾

德清縣志字震方康熙丙辰進士授沙洲縣居南北衝要且地為沙屢土甚瘠九乾洞

民艱凡陋規加派詳革殆盡視學霸彊淫僧安巨植柳以憩人行浚井以使人汲陞禮部主事改吏部

陞員外郎掌銓政隨征厄魯特議敘復監理河工著有勞績

戴振河

德清縣志字衣聞康熙戊辰進士授永寧知縣入署見里民供辦甚具驚問得實悉却之常平

倉積穀二萬貴糶賤糶官餘民病振河春貸秋償不責其耗羨關險嶺為蕩平路行者便之丁艱服闋補

松滋邑有堤工歲賦民折土銀五千餘兩歲修歲圯振河廉得其實直賦民土而督修之匝月工竣水無

歲修之擾民名其堤為戴公堤額徵正課外舊有雜派四千兩振河以無藝革之行取任部曹出守邵武

府興利除弊三年不遣一役下鄉卒於官

胡開京

德清縣志字遵王會恩子授池州府通判攝宿松縣事革漕弊抑豪強有民被殺而不得主名

往驗察其妻與旁觀一人狀異得姦殺情竄之法攝蕪湖篆值大水報災請賑設廠拯救無算又攝建德

除虎患緝盜安民及署府事代償前守兵餉却屬邑  
餽贖丁艱歸服闋補順德府判職司捕盜以盜源在  
窩線必嚴保甲而後根株可拔為畫八條上  
之通行畿輔著為令擢永平知府卒於官

寧波府

宋

周師厚

延祐四明志字敦夫鄞人皇祐五年進士仕至  
荆湖南路轉運判官時役法方行師厚言四方

風俗不同役有勞逸輕重不宜以一槩論朝議是之  
章得聞溪洞蠻擾辰沅二州議輸常平粟以備邊師  
厚持不可曰溪獠靜擾無常常平歲入  
有程當使邊卒廣屯田為便帝從其議

袁穀

成化四明郡志字容直鄞人嘉祐六年進士尉建  
安歷青州錄事參軍所治獄無不盡其情後以薦

知邵武軍條鹽法利病  
奏減其課郡人祠之

俞偉

延祐四明志字仲寬鄞人熙寧六年進士宰南劍  
州人生子多者皆不舉建劍尤甚偉作戒

殺于文召父老列坐廳下以俸置醪醴親酌之使  
勸鄉人活者以千計生子多以俞為字部使者聞於  
朝降詔獎諭  
進秩再任

姚孳

寶慶四明志字舜徒慈谿人熙寧九年進士為  
源宰部使者舉其才能優異憲元符之詔賜對爾

旨除提舉成都府路常平等事謁丞相論蜀中列病  
乞以義倉之儲收養鰥寡老疾死給衣食敘瘞貧不  
能舉子者官給乳媪丞相奏行後由江東轉運副使  
除直龍圖閣知夔州興學校勸農桑有古循吏風

陳攄

寶慶四明志字君益鄞人紹聖間宰南劍之將樂  
敦崇學校獎進士類先是邑民家舉一子富室不

過二子餘悉棄之攄論以天性申以令甲犯者  
究治自茲民無不舉子者後卒於官邑人祠之

汪思溫

延祐四明志字汝直鄞人政和二年進士授雄  
州教授調餘姚令築堤浚湖民信愛之後知臨

安時相秦檜嘗以故人屬薦舉思溫曰使可薦誠不  
待相論不才相言無益也有旨營政府檜欲以相府  
儀制稍異執政府思溫益  
持不可檜怒因罷去予祠

薛朋龜

兩浙名賢錄字彥益鄞人政和八年進士授仙居縣尉值歲饑道殍相望剽掠四起朋龜請發

粟賑之民多全活而弭盜有法境內悉平改楚州司錄適靖康之變楚師勤王者歸道州境郡守薄其犒

輒鼓噪為亂朋龜急走軍中諭以禮法隨發府金犒之軍帖服不敢譁任滿擢奉議郎去民遮道留之臥

輒不得行監司上其狀擢監行在登聞鼓院兼擢工部郎中守正不阿彈劾權貴後知衡州致仕

劉俛

寶慶四明志字碩翁象山人紹興三十年進士知華亭縣平易近民而決事若神豪猾斂手並海有

秦山鹽鐵蚌港三堰不治被旨督作早夜露處護田六萬畝孝宗深加褒賞俸紹興府帥王希呂使者朱

熹雅敬之委理諸暨蕭山荒政知興國軍陞辭乞免蕭山廢田之稅以時省繕華亭海堰禁邏兵胥吏擾

沿海民船事皆施行收知岳州覈四邑常賦外免其板帳鑿空如馬草錢之類其目凡八歲減額一萬一

千有奇奏定為令除監廣東倉時南海海驛道至真陽達凌江多窮荒復嶺乃改闢大道八百里置六舖建

七菴募人居之遷福建憲副除吏部郎中卒

楊王休

延祐四明志字子美象山人乾道二年進士黃巖尉邑有豪民植奸黨號三神王休捕獲

具罪狀黥徙他鄉郡縣稱為鐵面少府後除益和轉運判官兼提點刑獄大修棧閣鑿鬼愁灘堰募額

山分西城漢陰平利三邑馬綱以便民築漢嘉西門石梁蜀民德之

王時敘

嘉靖寧波府志時敘字伯倫奉化人郡日縣上所斷大族爭訟僚屬咸會陸以遂安狀銜

袖日得一好文字為諸公出之且讀且喜曰使諸邑皆知遂安吾輩可以臥治及卒陸誅之曰學道愛人

正心誠意惻惻無華儒雅飾吏子之自著古人何媿

時會字季嘉與兄同年第進士自迪功郎七遷至湖南運管所至有聲嘗知會稽值歲霖潦郡方督已

調之賦甚急時會持不可守不聽乃袖告身易服立庭中守為奪氣民賴以紓修社倉之政以備凶歉立

保伍之法以察不孝不弟游惰不逞者

徐子寅

成化四明郡志字協恭鄞人少以任補官中法科為福建路檢法審覆囚贖駁正死罪七十九

人除大理正累遷淮南運副歷揚州楚州修築高郵興化寶應縣石闕斗門函管堤岸護民田三千七百餘頃後知台州革秋苗偽鈔去軍士虛籍寧海邑庫久廢買田五百畝繕之蠲民戶積逋十餘萬陞廣東提刑卒

羅仲舒

成化四明郡志字宗之慈溪人淳熙十四年進士授安慶教授累遷提點江東刑獄黠吏獻議於饒守更嚮鹽法而官專其利舟運不通民數月乏鹽仲舒責吏曰奪民而絕其利者汝罪也笞而流之饒人爲之語曰前葛後羅一臺二妙葛謂參知政事邲也召爲國子司業紹定初以直顯謨閣致仕

史彌忠

成化四明郡志字良叔鄞人舉進士爲鄂州咸寧尉歷宰廬陵有能名守南安會盜南平政尚安輯蠲白撰錢以便民守吉州治如南安蠲田租十有八萬尋致仕後以子嵩之爲丞相積封至金紫光祿大夫卒贈少師諡文靖

林祖洽

成化四明郡志字元禮鄞人少以門功補官知鹽官縣滯訟經歲者皆剖決之光宗以皇太子

尹臨安委治最稱有能名後中

桂萬榮

成化四明郡志字夢協慈溪人慶元二年進士授餘干尉邑多豪右一裁以剛介而御小民以慈愛秩滿調建康司理尋通判平江時守朱在政尚嚴刻因籌課拘繫甚衆萬榮具書告任不從乃執行殊與所拘人同寢在愧卽委縱遣焉陞守南康檢吏奸者浮費征稅以法進直秘閣遷尚書右丞奉祠

徐愿

成化四明郡志字恭先昌國人間禧元年進士除福建提舉適黃勇寇發衆皆退避愿爲婉言撫諭寇列拜請罪愿嘗受業袁變故其政事文學卓絕於時

劉厚南

成化四明郡志字子固慈溪人嘉定元年進士授建功郎調瑞安尉瀕海多盜厚南蒞政慈惠於遠屏息民賴以安楊簡出守温州舉其勤於奉職累階進秩皆有能聲

程士龍

嘉靖寧波府志字應辰慈溪人嘉定四年進士主句容簿時歲饑督濟有方老弱賴以全活真德秀重其才薦知仙居李宗勉復薦之遷知臨江軍後改知撫州城中有夜半殺人者逮繫至六七囚獄

或士龍疑之俾臨川宰密察得其應辟者捕之一訊而服民作平寬歌頌其神明

童居易

天啓慈谿縣志字行簡嘉定己未進士補登仕郎時朝廷欲使諸路置買浮鹽司除擬已定居

易詣執政歷陳利害命遂寢攝天長簿時諸路多屯兵每歲棗熟制闕下令禁民採取民失其利居易上書乞弛其禁制闕從之勞九縣皆賴免尋調諸暨簿境有惡少攻剽為奸尉莫能致居易以計悉擒之民謠曰童主簿威如虎愛百姓擒跋扈轉宣義郎知邵武之泰寧歷遷太學博士率以身教以言會子事忤上意出倅吉州陞知廣東德慶府夷獠雜居民悍難化居易撫以豈弟之政三載民樂耕桑門不夜闔尋

上章乞歸

王撫

兩浙名賢錄字謙父鄞人嘉定進士授安吉丞攝令長興捐俸賑水災民賴以不饑再攝新城斥餘

財五萬緡代貧民賦遷將作監主簿時史嵩之專政乞補外通判婺州御史劉晉之誣衢州掾慮囚受賕為審實卒白焉後守徽州始至郡廩無三月之儲及解去粟支一年帛萬匹遷吏部兼崇政殿說書嘗預

朝史

楊珏

成化四明郡志字君寶鄞人紹定二年進士授通直郎知饒州德興縣邑居四山之僻民多艱食珏

乃節用積錢一百萬置米千斛貯之顯惠倉歉時出之以平市價景定間轉朝奉大夫入對條陳三策一曰任正人而黜奸邪二曰興民利以培治本三曰講武事以圖恢復上悅及郡縣行方田珏曰政以利民不利而行如吾民何遂却不行御史朱龜孫劾之免官歸

黃仁儉

兩浙名賢錄字約之奉化人主淳安簿俗獷悍歲時菟渡多殺傷尉懼而在告仁儉攝事處之

帖然轉監台州支鹽倉攝郡幕給軍衣有紕薄者群卒攘臂以噪座上皆失措仁儉徐呼其長諭以禍福羅拜曰黃佛子言敢不聽遷青田丞時永嘉遣海船籍篙師為兵乞取家屬小人乘勢指怨家妻女為家人仁儉帥司檄使覈實得免人咸德之

趙汝笈

江西通志字景師四明人慶元進士嘉定間知上高縣待士以謙斷獄以恕請司疏其治狀為

諸邑最先是上高諸鄉額有坊場許人買換名曰教  
練每一名四季認白納錢少者不下百千民被其擾  
汝策力請  
朝省罷之

元

臧夢解

元史本傳慶元人宋末進士未官而國亡至元  
間授知海寧州時准東按察副使王慶之按行  
至其州見夢解剛直廉慎官署肅然凡有差役皆當  
其貧富吏無所預民以戶計者新增七百六十有四  
田以頃計者新闢四百四十有三桑柘榆柳交蔭境  
內政平訟簡為諸州縣最乃舉夢解才德兼備宜擢  
清要而御史臺亦以其廉能薦屬江陰飢江浙行省  
委夢解賑之夢解不為文具皆躬至其地人給以米  
所活四萬五千餘人擢廣西肅政廉訪副使故事烟  
瘴之地行都者多不躬至夢解咸徧歷按問賓州藤  
州兩路達智花赤與凡貪官奸吏置於法者八十餘  
人又平反邕州黃震被誣賊罪及藤州唐氏婦被誣  
殺夫罪大德元年遷江西肅政廉訪副使有臨江路  
總管李個素附大臣勢以控持省憲夢解按其賊罪

一道澄清後以亞中大夫

葉恒

化州四明郡志字敬言人秦定初  
嘗以竹石作土堤以捍率不能久恒乃  
石長亘二十里民不知勞隄南舊有二湖  
幾四十年因堤成而湖復涸水時其唇閉  
田獲灌漑海潮之患遂絕後遷淮安路鹽城尹民多  
不律恒輒法其尤橫者臺察交  
薦大用而卒民立祠祀之

范文中

成化四明郡志字煥章定海人大德十一年民  
亂盜起文中手縛巨魁十數人歸於有司餘黨  
竄伏中書奏授燕繇鳴鶴巡檢陞歙縣主簿尋調  
校習俗諱健素號難治民蕭甲與子殺人以誣怨家  
劉乙文中嚴實遂寘甲於法而籍其家豪右讐服擢  
知沙縣造義倉以備凶荒崇儒學以興禮讓年七十  
投牒  
歸

明



汪繪世

成化四明郡志字漢文鄞人宋尚書大猷五世孫洪武初授太平府同知推誠馭下吏民不忍欺事恒先期而集秩滿陞湖廣按察副使振肅憲紀奸欺多所擿發然以寬濟明未嘗吹求人罪論者謂憲職在正已以率物繪世有焉

陳奐

成化四明郡志字聚奎慈溪人洪武中用薦召至闕廷試稱旨授扶溝令修舉廢墜除革奸蠹尋調山西之屯留土壤磽瘠民多流竄奐為出公帑錢贖其逋租流民相率來歸以憂去服闋改都督府都事成祖念京縣政煩特授上元令泄政期月縣以大治歷遷刑部主事仁宗監國時即知奐賢即位奐奏事仁宗曰此非上元陳知縣乎左右曰然即擢為滕府長史進階奉議大夫

周弘

兩浙名賢錄字尚德慈溪人洪武中以薦授柘城令在縣九載寬厚廉謹愛民如子戢暴橫節用度一邑大治

張海

天啓慈谿縣志字子深洪武中以貢至京師召見乃命平江伯陳懋與海並事穿渠築閘事竣復慮暴水衝蓄新岸善崩請給馬連草子五百斛種之沿涯以固土力堤岸遂固

應履平

嘉靖寧波府志字錫祥奉化人洪武庚辰進士授泉州德化令興廢舉廢陸平易宜民遷守常德史治益著陞貴州按察使奉勅同兵部尚書王驥平蠻將軍蔣福帥師征麓川有功陞雲南左布政時有大監奉命監造剔漆器皿進用供費百出民不能堪履平諗其將訖工剔造私物密疏欽造數完奉旨起送部檄至履平懷之中道馳入大監怒叱之對曰奉旨請回京出文以示大監去一方以寧

吳福

兩浙名賢錄字好德鄞人洪武庚辰進士授禮科給事中歷陞陝西叅政先是寧夏鹽池禁嚴井木易鹽三兩福奏許民納課官量給鹽民咸便漢中牛山遭民草竊出沒福遣吏作樵夫懷榜抵其巢穴論以禍福其黨語曰吳公長者必不欺我相率復業者數千人秩滿陞福建右布政治行益著以年老乞歸

張得中

兩浙名賢錄字大本鄞人永樂甲申進士授刑部主事改江寧令機務繁劇前令率繩之以法

得中更以公恕簿書期會米鹽細故必躬親之每丁夜而起丙夜而息未嘗樹赫赫之聲而民安其政以

疾卒

蔡胄

兩浙名賢錄字用嚴鄞人永樂乙酉舉人以薦授

新未嘗輕有笞詈清修苦節薦餽雖蔬蕪不納室中琴一張書數帙而已不諧於郡守吏部尚書郭璉巡撫江西郡言胄徵科無法考下當去縣民相率走百里外聲胄寃言數十年未有公廉愛民如蔡者奈何斥之泣訴車下郭嘆曰吾行縣多矣未有一民頌其令者郡言詐也更考胄最而以貪黜其郡守

王瑩

嘉靖寧波府志字宗器鄞人永樂戊子舉人授淮安府睢寧教諭擢禮科給事中改刑科宣德初勅

守肇慶下車蠲宿弊務更新未幾化行境內帖然秩滿增秩正三品改知西安治如肇慶而稍濟以嚴越

三年致仕

陳本深

嘉靖寧波府志字有源鄞人永樂戊子舉人擢刑部主事畿內有韓廣者為盜殺人逃匿有司

捕之波及無辜十八人本深物色得之得免進員外郎宣德庚戌出知吉安在任

治學宮築堤成梁百廢具興而尤以除盜去奸樂安曾子良聚眾萬餘據險為寇本深以地逼

督千戶王業率兵往禦大破之擒其渠魁以獻安有豪民彭搏肆暴於鄉有司莫能治乃密聞於朝而

籍其家九載秩滿吏民相率奏留上允其請加正三品

疏法網與民相安每晨起鼓而出堂聞人報無事撤鼓而退寢間有訟訴呼至榻前折其曲直而遣之亦

不受狀在任凡十八年屬前民有舉女者漸見其長已乃及笄笑而言曰襁褓兒

已字尚能留此耶去志遂決

方佐

嘉靖寧波府志字用輔鄞人永樂戊子舉人授漳

州府檢校陞上海知縣政尚平易不事苛刻而搜剔奸蠹百廢具舉巨猾宿宄罔不屏迹日詣學宮課

諸生殿最講解經史士民翕然向風正統改元用少

傅楊溥薦陞廣州知府振肅綱紀百度維新以例入

覲卒於贛時奉勅守郡者九人鄞人得其三若陳本

深為吉安王縉為肇慶及佐為廣州皆古龔黃之流也

俞得儒

兩浙名賢錄字大雅鄞人永樂壬辰進士授監察御史出知賓州賓故多梗化者得儒至修其政教風俗不變宣德丙午交趾不庭總戎檄之督餉民弗知勞而兵食足秩滿乞老歸子澤天順丁丑進士歷官四川僉事

顧巽

天啓慈谿縣志字與權永樂壬辰進士授江西按察司僉事公廉仁恕巡歷所至訪察幽隱人以清恪守清白終始不渝

管思易

嘉靖寧波府志字原理鄞人永樂乙未進士授刑部主事持法平允奉命使湖廣辨疑獄釋繫囚全活甚眾歸州同知孟紹芳盜庫銀二千許棄官去司府以孟巨瑞姻不敢問乃囚其吏郝洪等思易廉知之即上其事徑執孟論誅之而釋洪等已而居內艱起復仍前職時有獄囚王琦罪不應抵尚書中不以私憾論死思易爭之不聽竟殺之乃憤死而卒

秦岳

兩浙名賢錄字維翰慈谿人永樂丁酉舉人授兵部武選主事陞郎中調刑部宅心平恕不事嚴刑而犯者輒得其情正統中陞山西叅議督理糧儲時水旱相仍有司催科逾迫而逋積逾多岳曰暑雨艱食民方怨咨急之使倍償以償是轉之溝壑耳況歲且有秋因屬其耆老而諭之民大悅越三月鞭扑不施而積逋咸償以憂去服闋調廣東以疾卒

戴浩

嘉靖寧波府志字彥廣鄞人永樂庚子舉人判東昌管河道九載遷守雷州州故並海瀟病稼乃築堤以捍風潮民歌其功收永州又收鞏昌歲飢矯發邊儲三萬七千餘石賑之監司語以法浩曰法固知之如民飢何以一人命活千萬人命固將甘之乃上疏自劾朝廷優詔原焉尋循例致仕居鄉躬行德誼表率宗族置義冢立義塾後其孫鰲鯨鰲鰲相繼舉進士

余麟

兩浙名賢錄字天祥鄞人永樂癸卯舉人授主客司主事陞郎中適河南河溢特授左叅政往治之至則度水勢築堤防甫期奏功乃詢民間疾苦而恤之察吏治糾墨旌廉六年陞本省左布政使乞歸

王彝

嘉靖寧波府志字友倫鄞人舉賢良任左軍都督府都事宣德中改令仙游先是邑人苦征斂多通播者彝至撫字有方科差不檢計都里以均坐派條征輸以完積通民漸復業自解宇壇壝以及倉庫門路悉葺治之民不知有役也

錢象

嘉靖寧波府志字文煥鄞人正統丙辰進士授戶科給事陞廣西叅政潯州老藍寇起以單騎諭平之土官岑豹羅文愈以地訟象為宣布威德皆帖服焉尋陞左布政時都御史韓雍征大藤峽會歲稔以軍餉為憂象措置得宜上下克給凡所俘獲必加詳獻得活者甚眾力請致仕子瓚字廷祐弘治己未進士令潛山青陽皆有

王士華

湖廣通志字彥實鄞人舉進士正統間以工部都水司員外奉勅築華容諸防相度便宜勸富民出粟建預備倉擇廉慎吏掌管以待工役歷九載計所築埝四十有八堤百五十人呼為王公堤

姚堂

嘉靖寧波府志字彥容慈谿人正統己未進士授嘉靖寧波府志字彥容慈谿人正統己未進士授

王鼎

天啓慈谿縣志字器之正統中舉明經授本縣訓導陞監察御史巡按山西有知縣郭某者貪而善賂鼎瀕行當道交口舉郭及按縣郭倍道遠迎承奉周至鼎即摘發其貪罷黜之民歡呼動地陞江西按察僉事下車日賊吏聞風解綬以憂去服闋改廣東時流賊剽掠鼎一日出巡為賊所得昇至寨中時有二王僉事一為吳人頗多藏賄賊誤為是將以媒貨有識之者曰此浙江王僉事清官也不可犯遂輿送二十里外拜謝而去賊既平鼎以年老乞歸

吳桓

嘉靖寧波府志字廷用鄞人景泰舉人選汀州府通判嘗攝守事剖決若流庭無滯訟歷陞常州府同知均徭役導水利平賦稅修橋梁招流亡給種佃田歸者相望宜興山崩暴水壑溺斃死者眾桓發倉

煮糜以食之又捐俸為倡勸富民出粟以賑靖江瀕海風潮蝕田額稅無辨恒躬為核實以新漲沙田米補焉撫按凡七上章特薦而桓以病乞歸遂進階中憲大夫致仕

陳淳 陳英

嘉靖寧波府志淳字德溫鄞人景泰癸酉舉人知欽州時靈山民有死獄株連數百

人會大暑狴戶皆滿淳止繫當罪者數人餘皆出之守大怒淳引法力爭竟不能屈舊有義倉儲穀二萬餘石積為豪強所侵悉徵理之歲適大稔民賴以活撫按賢之以廉州知府會薦命未下而卒弟英字廷賢成化壬辰進士知廬陵縣疏困均賦戶口繁增會大旱齋沐禱雨輒應陞監察御史以風節著

江勛

兩浙名賢錄字元助奉化人景泰甲戌進士擢監察御史巡按山東湖廣山東苦饑民多流亡乃設法賑濟田野安生湖湘旱澇仍穀價騰湧民不堪命而內臣銜命將啓局造紙勛奏罷之擢廣西按察使蠻峒弗靖勛謀畫撫綏斥貪去暴綱紀肅然以內艱歸

盧瑀

嘉靖寧波府志字希玉鄞人成化己丑進士授刑科給事中疏罷淮揚貢賦十餘萬緡及西北遊

戰馬宿弊又劾巨璫田興梁訪等竊柄引甲曉妖術罔上事直聲大振陞工科都給事以旨廷杖逮獄出為長沙府通判陞真定府同知請撫良能聲藉藉當道上其治狀陞廣平府知府廣平故牧馬地豪貴家數侵匿而委其微於貧戶瑀剷洗奸蠹盡反豪貴家侵地民困大起又興學勸士日進諸生於庭指授經義三輔之地蔚然比鄰魯焉

王愷

兩浙名賢錄字宗元定海人成化舉人授平原令俗多盜有麥商夜經村寺被劫陳於縣愷故匿其事陰令販豈者和少熟豈其中夜過寺門復劫去乃令捕兵易服就寺僧貨豈中有熟者遂收捕不待訊而服自是盜賊屏迹後權要以非法相強愷曰令可去法不可撓遂致仕

章銳

兩浙名賢錄字元進鄞人成化壬辰進士官刑部主事晉郎中剖析滯獄精於老吏出守鳳陽應詔陳言上鳳陽軍民利病及時政十八事多議行會旱蝗雩禱輒雨復奏指稅三之二陞湖廣叅政錦田苗獐反常事者憚不行銳獨蒙犯瘴癘深入平之竟感疾卒

孫紘

嘉靖寧波府志字文寬鄞人成化戊戌進士授鎮江推官以廉明稱擢南監察御史南都有國戚橫奪民田萬計紘悉稽版籍奪還民太監郭鏞犯後湖私渡禁紘抗章劾罷之已而守備蔣琮冒奪民蘆洲侵後湖墾地為田紘復率諸御史共劾之坐謫廣德州判陞知州專務德教持大體不為煩苛威行豪強而良善者不知有官府尋卒於官

楊文卿

嘉靖寧波府志字質夫鄞人成化戊戌進士授刑部主事逋寇席英王勇白晝殺人邏者不能得躡賊所過逆旅主人逮繫之有夏廣才者坐高土論死文卿爭之曰廣才迫於凶暴飲食之耳何高之有竟出之陞山西提學僉事遷山東提學副使所至頒條約以示勸懲士風振起以疾卒官

李文昭

嘉靖寧波府志字誠之鄞人成化庚子舉人授淮安通判東海有富民殺人屢年不決文昭一訊即得其情沐陽田數萬頃故有河漕墮高堙庫宇潦俱病文昭為疏導陂障民甚賴之遷南寧同知陞陞重慶知府況村土官黃文昌倡亂單車往諭降之以勞瘁卒

楊守隅

鄞縣志字維德成化甲辰進士為兵部主事出按陝西馬政剗剔宿蠹陞江西政時逆瑾弄權有誣人不法事罪應處守隅其誣瑾怒奪職歸瑾誅詔起原職旬宣四川適流也藍老人麻六等剽刺蜀漢間勢甚猖獗守隅多方捍禦四川以寧尋陞廣西布政使致仕

王珩

嘉靖寧波府志字宗玉鄞人成化辛丑進士除臨邑令值歲海饑珩自於監司不待報發票以賑吏執不可珩曰罪在令不在若也卒發之既而以艱去免喪陞江南道御史尋陞長沙知府府有吉藩羣小橫暴不法前守多被窘辱珩至輒訊其渠魁自吉藩誅之羣小大戢儀賓史朝忠與藩閹構不相能而承奉朱泉頗有贏貲一夕暴卒眾闖遂誣史利其貲而毒殺之寃不能白珩為白之

周津

天啓慈谿縣志字文濟成化甲辰進士擢監察御史巨璫蔣琮欲納交治具蕭寺託同僚致之及門而覺即策馬返閣老邱濬喉人訐家宰王恕津劾以妨賢病國舉朝躑之擢知九江以瑞州盜起宜選強明廉幹者治之因徙知瑞州津至啓都御史林俊宜用東漢聽盜相斬除罪法林從之盜果平後官至廣



東左布政致仕

沈元 嘉靖寧波府志字德元慈谿人成化甲辰進士知南陵縣值歲大祲元發帑藏勸富民出粟賑之民

賴以安擢御史按治淮揚不瑣屑細務薦賢舉能去奸平獄人服其知大體出為湖廣僉事武昌故多大

獄元按閩每至夜分假寐輒興務得其情人日之為一省臯陶

周旋 慈谿縣志字堯敬成化丁未進士除南戶科給事轉北兵科時疆圉多故旋條陳方略咸中時宜知

州劉遜為宗藩構陷一時言者皆繫獄旋上章申救得釋南旺湖久湮奏請復之出叅廣藩平蘇孟凱之

亂子士英正德甲辰進士宣工部員外郎亦以政績著聞

金洪 嘉靖寧波府志字惟深鄞人成化丁未進士授靖江知縣以才堪治劇改令吳江吳江豪猾縱橫賦

役繁劇小民疲於奔命洪乃裁抑勢家剗革狡吏歲裁冗費銀米緡錢凡數十萬陞御史出按山東時青

州賊戴崇濟南賊楊敘嘯聚為患久而弗靖洪設法勦平之會進使入風以進略洪不為理瑾乃矯旨

為吳

王術 兩浙名賢錄字用仁慈谿人成化丁未進士授定知縣吏事精敏縣故有積荒田千頃賦每責

於里胥術招撫流移計口授畝給牛種於是流民復業賦有所出治行考江南第一擢監察御史劾壽寧

侯張鶴齡飲酒不敬權貴震懼奉命查盤兩廣以勞瘁卒於梧州

楊子器 獻徵錄字名父慈谿人成化進士除知崑山縣召補吏部主事轉員外郎中陳邊務數十事尚

書馬文升劉大夏皆重嘆許遷湖廣右叅議分守辰常道會榔桂賊起請改道自效官署提兵討平之轉

福建提學副使遷河南右叅政時方以榔桂積勞成疾而東賊渡河天寒甚有勸緩行者子器乘輿而往

卽至嵩縣居守賊方走湖廣子器曰賊避土兵必復向汝州洛陽藩籬備不可缺乃自嵩馳赴之賊至子

器輟食登城晝夜調度城守益堅賊遂引去尋遷右布政使轉左宰寧波府志子器初令崑山盡毀淫祠

撤其材以修學校及倉廩公館樓櫓又以餘材給太倉鎮海二衛修舉頽廢於馬鞍山麓創野鶴軒集諸

生講學以憂去豈人即奉以祠之補常熟令直塘錢  
外郎以奢豪里中悅隣人趙重陽之妻令其夫商於  
外遂與私又遣人詐為盜以殺之而以盜問子器察  
其詐逮治殺之時亢旱是夕大雨一邑懽呼陞考功  
主事倡五經會或謂曹局清嚴不宜泛交遊謝曰吾  
不欲以仕廢學會營孝廟山陵聞中有水石抗疏言  
之為誣者所構下獄寧省交章論救得免晉  
驗封員外郎以不附逆理出為湖廣參議

呂和

嘉靖寧波府志字克中鄞人弘治己未進士知臨  
淮縣百度惟新丁憂歸服闋改建平縣歷陞山泉

按察僉事有王尚書弟殺人當道莫敢誰何和致之  
辟長清令劉儒內結權貴貪橫靡忌和痛繩之即誣  
和下詔獄久之始白臨清衛指揮柏紹縱暴不法巡  
按屬和治之紹逃至京師匿權璫家和卒捕得之竟  
治其罪遷陝西副使繕漢中寧羗諸

向錦

嘉靖寧波府志字中美舉進士除東流令以循良薦  
鳳陽知值歲饑侍郎王瓊奉命賑荒和士者  
得食流民多饑死錦白瓊計日給食數萬人無一  
者負得

陳璧

嘉靖寧波府志字天瑞鄞人正德丁丑進士  
州陞刑部員外郎時錢寧等齊佐廳影弟英俱

死而巨璫奉命清審大獄力欲出之璧直前曰臣  
受廖堂萬金用鎮陝西陷人死無算英姦子婦因而  
殺死王長隨法不可縱二人竟論死碑江西僉事  
兼斥墨風紀肅然先是布政葉震坐附逆濠論死巡  
按承當道意欲寬震璧曰震一省長吏乃署僞被逼  
殺各藩罪有浮此者乎宸不果釋而當道深銜之乃  
改調四川已  
又勒免官

陸銓

嘉靖寧波府志字選之鄞人嘉靖癸未進士除刑  
部主事歷遷福建按察添注副使嘗攝海道漳故

盜藪而利窟也諸射利奸人多以厚貨傾監司關出  
為患銓獨嚴立禁網刻剔奸蠹卒不為所餌陞河南  
參政進廣西按察使時弩灘猺賊侯公丁雜處胡藍  
二姓之間相助為寇或議大舉兵誅之銓曰此堅賊  
黨而分我兵且逆順難明非計之得也不若計殲渠  
魁而撫其餘監軍如其言弩灘果平陞廣東右布政



以內  
艱歸

陳文譽

嘉靖寧波府志字德卿慈谿人嘉靖癸未進士授刑部主事歷郎中審錄江西多所平反大學

士楊一清被誣下法司嚴治諸司難之文譽厲色曰顧事實不實耳何愛於楊公何畏於內府事竟得理出知鎮江府杜請託輕徭役五年之內百姓晏然以忤當道免歸

周南

慈谿縣志字啓東嘉靖乙酉舉人授常州通判署宜興縣桃花港淤塞南畫地開濬逾月完工又移

魏村闢於桃花港口以時蓄洩奉委督運卽條三議上實軍儲至計調漳州立保甲法賑龍溪荒擒海賊張國平等復改楚雄以親老致仕

劉安

寧波府志字汝勉慈谿人嘉靖丙戌進士授主簿改御史疏陳補君德以圖治安上聞疏大怒

錦衣衛拷訊兵科給事中胡堯時救之請餘下卓遷長沙同知平寧鄉寇有功擢知鳳陽府治行卓旋丁內艱歸子志業嘉靖乙丑進士

袁載

廣東通志字安道慈谿人舉進士歷知肇慶用愛民修廢舉墜諸不急之費一切蠲去惟恐為

民病擢山東按察副使備兵臨清有中官入境暴橫不法載廷挫之入訴幾不免賴學士袁燁調護乃解調廣東海南副使引疾歸

王樞

寧波府志字子長象山人嘉靖壬辰進士授中書舍人擢兵科給事中改繕部員外進郎中時大工

繁興諸省運木先於張家灣出水以次搜入神木廠完者始取批迴動經歲月間有水漲漂木去坐累死亡者樞奏卽木次設廠竹木至卽入給與批迴公私兩便遂著爲例陞江西叅議督糧儲行一條鞭法夙

弊盡革轉山東副使兵備徐州決陽山水發沛縣城賑蕭縣饑刊澤尤著遷湖廣參政被劾免官

劉廷誥

天啓慈谿縣志字汝欽嘉靖戊戌進士授開封司理雪十年冤獄擢守袁州時分宜市權僕隸

恣甚廷誥收其策者各之同年生居要津請官地拓私第廷誥持不可遂喉言者論之調南康晉福建副使歷四川按察使平山盜五十人故盜從也郡縣深文入之詔察其寃令縛盜自贖盡縱之往踰月果縛

真盜至盡釋之人人羅拜曰劉公生我轉廣東布政使歲例貢珠驗珠時先私取其美者廷詰一無所取

姚梧

慈谿縣志字文揚嘉靖辛丑進士授嘉魚令邑治濶江多寇警梧簡練士卒盜不敢入又捐俸築隄

外捍江波內便行者民稱姚公隄擢工部郎監龍江權務會川南掠州縣勅備兵牧廬多方輯禦拔劉顯

行問絕諸苗要領捷聞陞福建少參被劾去

項守禮

寧波府志字進伯奉化人嘉靖甲辰進士授主事轉員外郎中擢濟南知府案牘紛繁判無停

滯新泰饑發帑賑濟陞山西副使備兵井陘三關起地固多剽騎憲府設牙兵名爲邏卒而實潛自爲盜守禮廉得其情引戮渠首邏者

股慄邊地以寧以內艱去任

張謙

慈谿縣志字子受嘉靖壬戌進士授刑部主事會術士曹祖告建昌侯張延齡不法事下詔獄武定

侯郭助又延延齡反曹郎應勘者以計免謙毅然任獄中貴鮑忠密諭謙善治此獄否則禍且不測謙謝

曰刑官治獄有三只法在利害非所計也乃拷掠延齡迄無反狀獄凡三上三得嚴譴竟不可奪僅坐廷

齡殺人罪謙杖三十謫揭陽典史歷陞南刑部郎出守大名奏循良良第一遷廣西叅政討七山羅旁猺賊規畫進兵斬獲殆盡晉按察使致仕

姚益賢

慈谿縣志字汝德隆慶戊辰進士授貴池令爲政不事苛細惟以表揚節義獎厲學校爲先務

時海瑞爲巡撫廉其治行亟稱之遷潮州郡丞海寇林可寶掠劫州縣爲患孟賢設策搗巢擒獲無算當

事抑其功尋乞終養

朱瑩

鄞縣志字仲明萬曆癸酉舉人授清河令補武陵時播寇作亂師多屯聚境內瑩善爲措置民賴無

擾又稅瑞煽虐瑩設法駕馭帖然安堵而稅額亦視他邑爲減歷陞工部員外郎尋改河南僉事致仕

高萃

鄞縣志字升伯萬曆甲戌進士官刑曹臨淮侯李宗城封侯事變獨身逃歸帝怒下詔獄大司馬石

星本主封議欲嫁禍於遼之督撫言督撫倡說言阻封事萃詰宗城曰汝罪當死若實言當生汝宗城因具言倭實不受封狀次日廷鞫宗城以實供遂下星獄及定宗城罪萃以八議上從寬典出知肇慶府興

利惠民置田贍士多從  
醇厚輩人肖像祀之

沈九疇

鄞縣志字箕仲萬曆丁丑進士授刑部主事累  
遷山東參政會平度饑姦民嘯聚幾變九疇單  
騎赴之械治渠魁境賴  
以安終江西布政使

林可成

寧波府志字弘志鄞人萬曆庚辰進士授太康  
令歲祲賑老弱收少壯者繕城給錢民忘其饑  
召爲御史領前北游饑連疏請發臨德二倉及三關  
歲課兩院贖銀以賑皆下司農如其請他疏皆侃侃  
著直

岑應春

慈谿縣志字繹仁萬曆丙戌進士授工部主事  
管山陵木與中貴共事一無假貸省緡錢無算  
差臨清磚廠故事陶戶輸運至京給直人苦賠累應  
春令給直後始辦料復官給運送之費遷郎中出爲  
東兗道參議陞副使備兵岢嵐繕修新障  
百八十餘里人頌爲岑公堡未幾罷歸

葛文炳

寧波府志字星垣鄞人萬曆戊子舉人授江西  
南城令宗黨擾民爭利文炳進謁益王徐陳具

弊由是犯者得先啓其罪而兩決之民賴以安縣南  
有烟火山二十七障供民樵牧奸民借王府建壁名  
踞之文炳清界斷歸民立石遵守又建水舍免輪兌  
之艱時乘小竹輿徧歷阡陌察水利勸農桑創立社  
學以興弦誦在邑六年  
陞大理評事以疾歸

錢仲選

慈谿縣志字仁仲萬曆戊子舉人選東平州學  
正丁艱起補東平令進父老訪利弊正戶籍以  
均賦定官解以恤民捐俸建版輪程兌軍版有羨米  
例歸諸官仲選正色曰此皆民膏血也忍吮之耶令  
常額外悉罷之後免  
歸貧甚不以介意

徐時進

鄞縣志字見可萬曆乙未進士授南京工部主  
事遷郎中出守岳州府時採權使絡繹四出楚  
瑞尤橫郡縣皆畏不敢抗時進獨不爲禮充顏相對  
瑞亦憚其嚴斂跡他往調荊州免沙市稅舟清宗祿  
詭簿罷單民門稅禁郵使折乾築長隄甃龍陂荆人  
德之丁艱起補惠州擢廣東副使監惠潮以方略擒  
盜海患悉平天啓改  
元加大理卿致仕

王猷 慈谿縣志字在吾萬曆戊戌進士知漳浦縣權使

擬設雲霄鎮為竭澤計猷條析利害以去就爭於上官議遂寢行取工部主事

馮若愚 慈谿縣志字明甫萬曆丁未進士授工部主事

審決江南有黠囚關通權貴前後使者瞻顧莫敢決若愚至立論殺之直聲大震歷員外郎中出知襄陽府先是礦璫四出楚璫陳奉尤驚橫自開府武昌而以原奏韋國賢充錦衣開府樊城黨與分佈發人塚墓或夜入民舍搜括私藏遇斗米亦稅之襄民洵洵嘯聚成七寨若愚抵任歎曰變在頃刻不急為計安用太守為急召教諭徐中節以計給國賢出盡縛稅署爪牙而自策單騎掩國賢縛置郡獄諸黨與在他邑者亦一時盡縛自襄至武昌皆譁傳太守神人七寨民亦散歸隴畝奉惠甚飛章上變楚人邀其疏漢濱兩月不得達時稅使月有進章至是兩月無疏神宗疑楚使皆被殺因撤奉回已復詔盡撤各道稅使奉既去街若愚不置喉諸璫以事騎斃之坐是久不遷乃投劾歸光宗登極起南

鄒鳴雷 寧波府志字長豫奉化人萬曆甲辰進士授刑

部主事後守建昌時益藩諸邸役橫甚鳴雷以法繩之不少貸郡故有太平橋稅向為狙獍豪右攬侵鳴雷廉得之悉置諸法時有溢額即遞減免商民稱便尤加意造士置田贍學轉胡廣副使有富人恃財殺人獄久不決至則立置諸法遠近稱快會母病乞養歸

錢肅樂 寧波府志字希聲鄞人崇禎丁丑進士授太倉

知州飲水茹藥力崇教化州故多豪強肅樂痛懲之又以朱白榜列善惡姓名械白榜者墮下子重杖久之杖者日少陞刑部員外郎丁憂歸後卒於閩

國朝

馮傑 廣東名宦冊慈谿人順治己丑進士粵東李成棟

叛傑以副使巡視海道會同大帥統師抵粵平南韶等郡及抵廣州與大帥相度機宜先以一軍取三水從化等縣旋平廣州傳檄各鄉堡禁擄掠未幾偽陽青伯范承恩據城叛傑遣人桐喝之又使人運諸大礮至西關發礮震天地雜以鉦鼓聲承恩一時不

知所為遂貴  
廣州復安

胡文學

舊浙江通志字卜言鄞人順治壬辰進士授真定府推官巨寇高鼎踞恒之西山絕頂垂二十年并代絳晉俱騷動文學請益兵揣意招撫鼎率眾出降舉卓異第一擢御史出按兩淮鹽漕報最內陞候補歸里寧波府志文學治真定日并陞賊聚眾事敗指稱偽牒株連數百人文學嚴治其黨舉偽牒盡焚之人  
情始安

謝于道

雲南名宦冊字存莪鄞人康熙癸丑進士由部郎任雲南提學僉事既擅藻鑑尤以化導為先每試召諸生面教之繞座數百人請業益于道手批口答頃刻第其高下士習文體一時丕變

胡亦堂

江西名宦冊慈谿人康熙十六年由舉人知臨川縣時兵燹之後民多流移田荒賦缺亦堂多方招徠給牛種躬勸相其速賦請得展限帶徵民以蘇息新學宮修橋梁及社倉義學民多頌之

徐勅

廣東名宦冊鄞人由進士初任陝之三原令政通人和尋以年老告歸丁艱服闋補順德令禁雜派

免浮糧絕苞苴清保甲精讞獄泣任四年始終勿渝有新會少年詣堂下曰既聘矣婦翁嫌吾貧不吾宰也勅以越境辭少年以頭觸柱血被面勅憐之繫少年若獲盜狀牒新令逮盜黨其翁至則曰吾婿也與不與婦故誣我勅曰婿固無良若持五十金同若女來吾為若絕之至則笑曰五十金婿不貧矣儻舍而郊趣令完聚其他決獄多類此遷御史卒邑人祠祀之

勅修浙江通志卷一百六十九

人物三

循吏三

紹興府

漢

孟嘗

後漢書本傳字伯周會稽上虞人少修操行仕郡

為戶曹史後策孝廉舉茂才拜徐令州郡表其能  
遷合浦太守郡不產穀實而海出珠寶與交趾北境  
常通商販買糴糧食先時宰守並多貪穢珠遂漸徙  
於交趾郡界於是行旅不通人物無資嘗到官革易  
前弊求民病利曾未踰歲去珠復還百姓皆反其業  
商貨流通稱為神明被徵當還吏民攀車請之嘗既  
不得進乃載鄉民船夜遁去隱處窮澤身自耕備桓  
帝時尚書楊喬上書薦嘗清行出俗  
能幹絕羣竟不見用年七十卒於家

南北朝

孔靖

孔靈符

宋書本傳靖字季恭會稽山陰人察孝廉拜會稽內史到任務存治實敕止浮

華翦罰游惰由是寇盜衰止境內肅清除散騎常侍本州大中正致仕子靈符大明初自侍中為輔國將軍鄞州刺史入為丹陽尹山陰縣土境褊狹民多田少靈符表徙無貴之家於餘姚鄞鄞三縣界墾起湖田並成良業靈符慈實有材幹不存華飾每所蒞官政績修理景和中以讒死太宗即位追贈金紫光祿大夫

孔琇之

南齊書本傳會稽山陰人舉孝廉除衛軍行參軍員外郎出為烏程令有吏能還遷通直郎補

吳令有小兒年十歲偷刈鄰家稻一束琇之付獄治罪或諫之琇之曰十歲便能為盜長大何所不為縣中皆震肅遷尚書左丞又以職事知名出為臨海太守在任清約罷郡還獻乾薑二十筋世祖歎息除輔國將軍監吳興郡尋卒

虞愿

南齊書本傳字士恭會稽餘姚人元嘉末為國生明帝立除太常丞尚書祠部郎歷遷晉平太守

郡舊出蚺蛇膽有餉地者愿不忍殺放山中一夜蛇還牀下復送復還故處愿令更送乃不復歸論者以為仁心所致海邊有越王石常隱雲霧相傳云清廉太守乃得見愿往觀視清澈無隱蔽以母老解職除後軍將軍遷廷尉卒

唐

羅珣

唐書本傳越州會稽人為廬州刺史民間舍醫藥禱淫祀珣下令止之修學宮政教簡易淮南節度

使杜佑上治狀賜紫金服再遷京兆尹請減平糶半以常賦京之人賴其利累封襄陽縣男

宋

王綵

范仲淹淹王綵墓表字敦素會稽人大中祥符八年進士選大理寺丞奏獄必持寬典全活甚眾改太

常博士通判衢州未有學綵始建學舍百楹時金華郡守缺外臺假綵領之衢之父老遮於境謂婺民

曰我州一鑑何奪之為有詣外臺乞還者舉拜殿中侍御史慶曆中湖南蠻人亂攻劫郡縣朝廷以綵為安撫至則察訪利病知前之主者立重賞以誅蠻人一級萬錢士卒貪之往往害樵人以為功遂下令曰得賊首者必指其鬪地以為質其可擒者當生致之自是無枉戮者居軍中凡十月招安三千人遷侍御史克廣南東路轉運按察使時交趾有變而廣州當交趾之衝無城守備議陶埶為城造大艦十數日習水戰以待其來彼不復動歲餘以瘴疾求領小郡遷知通州通人歲苦海潮流亡者衆綵作長隄以捍之復民田業量其肥瘠奏免五年至

齊廓

宋史本傳字公闢會稽人舉進士提點制湖南路刑獄潭州鞠繫囚七人為強盜當論死廓訊得其

狀非強付州使劾正乃悉免死平陽縣白馬氏稅民丁錢歲輸銀三萬八千兩民生子至壯不敢束髮廓奏蠲除之為江淮西南轉運使時初兼按察同時奉使者競為苛刻邀聲名獨廓奉法如平時人以為長厚積官光祿卿

王琰

萬曆山陰縣志字漸師元祐間中第知靈壽

不吏盜倉粟翊發其奸例得遷秩歎曰置人重儆而已受賞可乎改從自首律後屢典州郡曹所至有聲於越新編字剛夫其先臨川人父榕為諸暨令遂薦之以治經有行亞西漢之名儒惻惻無華實東都之循吏識者以為確論

杜褒

周必大潛光堂記字伯稱世居越之上虞以篤行著紹興末府帥湯岐公史魏公交薦於朝再命以

官嘗尉崇安力變不舉子之俗治獄無一夫之冤遇大利害密裨其長罷行之陰德不可勝計

貝欽世

於越新編字聖美上虞人紹興中進士授西安尉調武康丞居官廉介太守王十朋表薦之改

知江陰浚運河數十里

孫應時

寶慶會稽續志字季和餘姚人淳熙乙未進士尉黃巖朱子為常平使者一見即與定交紹熙

壬子邱宗帥蜀辟入制幕與元帥吳挺死即白制帥定議差統制官權領其軍草奏乞別選帥材以代吳



氏朝廷從之以張詔為興州都統一方晏然改秩知  
 常熟縣既滿郡將以私憾摺撫倉粟欠三千斛士民  
 咸德至相率擔負詣郡願代償不報竟坐貶秩卒開  
 禧丁卯吳挺之子職復歸興元果據軍以叛曦謀吏  
 部侍郎黃度等六人奏應時見微慮遠能為國家弭  
 患於未形乞甄錄其後得旨補其子祖開下州文學  
 胡搏萬曆紹興府志字崇禮餘姚人沂之子嘗為兩浙  
 轉運司幹辦官條無名賦請盡蠲之湖常水旱疾  
 疫乞多賣僧牒轉未緣門以賑二子術行衛舉進  
 士累官禮部侍郎封餘姚縣開國伯衍知漢陽軍  
 唐閱嘉泰會稽志字進道山陰人舉進士調明州定海  
 主簿累遷司勳員外郎兩浙歲饑詔以閱為浙東  
 檢察時州縣抑配豪右往往閉糴奏儲粟之家宜  
 勿限以價勿計以數則趨利之徒將傾國競售不  
 低昂而價自平又民飢不相保小兒遺棄衢路而  
 三歲以下乃許異姓收育閱請雖及十歲權聽民  
 養以為己子孝宗皆可之於是全活甚眾拜國子  
 業遷起居舍人卒閱長於春秋古氏做遷固史  
 左史傳

許亨宗

寶慶會稽縣志字兼善山陰人隆興二年  
 知漳州先是州以鹽抑民計且請給督其值

意於常賦亨宗首罷之又罷溪港津渡之權聽民往  
 來無禁及減去經總制錢額外苛取者歲罷緡錢合  
 四萬四千秩滿奉祠里居嘉定

孫子秀

宋史本傳字元寶越州餘姚人紹定五年進士  
 調吳縣主簿有妖人稱水仙太保子秀次其廬

沈其人於太湖曰實汝水仙之名矣妖遂絕知金壇  
 縣嚴保伍釐經界結義役一切與民休息惟豪黠者  
 有犯則痛懲不少貸通判慶元府主管浙東鹽事先  
 是諸場鹽百袋附五袋名五釐鹽未幾提舉官以為  
 正數民困甚子秀奏蠲之遷金部郎以與丞相丁大  
 全議不合去國開慶元年為浙西提舉常平徙提點  
 刑獄擊貪舉廉風采凜然犴獄  
 為清度宗即位進太常少卿卒

孫炳炎

萬曆紹興府志字起晦子秀從子以進士為福  
 州教授歷遷宗正丞權吏部郎出知饒州按視

屬運米二十萬石請得分限補償詔從之贛寇出沒  
 二廣為患炳炎不折一矢解散之廣帥劉應龍舉以

自代會以言罷  
歸遂不復起

元

王良

元史本傳字止善諸暨人淮東宣慰司辟為令史以廉能稱又辟江浙行省掾史會朝廷復立諸市船司良從省官至泉州建言若買舊有之船以付船高則費省而工易集且可絕官吏侵欺括克之弊中書省報如良言凡為船六艘省官錢五十餘萬緡除兩浙都轉運鹽使司經歷紹興路總管王克敬以計口食鹽不便言於行省未報而克敬為轉運使集議欲稍損其額以紓民力沮之者以為有成籍不可改良曰民實寡而強賦多民之錢今死徙已眾顧重收民籍而輕棄民命乎於是議歲減紹興食鹽五千六百引遷江浙行省檢校官有詣中書省訴松江富民包隱田十為糧一百七十餘萬石沙蕩為鈔五百餘萬緡中書移行省遣官驗視良至松江條陳諸弊以破其誣事遂寢後以淮東道宣慰副使致仕

王珩

元治紹興府志字叔珩會稽人洪武中陳時務十策有裨治道授鹽城知縣至官承兵革之餘悉心涖政察利弊而興革之逾年政成永樂初徵為刑部主事不就歸

沃墅

河南通志蕭山人洪武初知溫縣時民艱於食墅令墾闢荒蕪樹藝桑棗百姓歌曰田野闢沃公力衣食足沃公有光代去民避道留之

葉砥

萬曆上虞縣志字履道洪武辛亥進士永樂初為考功郎中出知饒州府虛心延訪悉民利病而興除之郡故有銘密銅冶而丁調不減他郡砥奏減四分之一民困以甦

高復亨

萬曆山陰縣志字本中洪武中知河間獻縣招集流亡百姓咸歌思之復知諸城諸城故密地

朱仲安

萬曆山陰縣志字本中洪武庚午舉人授武進按貴州河南兩省善政聞悉知縣永樂初拜監察御史巡侍臣曰朱仲安和史中翹楚也宣德初遷河南按察

使人觀諫為十三道風紀之最進通議大夫卒於官

劉李篋

左參政民有遺賦積歲不能輸有司峻刑督之季虎至慨然曰民困不能輸為之父母忍督責之耶乃下令緩其征民皆感德悉完所遺陝不產硃砂而歲有諫額為奉罷之召為刑部侍郎治獄多平反承樂庚寅坐失出人罪左遷工部主事卒

方自新

萬曆紹興府志諸暨人洪武末以孝行舉擢石首令民負逋上官督責旁午自新憫之召官民諷諭先出俸為倡竟得米萬餘石為民代輸餘九百石儲為義廩自是荒歲有賑陞即陽守上津竹山二縣土瘠民貧科繇與壯縣齒自新為奉減租稅之

胡季本

萬曆紹興府志字秉誠餘姚人太學生授建昌府經歷擢知清江改新塗新塗號多事喜訟本為之才一年縣庭清肅時出郊問民所疾苦相慰勞如家人父子卒於官

馮本清

甲申春勅同錦衣衛刑科官撫蕪松常三府以貢授監察御史承襲洲有宿盜聚至數百人督兵擒之同事若欲繫論人碎本清不可奏誅其首惡餘差為五等皆得不死按賊吏振士風善政尤著擢福建按察司僉事分巡漳泉兼理海道府歲輸番貨百萬而非其產本清請半折鈔以甦民力建寧大水溺者爭附槎木蔽川而下本清乃聯百艘為浮梁截流救之活數千人會陳時政甚見嘉納宣德初改江西按察僉事卒

鄭弘

弘治紹興府志字仲耀諸暨人永樂初以明經判安慶府改饒州陞南安同知所歷皆有善政饒民以燒瓷為業故多官府造作之所弘嘗監督其事忽值窯變瓷器皆成異色守者將以上聞弘謂任土作貢不强所無倘因適然而責其常然後將何以應遽毀之民立祠寤所以報德

胡智

弘治紹興府志字宗愚會稽人永樂辛丑進士授監察御史宣德中陞福建按察副使調廣西龍州與日南思郎州累年交兵智往諭之為定約遂俱罷兵南丹奉議向武等處戍者病於瘴癘智皆為改擇

善地築城移戍興安有水陸三十六所官兵司啓閉  
因剽攘行者爲患智改役民夫啓閉以時往來者便  
之秩滿陞左布政  
司景泰初致仕

周頤

萬曆會稽縣志字養浩永樂初徙巨室丁壯實京  
師頤兄當行而母老遂上疏請代許之已而入太  
學卒業拜監察御史屢決冤滯遷山東參議有聲齊  
魯間調江西平大盤劇寇英宗改元遷福建左布政  
使建侯官懷安兩縣學問  
江山浦城道至今便之

甄完

萬曆紹興府志字克修新昌人舉進士授刑部主  
事高庶人叛逮捕株連無辜完爲詳獻全活甚衆  
進員外郎出爲廣西參議廣西獠蠻維處多瘴癘戍  
兵死者相藉完奏易以土人又建議營田於近地省  
轉輸之半景泰初轉湖廣參政會廣東盜起湖南大  
震完督餉彈盜境內賴以安等進河南左布政使屬  
水旱相仍民多流殍完至發倉賑貸奏蠲夏稅民困  
稍蘇任方岳前後二十年皆有惠政朝廷遣大臣按  
行天下考察獨甄  
完涉治不復考

李貴昌

萬曆紹興府志字用光餘姚人永樂初進士  
伏羌縣羌故無城多寇貴昌爲計度募民城之  
收知江寧時駕方北幸衆務旁午貴昌料理精  
敏尚書塞義薦爲吏部主事扈駕至京卒於官

貝秉彝

湖廣邵陽知縣僻而俗險前之名能治者罕  
以嚴秉彝寬馭之而導以禮義其民感化以憂去服  
關收束阿邑當南北要衝過使往還供給不絕秉彝  
想措有方事具而民不擾邑西南有樂春夏水潦近  
樂之民恒廢耕秉彝相地開渠納諸大清河渠成得  
沃壤數千畝旁邑流徙來歸者甚衆在官雖小物不  
棄凡營繕所餘廢鐵敗皮朽索故紙之類悉存之工  
暇令煮膠鑄杵搗紙絞索貯之庫會車駕東幸勅使  
督建席殿所貯悉濟急用而民不費有薦之者徵命  
已下縣耆老詣闕乞留從之九載考績上京時仁宗  
監國特陞秩俾復任民間秉彝復來踴躍迎拜數十  
里其得人  
心如此

呂童

萬曆紹興府志字邦用新昌人永樂中以貢知興  
化宋范文正公嘗令是邑流風猶存童至益自砥

礪旌異節除宿弊百廢具舉豪吏蘓奎鄧信交通巨  
璫視令丞若僚佐童盡發其姦奏而磔諸市境內肅  
然日與民治溝洫修鄉校在任十三年始終若一日  
部餉東南竣事還縣以瘁卒吏民號慟與文正並祠

名

徐士宗

豫章書山陰人永樂中知貴溪縣縣圯於水土  
宗夙夜經畫修治一新累年通負奏折絹布田

地坍決奏免稅蠲歲饑捐俸倡賑民戴其德  
任滿老穉赴上司乞留加秩通判仍治縣事

謝瑩

萬曆紹興府志字懷玉餘姚人宣德間授福建布  
政司都事會閩賊鄧茂七作亂勝從漳州民民畏

死欲應之重臣逕還不敢進乃以土兵委瑩討賊賊  
賊勢猖獗瑩兵寡不敵惟以忠義感發人心漳人聞  
瑩來皆喜曰謝都事來吾屬生矣瑩至民擁馬首  
曰朝廷討賊汝輩良民勿從賊自取勸滅民心始安  
不數日賊果就擒漳州得免  
於難後以孫遷貴贈少傅

葉崑

萬曆上虞縣志字拱辰上虞人正統乙丑進士  
刑部主事景泰辛未擢知松江府廉明公

畏愛之歲屢不登昇悉力賑救賴以全活者  
有殿山湖其半屬崑山界湖堤壞莫修崑視為一  
築隄萬餘丈崑山人感愧甚  
東參政累遷右副都御史致仕

呂昌

新昌縣志字好隆舉進士授御史累遷江西按察  
副使中貴葉某鎮守橫甚其僕白晝殺人市中昌

捕得論死會准邸責民子錢甚急昌視其券久入息  
多者即焚之葉乃謾語激王王怒奏昌侵侮宗室事  
下御史按問御史素賢昌抗章訟之事乃白再遷陝  
西按察使值邊備方亟民困供輸昌累疏便宜十餘  
事上悉嘉納之陝俗仇壯巨俠司千戶貴雄一方怙  
勢殺人昌至鳴冤者數百人昌按其事有驗即逮繫  
斃之獄中於是  
直聲震中外

馮謙

諸暨縣志字履吉正統舉人知沛縣沛當衝津民  
力罷於迎送謙力為裁節邑有戚畹莊梨木廠為

民大厲皆奏罷之又浚昭  
陽湖建飛雲橋民賴其庇

徐琦

諸暨縣志字廷振正統舉人授崖州知州崖民多  
黎戴竹笠子垂髻來見琦諭以服色當從中國為

易方中直領之製簡率俊秀使趨於學教以婚喪禮俗為之變在崖九年改道州知州政復報最致仕

朱縉萬曆紹興府志字廷儀餘姚人正統進士拜南臺御史以剛直見推出為常德守至則求民利害所

宜廢置者張弛稱便在郡六年政平罰清卒於官

沈性獻徵錄字士彝會稽人景泰辛未進士授監察御史舉劾無所避天順丁丑方岳郡守員缺命公卿

舉賢能任之性得寧國府剗剔蠹弊一以惠利為本鄰境太平府歲倩宣城民夫五百乞取白土為常役

破產者十九性奏免之歲大侵輒發羨餘減價出糶以利民在寧國八年政為諸郡最

章瑄萬曆紹興府志字用輝會稽人景泰進士授職方主事出守山海關時中貴魏榮領神鎗使縱所部

京校假冒試習侵關事後府舍人王延倚藉宮掖得管押戍卒恣為淫暴瑄並奏寘諸法御馬都監指揮

脫人赤有寵於英宗命使朝鮮而無關符瑄持之不奉詔脫馳奏上震怒械繫闕下言官論救得釋尋遷

車駕郎中進遼東行太僕寺少卿諸番貢馬入序多為備御所遺官闕所貢馬於各邊自是歲

得良馬算建學以教列校子弟遼士始知禮義尋乞歸

周芳獻徵錄字廷柱山陰人景泰丙子舉人成化中授豐城知縣豐地大戶繁牒訴夥瑣日以千計芳無

所阿避兩造在廷察詞燭理是非立剖案無留積龍濟洲在遠郡與鄰境鄰相構扇為盜芳募民紳其

渠魁民相寧息凡商賈須令給繙為道里焉率入錢於今為堂食費歲可千緡芳捐以精學及水利所需

尋以外

曹謙萬曆會稽縣志字廷遜景泰初領鄉薦授潮州同知徒韶州所至以廉能稱遷高州郡守獠獠出沒

剽掠民不聊生謙緩禦合宜羣夷帖服至有迎拜道左云出輪稅者高人刑之

王樞歙縣志字克懷景泰中以貢授寧國推官判決明敏獄無冤滯有丁婦郭少寡其叔挑之郭欲聞於

官志懼誘辱訟以不孝守將刑之樞廉得其情爭於守曰公不惜一婦人獨不惜寧國郡三年不雨乎守

悟郭獲免以疾卒囊無餘金民爭出錢為贖其子謂不可以喪故汚吾父盡却之太守聞而差異各捐俸

以助於

獲歸葬

嘉靖浙江通志字用光山陰人天順壬午舉人授

貴溪知縣以簡易為政民用不擾未幾補高密密

地當沙河下溼漫流殺稼呈治塘浚溝取南人水耕

法教民濱海為田立均徭九等例撫按頒之一省以

為式後卒於官

兩邑皆祠祀之

蔣憲

諸暨縣志天順年選貢入京任海廣應山縣知縣

時民未知耕憲為制犁教以耕婦不知紡憲為制

紡車教以織憲

山民自此饒富

王進

萬曆上虞縣志字蓋臣成化丙戌進士任大理評

事轉寺副奉勅恤湖廣刑獄多所平反河間知府

賈鍾納交中貴故殺無辜荆州有獄連戚里者上皆

命進往按悉置於法出知成和府歷山西布政使精

明簡易以

疾卒於官

陸淵之

萬曆紹興府志字克深上虞人成化進士授禮

部主事尚書陳文卒謚莊敏不協輿論引司馬

先論夏竦事劾之出知敘州府有故多淫祠悉毀之

以祀先賢諭民孝享其先不宣崇惑靡費暇則進書

生講明理道寬裕

省訟四境大治

祝澣

兩浙名賢錄字惟容山陰人成化進士歷刑部郎

中擢知南昌府郡常省會繁劇難治澣廉明有威

聽決無滯時逆濠勢漸熾戕民贖貨澣屢裁抑之王

府有鶴帶牌者縱於道家犬噬之濠膜府欲抵罪

澣批牒曰鶴雖帶牌犬不識字禽獸相爭何

與人事濠卒不能逞後竟以中傷謝事歸

俞振才

萬曆紹興府志振才字仲才新昌人

成化進士拜御史論列不避權要巡

按四川遷湖廣按察副使先是臬司內有淫祠惑人

胥吏以下莫敢近振才至立命撤之弟振英字仲英

以進士知安東一日得淮流浮尸衣夾揚州市緝日

振英曰是必有冤遂遣數人分市緝懸察其色記相

符者賣買之一人得數緜歸與目無二索其舟果得

餘練并所掠少女女言亡官眷屬被害已十日矣盜

二十餘眾皆伏辜歷遷尚寶司卿逆瑾擅權振英至

京或謂曰曾謁劉司禮乎書刺必謙抑振英曰吾老

矣不能飽首奄  
豎遂棄官歸

董復

萬曆紹興府志字德初會稽人成化乙未進士授  
縣令寬徭賦捍水患郵孤乏抑兼并奏最拜御  
史孝宗登極首疏斥貴倖數十人直聲大振以  
是為用事者所摧出知雲南府其治一如在黔

章忱

兩浙名賢錄會稽人成化戊戌進士授臨城知縣  
悉心咨訪民所欲惡以次建罷適歲大饑民多流  
竄忱為招徠撫綏給種食免征徭民接踵來歸城北  
泥河出源泉忱率眾築隄引水灌苗又致桔槔以濟  
高阜邑曰是有水利修學宮具祭器及諸壇遣館舍  
百廢具舉民或以訟至庭忱為開示曲直告以講信  
修睦之義民多自慚惕

引退後陞太僕寺丞

韓廉

獻徵錄字守清餘姚人弘治丙辰進士授任縣知  
縣任上隘人瘠轉徙者半廉加意拊循省刑節費  
民相率歸附徵為廣東道御史正德初按福建風裁  
凜然漳南盜肆侵掠督師勦平之時逆瑾擅權欲以  
變奪冒功脅之禍福廉不為動乃矯詔調高安縣已  
又擄殺過建繫詔獄瑾誅事自備遷潞州知州晉山

東兵備副  
使致仕

葛浩

葛木

萬曆上虞縣志浩字天宏弘治丙辰進士  
令五湖考滿召拜南臺御史以論逆瑾廷  
杖下獄黜為民瑾敗復官遷廣東左參政新寧盜起  
時握兵者頗多殺戮獨浩用兵有紀獲盜必多方審  
驗不妄殺一人後官至南京大理卿子木字仁甫正  
德丁丑進士歷刑部郎中知淮安府鎮以簡靜加意  
撫字節冗弛禁富者不苦於役貧者得負鹽  
以自活淮民戴如慈父遷山西參政卒於官

陶懌

傳詳

杜民表

兩浙名賢錄字望之嵯人正德丁丑進士知鉛  
山宸濠之變決策守禦民賴以不擾尋拜御史  
大禮議起首旨

周祚

獻徵錄字天保山陰人正德辛巳進士授東阿縣  
知縣邑號疲劇困於徵輸祚調撫得宜民得安堵  
奸猾不敢犯父憂服闋補來安知縣一以治東阿者  
治之徵拜兵科給事中遷工科左卒紹興府志祚為



給事疏陳任將賑饑弭盜均役省兵稽尺籍清廢弊  
懷祀典飭荒政覆覈首功十數事巡視九邊復陳邊

兵芻糧大計  
悉見嘉納

趙垣廣東通志字平仲餘姚人嘉靖進士授刑部主事  
左遷肇慶府同知孤立狷介人不敢干以私號趙

鐵面時征封川麒麟白馬山轉饒數百人部  
兵者欲掩殺為功垣力止之歷陞廣東參議

周如砥兩浙名臣錄字允直餘姚人嘉靖己丑進士知  
劉陽改發源時太宰汪鉉方柄鉉家奴橫甚如

砥一裁以法汪銜之移判武昌汪罷去始遷工部營  
繕司主事歷郎中時九廟四郊慈慶慈寧諸大工繼

起川湖巨材術尾至故事至則挽入臺基山西二廠  
聽內豎取裁絳司唯唯而已如砥密召工師索其總

厝令挽木者悉以木置長安東西街召諸匠如式裁  
用然後進兩廠內豎竟一無所得後擢太僕寺少卿

請告

祁清紹興府志字子揚山陰人嘉靖丁未進士司李保  
寧明於獄決陞南禮科給事中疏言軍興費絀

有三冗內臣動以千計則官冗監局工匠歲費粟  
餘則食冗諸衛官軍伍缺糧存則兵冗上納其言下

部覈覆又劾咸寧侯仇鸞怙寵及藩臬之倖陞卿貳  
者以是為時所忌出知福州府適海賊內犯民爭入

城監司欲阻之請謂民命至重遂入之擢貴州副使  
苗長楊珂據六洞叛清諭以利害乃自縛乞降既而

王世麒宋廷武王阿利各據險以叛清策於大僚曰  
世麒兩世漏誅宜發兵進討宋禍起於爭襲阿利負

固無能為撫之足矣巡撫如其言卒平衆苗遷胡廣  
參政增築辰州府城計安銅鼓衛反側議設五溪舟

制遷陝西右布政使  
卒於官貧無以為殮

聞人詮紹興府志字邦正餘姚人嘉靖丙辰進士為寶  
應令邑南有泛光湖延袤三百餘里風濤沒溺

羣民病之詮議開越河以衛漕運輿論久不決乃試  
築一方以一準十工用不煩竟成之擢御史巡視山

海關繕修城堡以丈計者四萬餘民不知勞為南京  
提學御史校刻五經三禮舊唐書行世世宗幸承天

後行宮尚存人慮再巡詮  
為與廣副使上疏藏之

鄭舜臣

廣西通志上虞人嘉靖丙辰進士授歙縣令歷遷柳州府太守時督撫大征古田調狼兵十餘萬屯城下舜臣內固城池外安兵衆晝夜不遑寧處監軍道發俘囚數百名覆審內有幼者六十餘輩舜臣憫其無知乃乞易年

何世學

蕭山縣志字道甫隆慶戊辰進士知丹徒縣常南北之衝漕渠江防百費雜出又更大水民多通賦世學節用緩征公私兩裕擢都察院經歷張居正銜其讜直出為常州貳守遂謝政歸居鄉力行任郵其建國

張試

蕭山縣志字式言隆慶戊辰進士任休寧令革里甲行條鞭法改判辰州招撫天柱諸苗開設縣治陞刑部郎中時神宗久不視朝試上言極諫語侵貂豎出為撫州守下教墾七里桃花等陂計萬餘畝卒

鄒學柱

紹興府志字國材除姚人隆慶戊辰進士授溧陽知縣巨蠹呂祚等與為民患學柱訪得之自置之法縣田有官民二則官田賦最重民甚患之學柱力為清丈編以一則官田賦則以勢家隱漏賦補之百年大患釐於一日歷知歸德府平白蓮妖擒劇盜朱應科等遷江西副使陞河南左布政使再補山西

罷歸

周應中

會稽縣志號寧字隆慶辛未進士今元氏調繁自應中始會以事忤中貴馮保調崇陽均徭役嚴清丈勢家病之大計誣列不謹削籍家居二十餘年起補曲周令遷潞安兵備太宰王國光里居不法應中按以律其私人乃力稽之復論調又家居七年起任荆南道荆南臨長江漕舟時覆溺應中酌為幫運支收之法官民便之而為司理所中傷復論調遂抗疏乞歸年九十而卒

范可奇

會稽縣志字士穎萬曆甲戌進士以刑曹出守黃州歲額輸絹民以土不蠶率轉質旁郡可奇見官廨有桑令家人試之與吳越同於是課民種桑答杖之贖以所種多少為差三年而桑陰蔽野黃之

有鑑自此始歲大澆適漕舟至可奇喜曰吾得藉手起此溝中瘠矣故事漕於江者卽黃受代以達京師可奇以爲此去秋成三月莫若散之民間秋至而收之則滯漕舟不過三月耳力請於大吏報可及期償運之外復得羨米數千石儲以備荒尋陞廣西副使疾卒

諸大倫

西江志號白川餘姚人萬曆八年由兵科給事中請丈量田畝既平營占悉清修費舍建義學興廢舉陞民立祠祀之

魯錦

紹興府志字文叔山陰人萬曆丁丑進士令山陽屬董其事計隄千百丈許踰月告竣報最遷刑部主事以忤張居正謫廣德州判官遷定陶令建義倉立義學設義塚皆實心舉行在山陽有實政錄在陶有治陶錄

馮應鳳

山陰縣志字鳴陽萬曆庚辰進士爲永豐令承及補御史巡按江右讞諸郡獄必務平反至今刊布爲爰書式歷遷太僕寺少卿卒

何繼高

山陰縣志號泰寧萬曆癸未進士居西曹獄多瑞也出知衛輝調臨江歲大饑載粟平糶設粥以賑復議免樟樹永平二鎮惟稅調知福州後入朝鮮闕省大震與撫軍計移築福州城閩人至今賴焉遷長蘆運使立五綱冊核商主夥定餘鹽夾帶例寬徒戍之罪增引額二十二萬增課一十七萬有奇又以羨帑贖滄州城滄人德之遷江西右參政卒

楊宏科

江西通志字意白餘姚人萬曆進士爲新淦令時凶歲府至宏科散財發粟極力撫循之盜賊流劫諸鄉捕治其首惡無所株蔓淫賴以安

董子行

福建通志字西卿擘縣人萬曆間爲候官令吏才精敏奉詔文用汰浮米無算縣西有石門峽江水爲患子行建議壘塞方舉事徵爲御史後令周兆聖罷且議築之歲獲有秋

史記勲

餘姚縣志字叔萬曆癸未進士爲南刑部主事累遷重慶府時楊應龍反記勲主勦朝方賑慮其中梗移守彰德歲歉請折漕米數萬又發贖錢以賑境內得安

戴尚志

西江志蕭山人萬曆中以刑部郎出知瑞州府  
實政愛民無勾攝之擾無留滯之獄高安苦兌  
運有賣產鬻妻子者尚志與知縣田一甲議為官兌  
乃令糧簿先期排定船隻民運至舟官押赴省關邑  
累免

蘇萬傑

施邦曜蘇萬傑傳字伯邁餘姚人萬曆戊子舉  
人授寧海學諭歷遷鎮江同知理王店關榷悉  
罷沿途邏卒通河道而稅額自足外艱服闋補邵武  
攝福寧州篆州故患盜萬傑至獲一賊察其可用釋  
而撫之使盡誦其黨散置各船給糧為兵遂帖然無  
他志尋督餉通州轉兵部員外出守大理牒報雲龍  
州民何天恩等為亂將攻城時議洵萬傑持之以  
靜賊俄潰去擢廣西副使會靖江王叔姪爭立不決  
擾及官民萬傑以情理折之十餘年懸案立定晉雲  
南右布政改道聞上寇昔名聲結聯交趾反乃疾驅詣  
於督臣移檄交趾慰之以毋得助逆而自單車直詣  
普壘開布誠信普大悅服後反覆不常乃用間搗其  
黨魁內自殘殺遂終訖撫俄有巨猾張國泰冒  
人真橫其院司威震萬傑獨言其偽曰吾恐其

而嚴去耳立邀之至一試而服人  
以為神旋為忌者所中拂衣歸

王以寧

會稽縣志字慎甫萬曆戊戌進士知宜興縣  
成國魏國等多以賜田為名隱漏正供以寧屢  
啟請丈方請於上悉為起科以補貧民之稅又立社  
倉五所捐俸贖為倡儲米萬石陞監察御史按粵東  
先是粵東兵餉取給於墟鎮場市雜稅市豪壘吏因  
緣為奸以寧具疏極言其害無名橫征一切報罷尋  
以母老  
辭官歸

劉永基

紹興府志字止菴山陰人萬曆庚戌進士任宜  
興令清吏胥乾沒稅糧執洞庭連盜聲望甚著  
後補贛令邑大饑設六廠貯賑贛民得甦累陞山西  
僉事會朝中婦寺交亂恐不免於禍甫掛冠已即削  
籍後起為陝  
西副使卒

胡一鴻

紹興府志字季漸餘姚人萬曆庚戌進士授南  
工曹出知荊州府濱江之田視隄為荒熟歲久  
將決一鴻發民修築隄成而利倍補武昌府水西之  
亂推彝為辰沅副使以主餉事劄運法為連珠營每

營距十里迭為運防輪日番休黔軍  
得以藉手轉陝西按察使未任卒

孫如洵

紹興府志號木山餘姚人萬曆癸丑進士授刑曹出守池州土賊盛長等千餘人沿江肆掠如

洵令鄉民屯聚守隘親率壯士夾擊一鼓而殲其魁  
遷山東副使擢濟寧參政賑饑荒以杜盜源境內以  
安後致

政歸

姜一洪

餘姚縣志字開初萬曆丙辰進士授武學教授  
累遷河南參政分巡禹州時流賊震動而河決

民不得耕一洪曰不戢之則民將為賊遂開倉賑之  
流亡皆返賊犯縣鄆陵竟無復為前導者老回回

犯河北一洪往討之多張疑兵而白率勁卒當  
中堅賊不敢逼河北獲全歷陞廣東布政使

倪元琪

紹興府志字賦汝上虞人天啓壬戌進士以鄆  
門令調歲時運瑞私人布中外奸民乘之欲吳

榮以僕訐其主吳養春久擅黃山利遣部曹呂下問  
乘傳籍其家下問為瑞私人隸役恣暴民一夕鼓譟  
碎館門下問踰垣走民相結聚幾召變元琪單騎慰  
諭乃定下問怒無所洩歸獄邑令瑞復遣人馳劾督

治甚急元琪據法爭之會逆瑞伏獄乃以考故  
史首疏黃山一獄以正諸奸罪由按江西擢理兵  
平粵寇督學吳中時有指復社為不軌者朝廷震怒  
欲劾之元琪言諸士修名矜行無亂蹟柄臣以為黨  
論光祿寺錄事後遷  
行人副歸里病卒

國朝

陸元機

廣東名宦冊山陰人順治三年粵初定以元機  
行廣州知府事開誠布公遐邇向化丁亥失獄

犯陳知希總督修養甲癸其故縱欲以軍法罪之百  
如奪獲就位手乞代死籍其貲止數金遂復其官

謝祖梯

名宦冊字友公會稽人順治十三年知建  
寧府鎮卒張文龍等以缺餉為名擁眾鼓譟祖

梯正色諭之不敢動既而文龍等入據南鄉人情惶  
駭祖梯密請巡道李元萃約署建協王之綱擒縛倡  
首正法郡賴以安尋擢湖廣岳  
州道士庶泰道攀轅不忍其去

董期生

廣東通志山陰人順治十四年由舉人任雷州  
府理刑雷郡荒糧未豁吏緣為奸期生廉置之

法弊始絕攝廉州篆時橫山一路白晝劫掠道梗不通乃諭地方集鄉丁擒其巨魁橫山始為坦途十七年遷汾州同知歸度梅嶺資斧無措同官共貸之累官淮安太守

姜希轍

紹興府志字二瀆餘姚人明崇禎壬午舉人順治初補溫州教授攝縣事以民兵破海寇陞元

城知縣鄰郡饑流民蠅至時巡人令嚴無敢收者希轍悉留之令墾荒地受催得食全活以萬計卓異擢戶科給事中疏陳侃侃切時政陞奉天府丞乞養歸服闋不起與黃宗羲等論文講學四方之士皆趨之

余縉

公舉事實字仲紳諸暨人順治壬辰進士授河南封邱知縣時邑甫遭流寇蹂躪之後民多轉徙縉

加意撫恤闕汙萊革耗羨省徭役招流亡民始復業令封六載熟悉兩河形勢遂議引支河以分水勢築堤以衛民居均築大以防潰溢清灘地以業窮民禁採青以杜騷擾擢御史歷河南山西二道巡視長蘆鹽課嚴禁私販酌通融代銷之法寬老幼負攤之禁商民德之予告歸杜門不出建宗祠捐置祀田學山敦倫睦族任郵好施為邦人矜式康熙甲寅山寇竄發縉散家貲募死士為守禦計既而援師至籌餉

無出縉首相全為倡事賴以濟總督李之芳嘉之

何嘉祐

鄉賢留祀冊字子受山陰人順治甲午選拔一酉副榜知江西奉新縣民多通賦嘉祐區畫有

方不事輒扑浹歲間宿逋為清民健訟申誠嚴禁刁風以息擢戶部廣東司主事尋監寶泉局歷江西司員外郎權關蕪湖却陋規禁需索陞山西司郎中以薦改授御史所論列多報可巡鹽河東力疾冒暑行

值鹽池水漲禱於神一夕水退數尺人謂忠誠所感

馮勸

公舉事實諸暨人順治甲午舉人選桐鄉縣教諭陞博白縣知縣時兵燹之餘土寇未靖有賴天錫

唐朝奉者侵擾城邑勸守禦擒捕民賴以安內艱服關補襄陵縣惟科撫字咸得其宜時秦中饑流民載道勸設賑作粥以濟全活者甚眾補山西道御史

余泰來

公舉事實字子閑山陰人康熙壬戌進士授庶

勤勤課助牛種則流民不招自至上嘉納之巡視長蘆鹽課屬吏巨商爭相餽遺盡却之

奉天府永歲饑命發太倉由海運賑濟泰來以民需食甚亟捐貲濟運奉

天民俗質樸教以禮讓敦詩書士風丕振

魯超廣東名宦冊號謙菴會稽人守松江有善政後為

鳳七載期舊有絕戶虛丁久為民累超除豁三千餘

戶康熙甲戌水漲超晝夜督民築隄至今名魯公隄

丁丑歲饑守令議發積貯平糶未敢擅動超力任之

采幾果報可相進粵藩益厲清操草珠江義學延宿

儒以教士粵東兵餉例開用錢過錢滯兵苦虧折強

市民物民復若之超請全給白金兵民均便卒於官

台州府

宗 羅適赤城新志字正之寧海人治平三年進士為江東

令凡民有訟曲直徑決於前不以屬吏黎明視事

入夜猶不已居數月政化大行訟者益少乃出行

所過召其耆老問以疾苦及所願欲而不得者

罷行之嘗有書與蘇文忠公論水利凡興復者五十

有五漑田六千餘頃歲或乾溢騰羣祠輒應如響官

至提點兩浙京西刑獄

鄭霖台州府志字景說寧海人紹定進士除南安教授

知平江十年之間靖宜興之盜釋久繫之囚撥戶部

牙弊以給流寓者添差總管以舒邦計修築呂城疏

濬練湖公私便益人蒙惠愛後以將作監禮部

郎官召不就卒年七十二贈龍圖閣直學士

杜濬黃巖縣志字淵卿丞相範之子以司直陞對直言

積連人以爲不愧家風云

李由西江志字民載台州人知玉山縣不受請託決訟

明果終日坐聽事重門澗闕上下之情無不通者

王旬黃巖縣志字伯俊居安從子景定中為桂陽判官

警擾旬微知守匿所夜半匹馬追及之力挽守出視

事衆乃定已復設立木城修備戎器泣諭衆曰若寇

難區測吾法當與爾共斃寇聞有備遂遁人謂其有居安之風

元

周仔肩

臨海縣志字本道延祐五年進士授鄞縣丞遇

以便民轉長興判官別煮辦冤卹災賑困百姓感德為立祠祀之

許廣大

咸化四明郡志字具瞻天台人登進士第授慶元路學州判官再授武義縣尹俱以廉能聞

至正九年調知鄞縣平差役嚴程限有事不遣吏卒惟親署一帖俾相傳遞民無不如約者有訟訴必親折吏莫能售其奸

明

方克勤

宋濂方克勤墓碑字去矜寧海人至正甲辰嘗一踐場屋言國家利害無所顧忌有司不敢取飄然東歸益閉戶潛心於天文地形禮樂刑政及制度名物之屬必辨析於至當洪武二年詔立縣學

以訓導辟克勤起應命四年徵上京特命知府給事至官日引耆耄坐語詢以得失屬縣之內賦立學學凡數百區學子繫籍者二千八百人兵後號為最盛始有詔民闢廢田者闍三載乃稅東徵近功不俟期斂之復以田定其科繇民益情田不增闕克勤與民約定為簡書列丁產為上中下三等復折為三每有徵發恒視書為則吏不敢並緣為奸初赴官時戶僅三萬稅萬餘石三年之後稅以石計者十四萬四千七百戶亦增至六萬有奇二州二十縣家有積粟野無饑暍其為政不喜近名曰近名必立威立威必至害人吾不忍為也府庭間不聽械革鞭縣楹間示不妄罰咨慮考績為六府最八年秋知曹縣事程貢嘗以不職被笞心銜之上封事言狀誣克勤用倉中炭膏克勤不與辨遂就逮效於京師子孝孺鄭士原台州府志字孝仁寧海人洪武初陞懷慶同知兵後民著籍僅三萬家士原招來安集平賦役簡追逮越三年流通四歸田野墾闢戶稅增十倍河南諸衛軍糧月給鹽十之三各府役車夫赴河東鹽司輦致民困於道路士原膠懷慶等衛俾軍自輦衛挾重臣勢令役民如各府士原持不可曰吾郡民寡



而事煩與各府異使月為軍運鹽則父老子弟接踵  
河索之塗猶不給也其何以為生且設軍以衛民奈  
何彼民以奉驕卒衛不能屈陞湖廣按察司僉事先  
是荆襄之卒乘亂多掠民女為妻妾或脅為奴部使  
者畏武臣莫敢究士原至民拜馬前號訴立召諸衛  
軍俾還所掠於民土原精練果敢操持勁正吏畏其  
威而強有力者聞風亦莫敢犯數千里間貪猾屏息  
會斷刑安陸死囚有稱冤者時獄已上土原索成案  
視之語果不同因上其冤狀御史怒其沮格銜之既  
而空印事起遂嗾懷慶吏極及之士原辨不勝自誣  
服輸作江浦

於仲完

舊浙江通志黃巖人洪武開任永新縣時南鄉  
屠南鄉仲完力止之躬率鄉兵執其渠魁寇  
中有鄉人戴之若父母生子多以於姓為名

童謨

真巖縣志字尚弘武癸卯領鄉薦授六安學正  
擢番陽令歷除山東布政使妖婦唐賽兒亂謨豫  
奏請兵不報已而變起有旨逮獄謨竟不自白及聞  
天子將率兵北伐莫有諫者謨從獄中鬻血草諫

以進成祖曰此忠臣也出之調廣西布政使卒謨  
自莖仕以來所至皆有惠政山東民至今頌之

陳公成

寧海縣志字季鏞洪武辛亥進士授耀州同知  
時兵燹之後草萊蔽野大府責屬州墾闢荒田  
高乾華邠諸州虛具頃數以為功公成獨不報曰民  
生尚窘吾朝夕撫摩之業猶未復又虛增糧額以廢  
朝之是毆之流散也何以為州大府不能強而耀州  
之民糈以無虛額歷轉廣東鹽課司提舉未任卒

李存仁

黃巖縣志永樂間以賢良薦授沂縣知縣尋更  
新喻初抵任伴為不諳事體狀逾月閭里委瑣  
悉知之一時豪右摧抑殆盡境內大治民有慢令者  
拘其母久之不出既而執其妻即出判曰慢令罪小  
不孝罪大杖殺之其不煩

許敬軒

台縣志號南湖永樂甲午鄉貢游國學以才  
推禮部司務陞儀制司員外宣德庚戌詔舉近  
臣優於民牧者敬軒得闕之汀州至則興學校勸農  
桑開常平以濟貧乏均徭役以鋤強豪以賢良方正  
薦程原慶朱振等於朝以貪殘虐民劾祝  
永昇等五人逮治問罪郡內翕然大治

黃敬

黃東通志天台人永樂七年知雷州府先是府多  
四繫敬至悉為剖決數月之間囹圄一空府境被  
潮漲民多溺死敬設法賑之多  
賴全濟在任數載民安訟息

陳員韜

台州府志字從熙臨海人宣德庚戌進士授江  
西新城令斥蠹吏核富室詭匿之籍賦役以平  
毀淫祠二十餘所奏復廢寺田之據於豪右者七千  
餘畝以給貧民聽訟明決鄰邑有不平者亦求直焉  
流民間風咸復故業先是新城克力士者十餘人例  
止其身後調守普安主將利為已役勾擾及其子孫  
員韜奏其事與他郡獲免者六百餘家改知永新奸  
猾遠遁擢監察御史巡按四川辨釋諸司死獄四十  
餘人維州大小姓猺人警殺為患員韜諭以禍福皆  
悅服會福建沙尤盜起特簡鎮撫其民王師至建寧  
主將惟日坐城中飲燕有司乘風徵求甚急員韜至  
正有司罪狀遂自擁數十騎直下廷平議戰守人心  
始安後寧陽侯大舉而下將盡殲之員韜參決其間  
活脅從者二萬七千餘家平反疑獄得不死者五千  
餘人陞廣東左參政轉右布政使豪僧恃宦者僭民  
正官不敢問下車卽斷以法會勦漳寇邁疾不起

侯潤

侯臣

臨海縣志潤字仲璣宣德癸丑進士擢禮  
科給事中敷對糾駁有聲陞通政司參議  
以忤權宦王振落職佐鳳陽尋改知邳州嚴明廉幹  
民安其化及振敗將柄用適以疾卒從弟臣字仲勳  
同榜進士任刑科給事中歷官河南布政使  
政築河隄置水閘中州人立石紀功

高瑛

台州府志字廷璧黃巖人正統戊辰進士除工部  
主事改南刑部郎中出為四川按察副使兼巡川  
西道遇事剖決如流鹽井僻遠吏長肆虐有強悍都  
指揮者尤不法怨家訐其姦狀無敢問瑛直置之法  
松茂黠賊劉崇虎叛居鞏利瑛率兵一舉滅之蜀王  
襲位徧謁郡神欲先木慈寺瑛抗言曰殿下崇儒重  
道宜先文廟王悅而從之擢本  
司按察使年五十以母老乞歸

謝省

台州府志字世修太平人景泰甲戌進士授南車  
駕王事轉武選遷寶慶知府至則條民隱十四事  
請於上官次第行之春秋時行郊野賑窮教耕織  
斥淫祠以建社學會計儲積可支五年乃撤朱文公  
家禮作十勿詩俾民誦習之不率者一裁以法境內  
肅然會岷府奏欲徒建宮殿事下有司議省執不可

已而巡撫力主其議乃乞補教職連乞養病俱不許三載考績至中途告歸

周一清廣西通志臨海人夫順間任慶遠知府政尚嚴捕之賊漸却常道聞其才微兼管慶遠衛事以征藤峽功陞正二品

范綱天台縣志字太和成化壬辰進士授兵部主事擢武選司郎中時武臣皆結交中貴凌次銓選綱抗顏執法羣奸側目陰中以事出知瀘州至則釐奸去弊奏減解部軍糧七十石巡按奏治行第一秩滿赴京病卒

王弼台州府志字存敬黃巖人成化乙未進士知溧水縣溧有湖田久棄弼督修舊陂得良疇數千畝入為刑部郎中有保定人訟戚曉王氏私籍民曰奉命往覈即上議歸其田出守興化信號令節夫役表孝義講行鄉射禮以八條約教民民翁然化之漳寇起藩鎮議徵丁壯於莆且脅以軍機弼曰莆乃寇所自入丁壯去郡誰與守比郡失則萬民死軍機失死士一身耳竟沮其議無何疾卒民為留衣冠葬之

姜鳳舊浙江通志字廷儀太平人成化丁酉舉人授倭城教諭陞歸化知縣值歲旱奏減秋米六百石民頌其德後判臨江築魚梁橋歷遷漳州知州

戴豪

台州府志字師文太平人成化戊戌進士拜兵部武庫主事遷員外擢職方郎中會邊報旁午衆務糾紛豪不動聲色而應答如流時馬文升為尚書特倚重豪諸司奏屬豪看詳同官皆服其精敏尋陞廣東右參政

許崇仁

天台縣志字一元成化庚子舉人署河南寶豐教諭陞清流縣尹適潮有屬邑羣鄉崇山巨壑羣盜嘯聚特設通判一員以才望推崇仁比至簡士卒嚴號令民賴以安江閩寇熾三省出師會勦崇仁獨當一面躬擐甲胄深入險阻元惡次第授首以冒險得疾遂致政歸

龐洋

龐洋

獻徵錄字原化天台人成化甲辰進士授工科給事中遷刑科在諫司久扶植善類沮格倖進每疏入多報可陞河南右布政駕帖取洛陽牡丹疏請罷之司禮太監李榮索古銅鏡器物洋曰物非土產官

功修

功修浙江通志卷之六 循吏三

取之民民無以應則累及塚墓卒不與轉廣西思恩

蔣顯

台州府志字思誠臨海人成化丁未進士授南刑

部主事陞本部員外轉湖廣僉事分巡武昌吉府

儀賓殺人冀以賂免顯立抵以法值鎮守闔張拊為

劉瑾腹心有綸指揮張青索軍人財不遂囚死其父

蔡餘慶

傳詳

楊澤

台州府志字商霖天台人由進士授南刑部主事

陞福建屯田僉事先是建寧等八府歲納屯糧取

道沿海倉民苦覆折之患澤折衷估價兌銀定為常

例尋陞本司副使閩省新建神廟歲遣中官進香摩

張成德

仙居縣志名溪以字行成化六年以貢除蜀南

之曰若等願舉子乎曰然願多舉乎曰然曰若父之

願猶是也今日若於兄弟異日若子於兄弟亦猶是

也二人憮然愧悔後竟以友愛聞嘗創諭俗亭作戒

秦文

獻徵錄字從簡臨海人弘治癸丑進士授行人正

身殉法獄獄精明瑾竟不能害遷貴州提學副使改

陝西兩都學政以抑奔競斥浮薄為先士習為之不

王坊

黃巖縣志字崇賢弘治乙丑進士知霍山縣禮者

德興學校百廢具舉陞南京都察院經歷霍民建

蔡潮

分省人物考號霞山臨海人弘治乙丑進士選庶

吉士改兵科給事中歷遷貴州右參議時清平苗

寇據香爐山以叛圍城數重潮誓死以守間道轉餉  
士皆奮勇先登赴日勦平自鎮遠距省城凡七程市  
岡復嶺旅行數十里無所依止潮為十里創一亭翼  
然相望行人賴之轉福建參政督糧儲悉心籌畫軍  
精給而兵民不擾山路崎嶇乃相地險隘輒為梁亭  
如萬里林藍田溪北嶺飛鸞雲嶺一帶悉為康莊轉  
河南右布政以兩河盜賊克斥令郡縣道周悉種榆  
柳俾木植成行不惟賦騎難於出沒且蒸薪亦資民  
用未幾乞休歸時族鄰凡道路津梁地壞者捐貲  
修葺如平大惡灘建高家渡橋移三江埠疏泉井洋  
凡可以利物濟人者為  
之無遺力卒年八十三

張儉

台州府志字存禮仙居人正德甲戌進士除工部  
主事改南刑部員外世宗議大禮儉抗疏爭且面  
斥桂萼廷杖者再出為江西僉事豐城水溢親視築  
堰以禦患民呼張公堰調福建寧道建寧兩衛屯  
田半蕪糧芟由辦貽軍攤賠不敷漸派幼丁屯旗不  
堪命舉子不取有儉反覆請獨報可歡聲震里巷陞  
四川副使會銅梁盜熾儉親接枹鼓勦平之陞福慶  
參政持法廉平有一張八關安之端無何致仕

侯緘

舊浙江通志字世言臨海人正德庚辰進士長  
曹有中貴下獄為刺請者盈穿緘不之視曰吾知  
有法耳既而中貴得赦以緘能守法言於上詔賜文  
綺旌焉歷官貴州布政使時思南宣慰司有警慢者  
巡按欲召詰之緘曰彼土官也急之則生變巡按竟  
召而杖之其部噪至城下發火露刃官司震恐緘曰  
彼迂其主耳非有他也白巡按出之立階下  
禮論而徐遣之卒不為變再遷閩藩卒於官

汪憲

浙江通志字尚鑑黃巖人領鄉薦任新淦教諭  
陸將樂知縣東豪強立社學庭無私謁獄無繫囚  
有流氓將犯境憲披甲身禦之賊畏遁去百姓製銀  
甲以謝却不受命貯之庫至今名為汪公甲陞寧州  
知州奉至而寢濠變作憲冒險而進贊  
都御史王守仁平大憝未幾引疾歸

蔡紹科

傳詳介節  
舊浙江通志字叔愚寧海人嘉靖癸未進士出宰  
豐城案牘山積一日剖決堂下無稱冤者修學濬  
河剔舛釐弊頌聲載道陞南京稽勳司主  
事兼攝四司黜陟惟允超擢郎中未幾卒

潘穎

事兼攝四司黜陟惟允超擢郎中未幾卒

葉良佩

台州府志字敬之太平人嘉靖癸未進士授新城令改貴溪時權璫督造與人府怙勢橫斂良

佩一繩以法率斂蹟不敢肆案牘叢委談笑而立決之廷無留獄擢南京刑部主事有富閹當論死者夜餽二百金良佩拒之竟抵於法再轉為河南司郎中任久法益精諸司有紛訟難解者咸咨良佩而行太平縣志良佩精究典墳以作述名世所著書凡數百卷

應大桂

應存魯

仙居縣志大桂字邦才嘉靖丙戌進士授行人歷除漢陽知府多惠政改

登州清譽益著陞湖廣副使致任子存魯字得之萬曆己卯舉人除石埭令陞鶴慶通判滋任三載政清訟理不事紛更務與民休息年六十致仕歸

鄭特

舊浙江通志字汝英黃巖人領鄉薦知崇明縣崇居環海中民以魚鹽為計蘆洲為產故事魚鹽船

戶皆有常例動以千緡計蘆洲則聽勢豪兼併特至首除常例而歸蘆洲於編戶勢豪語之御史被劾送部調用廷論冤之改調大縣以疾卒喪歸抵姑蘇崇民無老少咸號泣以送

許仁卿

舊浙江通志號古泉臨海人嘉靖戊子舉人任吉安司理殫心獄訟全活最多歷官瑞州知府

救荒殲盜立社建橋  
陞河南副使致仕

陸州

分省人物考字汝行寧海人嘉靖甲辰進士以刑部郎出守常德先是榮藩嘗請郭西濱江地租而

併稅艦簾之泊埠者久之中官愈益橫索或關及經行艫簾商人苦之州廉知非例下令禁治中官相戒斂跡郡受沅靖五溪諸水舊築土堤捍之春夏水暴土蝕則兩岸之間不辨牛馬州請易土以石募民貲蠲帑金為長隄百五十步高四仞廣半之澇至始不為災他如均傳費獎士類厘賑恤每事必為之區畫期於奉法循理尋擢九江兵備副使

王鈴

王洽

黃巖縣志鈴字予才嘉靖丁未進士授宜興知縣邑巨賦繁鈴至汰冗費闢荒穢緩

徵科民咸德之以峭直忤當道調知將樂至則擢五事以自矢行之一如其言急教化建鄉校修龜山書院皆有關於體之大者丁外艱服闋補成安歷陞山東按察僉事引疾歸子洽字近之領鄉薦授池州司

理訊刑聽訟多所昭雪任池  
數載凡費用悉資於家云

何寵

台州府志字汝錫臨海人嘉靖癸丑進士知無為  
州時有倭警築城浚池而民無擾陞刑部員外郎

中出知潮州潮亦患倭寵一以靜鎮徐察其利病興  
革之軍興旁午民不知有徵發忽寢疾闔郡奔走祈  
請及卒罷市巷  
哭肖像祠之

馮學易

臨海縣志字韋卿隆慶丁卯舉人授河南西平  
縣撫字有方人吏和洽陞淮安管河同知河道

自景泰以來歲決歲修迄無成績時議濬趙渠開加  
河學易相度効能築隄固岸不遺餘力逮河工告成  
晉長蘆鹽運同知兩攝使篆洞曉驍  
政吏不敢欺尋轉河南運使致仕

蔣承勳

臨海縣志字繼之萬曆丙子舉人授教諭陞東  
流令首除供具以甍里甲清驛遠侵牟之弊革

兩造先納紙錢陋規凡小大獄務決以情和快江  
滄習禱咒立能死人利兒貨斃四命而奪之有遺  
孫幸寄他姓獲全寬久未雪來赴愬承勳戒勿泄  
且集丁壯托他行發至滄家備得符詛狀驗實坐

悉還其貨陞黃州府同知黃郡輒艘鱗集匪出後  
承勳下車清軍役盤獲巨盜招申棄市一境肅然

折以理不為屈治績為三楚冠轉蜀藩長史致政歸

金字兌

舊浙江通志字吉所太平人萬曆辛卯舉人授  
曲江知縣值歲侵請於巡撫奏請蠲復發官

帑賑之所活數千家韶郡密邇諸洞互市交關者稍  
詳其意輒羣譁殺掠字兌內嚴守禦外布息信盜人  
戒不犯境為粵東清廉第一遷江  
西瑞州府治中方七閱月告歸

王萬祚

台州府志字君錫臨海人萬曆乙未進士釋褐  
當塗令甫至先問大姓主名為積害者得若干

人悉法治之諸豪屏息革羨耗嚴保甲政聲大著父  
憂服闋補汝陽值邑災單車問民疾苦為請緩歲徵  
民感激急公額賦早足擢南福建道御史彈劾不避  
權貴奉差下江貪墨吏望風避去所糾皆大僚大姦  
而纖屑猥細者置  
不問差甫竣而逝

周頌

台州府志字仲美臨海人萬曆庚戌進士授工部  
主事陞員外郎中出為武昌太守武昌省會殷繁

宗藩驕恣虐民最稱難治頌至申明禁約裁折以理  
 咸帖然無敢譁舉卓異擢按察司副使分巡常鎮道  
 會逆璫魏忠賢遣緹騎逮前都御史高攀龍高赴水  
 死又逮吏部主事周順昌義民顏佩章等公忿叢殿  
 緹騎立斃一人吳下鼎沸逆璫矯旨捕高子世儒頂  
 解坐鼓譟諸生以漏旨株連林下縉紳鄒嘉生等勢  
 釀不測頌詣兩臺極言冀為銷輯撫軍毛某難之頌  
 出疏草袖中謂如是似當免咎毛閱之內云方順昌  
 奉旨被逮府縣為促開讀而官箴不應留連需索訂  
 期十八日致生遠邇之心此變之所由肇等語因相  
 顧首肯曰如若草攀龍已死其子當亦見原不獨可  
 全活諸紳士於順昌一案亦易了也遂如其稿以上  
 得旨止置顏佩章等五人於法餘一無所問嗣璫偵  
 知其事罷官歸崇禎改元起補湖廣布政司參政分  
 守荆南道  
 感疾卒

任大治

寧海縣志字天卿萬曆己未進士授無錫知縣  
 歷陞刑部郎中時顧宗孟以觸魏璫下刑部勘  
 大治即謝病司寇入卧內強起之荅曰天日在上  
 可附會子頭可斷舌不可轉也越月出知廬州問民

疾苦教屬士習二州六邑之  
 長咸聞風振飭以病卒於任

王如春

西江志黃巖人天啓進士知餘干縣值洪水泛  
 蠶口旋窟築堤數  
 十里民稱王公堤

牟賢

舊浙江通志號拙菴黃巖人崇禎甲戌進士授廣  
 州司李俗頗壽張刑書統於省會帶獄者不下千  
 人賢疏其家牘以慈佐明旬日因固為空前門民叛  
 逐其長吏賢單騎詣鐵岡三峒為指陳善後計龍民  
 拜服行取吏部文選主事後  
 歸里三十年足不至城府


國朝

葉中遇


鄉賢留祀冊臨海人以貢生選潛江縣知縣地  
 當荆襄之衝時劇寇盤據西山調各省兵會勦  
 軍需皆倚辦於潛臣遇軼夕輟兵有餘糧而民無  
 重累紀功優敘陞郴州知州如子自請還粵省引  
 之於稅嚴前朝濫徵之倉米胡南北之人皆愛戴之  
 尋以母老告歸康熙十三年閩寇犯境時台郡兵糧



東傳江通志卷一百一十



單少臣遇盡散家財以佐軍需勵士庶為城守計尋  
事平日擊台和兵變之後流亡日多逋賦日積詣制  
府李之芳備陳困弊請勘實題獨歷年荒稅民得  
盡息康師已未奪撫交章舉博學宏詞以病不赴



天保製大日

國傳

餘里三十卒以不至越亂  
我派行頗吏借支取主事

人曾與其案部以意對也  
余習其李計釀藉聚書錄  
上進其師王公親

王收春  
蘇山新湖元上書錄  
吳斌臨風賦論取卒

吳斌臨風賦論取卒  
蘇山新湖元上書錄  
蘇山新湖元上書錄



